

جریده عدلیہ

۱ ذی الحجہ ۱۳۲۸ جمعه ایرتسی ۲۰ تشرین ثانی ۱۳۲۶

نومرو ۲۴

برنجی سنہ

قائمہ سنیہ

نوبہرات عدلیہ

محکمہ تجارت بحریہ اعضائی درسعادت استیناف محکمہ سی اعضا ملازمین جلال الدین بکہ ، درسعادت استیناف محکمہ سی اعضا ملازمین درسعادت بدایت محکمہ سی اعضا ملازمین ندیب افندیہ ، درسعادت بدایت محکمہ سی اعضا ملازمین محکمہ تمیز حقوق دائرہ سی برنجی صنف کتبہ سندن حق افندیہ ، کرک سنجائی بدایت محکمہ سی مدعی عمومی معاونانکی قوزان سنجائی بدایت محکمہ سی مدعی عمومی معاونانکنندن مستغنی بشیر مجدی افندیہ ، دراج سنجائی بدایت محکمہ سی اعضائی کوپرلی قضائی بدایت محکمہ سی مدعی عمومی معاون سابق عبداللہ وہبی افندیہ ، ادرنہ ولایتی استیناف محکمہ سی مدعی عمومی معاونانکی محکمہ تمیز جزا دائرہ سی اوچنچی صنف کتبہ سندن ومکتب حقوق مأذونلرندن عارف سری افندیہ ، سیروز سنجائی بدایت محکمہ سی اعضائی سیواس ولایتی مرکز بدایت محکمہ سی اعضا الغنہ تمین بیورلدینی حالہ قبل العزیمہ استغفا ایدن مکتب مأذونلرندن کال افندیہ ، بصرہ ولایتی مرکز بدایت محکمہ سی اعضائی موصلاہ رخصتنامہ لی دعوی وکیلی ومنتخب اعضا القده خدمتی مسبوق سلیمان پولص افندیہ ،



موش سنجاني بدایت محكمه سی اعضائي جهت عدليه خدمتی مسبق و دعوی و کالنی ايله مشغول استپان
 علیکسانیان افندی به ، معموره العزیز مرکز بدایت محكمه سی اعضائي معلقه قضاسی بدایت محكمه سی
 اعضاسندن اغوب شوشه یان افندی به ، خمس سنجانی بدایت محكمه سی مدعی عمومی معاون کی صیدا قضاسی
 بدایت محكمه سی جزا دائره سی رئیس دوریش کمال افندی به ، طرابلس شام سنجانی بدایت محكمه سی مدعی
 عمومی معاون کی بیروت ولایتی استیناف محكمه سی مدعی عمومی معاونی ذکر یا مظلوم بکه ، بیروت ولایتی
 استیناف محكمه سی مدعی عمومی معاون کی نابلس سنجانی بدایت محكمه سی مدعی عمومی معاونی نجیب فارس
 افندی به ، نابلس سنجانی بدایت محكمه سی مدعی عمومی معاون کی طرابلس شام سنجانی بدایت محكمه سی
 مدعی عمومی معاونی شریف افندی به ، قدس سنجانی استیناف محكمه سی اعضائي خمس سنجانی بدایت
 محكمه سی ریاسته بالتعین هنوز مأموریتنه عزیمت ایتامش اولان کامل افندی به ، اورفه سنجانی بدایت
 محكمه سی اعضائي مرعش سنجانی بدایت محكمه سی منتخب اعضا الغنده و موظف اعضا ملازمکننده خدمتی
 مسبق و مستطلق شهادتنامه سی حائز آرتین افندی به ، ارضروم ولایتی مرکز تجارت محكمه سی ریاستی
 ارضروم ولایتی محكمه استینافیه سی اعضاسندن آبیجان قره بت افندی به ، ارضروم ولایتی استیناف محكمه سی
 اعضائي محكمه مذکوره اعضای سابقه سندن نؤلوغوس افندی به ، خداوندکار ولایتی مرکز بدایت محكمه سی
 ایکنجی جزا دائره سی اعضائي مکتب حقوق مأذونلرندن محمد آگاه بکه ، تفویض بیورلش و بیروت استیناف
 محكمه سی اعضاسندن نجیب افدینک سوریه استیناف محكمه سی اعضاسندن خلوصی افندی ايله و بیروت استیناف
 محكمه سی اعضا ملازمی عارف افدینک سوریه استیناف محكمه سی اعضا ملازمی صبری افندی ايله بجایش
 مأموریتلری ، سیواس ولایتی مرکز بدایت محكمه سی اعضاسندن کمال افدینک قبل العزیمه استعفا سی وقوعنه
 مبنی یرینه مکتب قضاة و دارالفنون علوم عالیہ دینیہ شعبه سی مأذونلرندن حسین فخری افدینک ، آیدین ولایتی
 مرکز تجارت محكمه سی اعضاسندن ابراهیم رؤف بک اسکار بدایت محكمه سی مقاولات محرر لکنه تعیین
 اولمسنه مبنی انحلال ایدن مذکور اعضا الغه مکتب حقوق عثمانی علی الاعلی درجه ده مأذونلرندن مدحی عصمت
 افدینک ، تشکیلات جدیده حسبیلہ قره حصار صاحب سنجانی بدایت محكمه سی اعضا لرینک منصوباً تعیینی ایجاب
 ایتسنه مبنی ذکر اولنان اعضا الغه آیدین ولایتی محكمه استینافیه سی اعضاسندن ایکن مأموریتنک الناسی حسبیلہ
 آچیقده قالان دیقرا افدینک ، اشقودره ولایتی مرکز بدایت محكمه سی اعضاسندن سیمونا کی افدینک
 امامیه سنجانی بدایت محكمه سی اعضا الغه نقلندن دولانی آچیق اولان سالف الذکر اعضا الغه اسوچرهنک
 لوزان دارالفنونندن مأذون خرسوچوپ انطوف افدینک ، آیدین سنجانی مرکزنده موجود اولان تجارت
 محكمه سنک الغاسیلہ وظیه سنک لواء مذکور بدایت محكمه سی حقوق دائره سته تفویضی لواء مذکور مرکزنده
 جنبه و قباحه دعوالرینی رؤیت ایتک اوزره بر قضا بدایت محكمه سی جزا دائره سی تشکیلی لای التسیب
 اوصورتله تشکیل قلنه حق اولان قضا محكمه سی ریاسته لواء مذکور تجارت محكمه سی رئیس مکتب حقوقندن

مأذون عثمان صاحب افدینک ، مجدداً تشکیل اولنان آیدین قضاسی بدایت محكمه سی مدعی عمومی معاون لکنه
 مکتب حقوق علی الاعلی درجه مأذونلرندن عباس افدینک ، سیروز سنجانی مرکزنده جنبه و قباحه
 دعوالرینی رؤیت ایتک اوزره مجدداً تشکیل اولنان قضا بدایت محكمه سی جزا ریاسته لواء مذکور بدایت
 محكمه سی اعضاسندن و مکتب حقوق علی الاعلی درجه ده مأذونلرندن رفیق افدینک ، مجدداً تشکیل اولنان سیروز
 قضاسی بدایت محكمه سی مدعی عمومی معاون لکنه لواء مذکور بدایت محكمه سی اعضاسندن و مکتب حقوق
 مأذونلرندن عثمان نوری افدینک ، بولی سنجانی ملحقانندن زونغولداق وارکلی و دورک قضا لری بدایت
 محکمک مرجع استینافی اولمق اوزره اهمیت موقعیه سی درکار اولان بارطین قضاسی مرکزنده برلوا بدایت
 محكمه سی تشکیلی تأمین عدالت نقطه نظرندن مستلزم فوائد و محسنات اوله جنبی بالتأمل قضای مذکور مرکزنده
 موجود اولان بدایت محكمه سنک الغاسیلہ معاشاتی لوا بدایت محكمه سی درجه سنده بالتصنیف حقوق و تجارت
 و جزا دعوالرینی رؤیت ایتک و سالف الذکر زونغولداق وارکلی و دورک قضا لرینه مرجع استیناف اولمق اوزره
 تشکیل ایدیله چک اولان لوا محكمه سنک قسطمونی ولایتی محكمه استینافیه سته ربطی لای التسیب سالف -
 الذکر بارطین لوا بدایت محكمه سی ریاسته نیکده سنجانی بدایت محكمه سی جزا دائره سی رئیس محی الدین
 افدینک ، سالف الذکر بارطین لوا بدایت محكمه سی مدعی عمومی معاون لکنه کوکیلی قضاسی بدایت محكمه سی
 جزا دائره سی رئیس مصطفی رشدی افدینک ، سالف الذکر بارطین لوا بدایت محكمه سی اعضا الغه مکتب
 حقوق علی الاعلی درجه ده مأذون عبدالعزیز رشدی و اعلی درجه ده مأذون عدلیه نظارتی اوراق قلمی کتبه سندن محمد
 و اصف افدینک ، نیکده بدایت محكمه سی جزا دائره سی ریاسته ملغامناستر تجارت محكمه سی رئیس پترا کی افدینک ،
 فرق کلیسا سنجانی مرکزنده جنبه و قباحه دعوالرینی رؤیت ایتک اوزره مجدداً تشکیل ایدیان قضا
 بدایت محكمه سی جزا دائره سی ریاسته ، تیمور حصار قضاسی بدایت محكمه سی مدعی عمومی معاونی اولوب
 مکتب حقوق علی الاعلی درجه مأذونلرندن جمال افدینک ، مجدداً تشکیل ایدیلان قرق کلیسا قضاسی
 بدایت محكمه سی مدعی عمومی معاون لکنه مکتب حقوق عثمانی علی الاعلی درجه مأذونلرندن مسعود افدینک ،
 عزیزیه قضاسی بدایت محكمه سی ریاسته زیله قضاسی بدایت محكمه سی جزا دائره سی رئیس اووب لزوم
 تحویلی عدلیه مفتش لکنندن اشعار اولنان حسین حسنی افدینک ، آنک یرینه بارطین قضاسی تشکیلات
 عدلیه سی بوکره لوا درجه سنده تنسیق و تنظیم قلمسیله مأمورینی الغا ایدیلان قضاء مذکور بدایت محكمه سی
 جزا دائره سی رئیس اسماعیل نیازی افدینک ، تیمور حصار قضاسی بدایت مدعی عمومی معاون لکنه . اسباب
 مبحوثیه مبنی کذلک مأموریتی الغا ایدیلان بارطین قضاسی بدایت محكمه سی مدعی عمومی معاونی حسن
 حسنی افدینک ، سیروز سنجانی بدایت محكمه سی اعضا الغه مکتب حقوق عثمانی علی الاعلی درجه مأذونلرندن
 قهرمان عوناه افدینک ، کوکیلی قضاسی بدایت محكمه سی جزا دائره سی رئیس مصطفی رشدی افدینک ،
 بارطین لوا بدایت محكمه سی مدعی عمومی معاون لکنه ترفیعاً انتخاب اولمسنندن ناشی آچیلان مذکور ریاسته

مناسبت ولايتی مرکز بدایت محکمه سی اعضا شدن و مکتب حقوق مأذونان علی وصفی افندیك، آنک برینه قوصوه ولايتی مرکز بدایت محکمه سی سر مستطقلکندن بعدالتنسيق استعفا ايتش اولان احمد رفيق افنديك، مجدداً تشکيل اولنان خداوندکار ولايتی مرکز بدایت محکمه سی ايکنجی جزا ریاسته جزایر بحر سفید ولايتی مرکز بدایت محکمه سی مدعی عمومی معاونی اولوب شایان ترفیع کوریلن خالد افنديك، آنک برینه یانیه ولايتی مرکز تجارت محکمه سی ریاستندن مأموریتک لغویله آچیقده قالان مکتب حقوق مأذونان رفائل قارداشيان افنديك، مجدداً تشکيل اولنان خداوندکار ولايتی مرکز بدایت محکمه سی مدعی عمومی معاونلکنه مکتب حقوق عثمانی علی الاعلی درجه مأذونان بکر رفيق افنديك، خداوندکار ولايتی مرکز بدایت محکمه سی اعضا شدن محی الدین بکک استعفا سی وقوتنه مبنی انحلال ایدن مذکور اعضا لعه عزیزیه قضایی بدایت محکمه سی جزا ریاسته تعیین بیورلدینی حالده هنوز محل مأموریته عزیمت ایتیمان و تحویل طلبنده بولنان ذکی شکری افنديك، دیار بکر ولايتی استیناف مدعی عمومی معاونی عثمان افنديك مدت مأذونیتی مرور ایتدیکی حالده عودت ایتدیکی اشعار تحمیلدن اکلاشلماغه موافق الیهک مستعفی عدیله آچیله حق اولان مذکور معاونلکه وان استیناف مدعی عمومی معاونلکندن مستعفی مکتب حقوق مأذونان نرندن نعیم بهود افنديك، مجدداً تشکيل اولنان رشادیه سنجاغی بدایت محکمه سی اعضا لعه مکتب حقوق علی الاعلی درجه مأذونان نرندن مصطفى لطفی و اعلی درجه مأذونان احمد مدحت افنديك، دبره زیر قضایی بدایت محکمه سی مدعی عمومی معاونلکنه مکتب حقوق اعلی درجه مأذونان سلیمان شوق افنديك، تشکیلات جدیده حسیدیه اورفه سنجاغی بدایت محکمه سی اعضا لریك بوکره منصوباً تعیینی ایجاب ایتسنه مبنی ذکر اولنان اعضا قلره جبل غربی سنجاغی بدایت محکمه سی مدعی عمومی معاونی فخر الدین و مکتب حقوق اعلی درجه مأذونان نرندن احمد مدی افنديك نقل و تعییننه و مناسبت ولايتی استیناف محکمه سی جزا دأره سی رئیس علی نائل بکک در سعادت بدایت محکمه سی مستطقلکندن حسن حامی بک ايله بالموافق و پالو قضایی بدایت محکمه سی جزا دأره سی رئیس خورشید افنديك کوریلان لزومه مبنی دیار بکر ولايتی مرکز بدایت محکمه سی صبحی افندی ايله و لنقطه قضایی بدایت محکمه سی مدعی عمومی معاونی نظمی افنديك، قره جه آباد قضایی بدایت محکمه سی مدعی عمومی معاونی حسین فهمی افندی ايله و بغداد و موصل ولایتلرنده استیناف محاکمک بردأرهیه قصرندن ناشی ده اول محکمه مذکورده اقسامندن اولمق اوزره هیئت اتهامیه ده مستمرآ ایفای وظیفه ایابن و شمعی محکمه مذکورده نك بردأرهیه قصری حسیدیه محاکمات جنائیه ده اعضا صقیله اثبات وجود ایتلمی قانوناً ممنوع بولنان بغداد استیناف محکمه سی اعضا شدن ناجی افنديك، موصل استیناف محکمه سی اعضا شدن عبدالعزیز افندی ايله اجرای بجایش مأموریتلرینه و بصره ولايتی مرکز بدایت محکمه سی اعضا شدن ارسلان افنديك موافقیله توجیه اولنان مأموریت مذکورده عزیمتدن استنکانه مبنی مستعفی عدینه و ارضروم ولايتی مرکز تجارت محکمه سی رئیس علقو علیکساندیریدی افنديك،

ازمیر جنجه محکمه سی اعضا شدن مأموریتک الفاسی حسیدیه آچیقده قلمسی اوزرینه موافقتی استحصا اولمقسزین تعیین ایلدیکی مذکور تجارت ریاسته سرداعتدار ايله عزیمتدن امتناعه بناءً جائز الاستخدام اولمق اوزره عزانه و اورفه سنجاغی بدایت محکمه سی جزا دأره سی رئیس مصطفى شوق افنديك زمان مأموریتده صادر اولان اعلاماتک نصفندن زیاده سی نقض اولندیقی تدقیقات واقعده و محدود لاقتدار اولمغه برابر اوصاف استقامتدن بهره دار اولمادیقی و حقنده محلیجه شایعات مختلفه دوران ایتکده بولندیقی عدلیه مقتضایک اشعار واقعندن اکلاشلماغه مبنی حقنده تدقیقات مقتضیه ایفا ایدمک اوزره عزانه و برانه و آقوه قضالری بدایت محاکمی معاملاتک قلمته مبنی ذکر اولنان قضالرجزا رئیس لریك الغای مأموریتلرینه و وظیفه لرینک محلی نابلری عهده لرینه تقویضی، ایکی دأره دن متشکل اولان خداوندکار ولايتی محکمه استینافیه سنک حقوق و تجارت و استیناف و جنایت دعوالری رؤیت ایتک اوزره بردأرهیه قصر و تحدیدی ايله کوتاهیه سنجاغی مرکزنده کذلک حقوق و جزا و تجارت دعوالری رؤیت ایتک و قره حصار صاحب لوا بدایت محکمه سیله کوتاهیه لوانسه مربوط اخیراً انقره استیناف محکمه سنه ربط ایدیلان اسکیشمردن ماعدا قضا بدایت محکمه لرینه مرجع استیناف اولمق اوزره مقصوداً بر محکمه استینافیه تشکيل و مذکور لوا مرکزنده اساساً جزا رئیسک تحت ریاستنده اولمق اوزره موجود اولان بدایت محکمه سنه ده معاملات اتهامیه نك تودییی و بوضورتله قصر ایدیله جک اولان خداوندکار ولايتی استیناف محکمه سی ریاستی ولایت مذکورده استیناف محکمه سی جزا دأره سی رئیس سیانج بکک، کوتاهیه استیناف مدعی عمومی سیواس استیناف مدعی عمومی جودت افندییه، کوتاهیه استیناف محکمه سی اعضا لانی خداوندکار استیناف محکمه سی اعضا شدن علی عابدین، علی فؤاد، ذاریچ کیغورقیان و میساق بویاجیان افندیلره، کوتاهیه استیناف محکمه سی اعضا ملازم لکری مکتب حقوق عثمانیدن اعلی درجه ده مأذون محمود ندیم بکک، انقره مرکز بدایت محکمه سی مستطقلکندن خدمتی مسبق اولان غالب افندییه، و مذکور کوتاهیه لوانسده اشبو تشکیلات دولایسیله اولجه موجود اولان بدایت محکمه سی دعاوی جنائیه و استینافیه رؤیت ایتیه جکندن مذکور لوا بدایت محکمه سی اعضا سنک ایکی به تنزیله لوی مذکور بدایت محکمه سی اعضا لانی مکتب حقوق عثمانی اعلی درجه مأذونان نرندن سروری افندییه، سیواس ولايتی مرکز بدایت محکمه سی جزا دأره سی ریاستی سوریه مرکز بدایت محکمه سی حقوق دأره سی رئیس سابق عثمان رمزیه افندییه، بصره ولايتی استیناف محکمه سی اعضا ملازم لکری منتفک سنجاغی بدایت محکمه سی باش کاتبی لطفی افندییه، مجدداً تشکيل ایدیلان محکمه مذکورده دیگر اعضا ملازم لکری ترغویشته بدایت محکمه سی اعضا سابقه سندن نهاد افندییه، مجدداً تشکيل ایدیلان ماطر قضایی بدایت محکمه سی مدعی عمومی لکری مکتب حقوق عثمانی اعلی درجه مأذونان نرندن حافظ سلیمان افندییه، و موصل استیناف محکمه سی اعضا ملازمی سلیمان افنديك جانب عالی حجازه عزیمت ایتک اوزره استحصا ایلدیکی مأذونیتی محله استعمال ایتیه رک مأذونیت واقعیه ابتداء در سعادت کله رک تحویل مأموریت طلبنده بولنسنه و عودت ایتیه جکندن ده بیان ایتسنه

مبنى مومى اليهك مستعفى عدى وپره شوه وقوجانه قضالرى بدایت محاکمى مدعى عمومى معاونلى نسیب وعارف افندیلك اجرای بجایش مأموریتلى ، سیواس ولایتی استیناف محکمه سی مدعى عمومى ملکى ولایت مذکوره مرکز بدایت محکمه سی حقوق دائره سی رئیس حسن فهمی افندی به ، سیواس ولایتی مرکز بدایت محکمه سی حقوق دائره سی ریاستی ولایت مذکوره مرکز نائى مکتب نوآبدن مأذون محمد رضا افندی به ، دیار بکر ولایتی استیناف محکمه سی مدعى عمومى معاونلى برانه قضاسی بدایت محکمه سی جزا دائره سی رئیس سابقى محمد امین بکه ، صیدا قضاسی بدایت محکمه سی جزا دائره سی ریاستی بیروت ولایتی استیناف محکمه سی اعضا ملازمین و مکتب حقوقدن مأذون صلاح الدین بکه ، بیروت ولایتی استیناف محکمه سی اعضا ملازمین دینار قضاسی بدایت محکمه سی مدعى عمومى معاونلى مکتب حقوقدن مأذون احمد جودت افندی به ، آیدین ولایتی مرکز بدایت محکمه سی مدعى عمومى معاونلى اسکیشهر قضاسی بدایت محکمه سی مدعى عمومى معاون سابقى مکتب حقوقدن مأذون زهدى افندی به ، طرابلس غرب ولایتی مرکز بدایت محکمه سی اعضا نای وان ولایتی مرکز بدایت محکمه سی مدعى عمومى معاونلى تعیین اولندیغی حالده عزیمت ایتیموب طرابلس غربده بولان عبداللطیف افندی به ، موصل ولایتی استیناف محکمه سی اعضا ملازمین مکتب حقوق عثمانی مأذونلرندن عبدالله شکری افندی به ، تقویض ودر سعادت بدایت محکمه سی ایکنجی حقوق دائره سی اعضاسندن محمد معمر بک ایل بک اوغلى بدایت محکمه سی برنجی حقوق دائره سی اعضاسندن عمر لطفی بک بالموافق بجایش مأموریتلى اجرا بیورلمش و محلف اولیان عبدالله شکری افندیلك اجرای تحایفی دردست بولمشدر .

قوانین و نظامات

باب عالیدن وارد اولان ۱۶ تشرین اول سنه ۳۲۶ تاریخلى تذکره صورتیدر :

اولجه تضمینات آلمش اولدیغی حالده اخیراً تدقیق تنسیقات قومیسوننجه جواز استخدامنه قرار ویرلمش اولان پولیس افرادندن محمد صفوت افندی معزولیت معاشی تخصیص طلبنده بولمسنه وفی الحقیقه مومى اليهک ۵ مایس سنه ۳۲۵ تاریخنده استعفا سی و وقوع بولدیغی وبالاخره واقع اولان مراجعتی اوزرینه داخل تنسیقات ایدیلوب قانونه توفیقاً قادرو خارجنده براقبله رق تضمیناتی تسویه قاندىغی صورت اشعاردن اکلالمسنه وشو حالک اجراسی استعفا سنک کان لمیکن عدیه صفت مأموریتک دوامی تصدیق دیمک اولمسنه بناء

موما الیه حقنده تنسیقات نتیجه سنده تضمینات اعطاسیله قادرو خارجی اعتبار ایدیلوب بالاخره حقلرندم تدقیق تنسیقات قومیسوننجه جواز استخدام قرارى اعطا اولنلرله قیاساً معامله اجراسی طبیی بولندیغک امنیت عمومیه مدیریتنه تبلیغی وامثالی حقنده بویولده معامله اولمسنک دوائر مرکزیه به اشعارى تذکر قلندیغی داخلیه نظارت جایله سنک شورای دولته محول تذکره سی اوزرینه تنظیلات دائره سندن با مضبطه ابناوعمیاً تبلیغات اجرا قلنمغله نظارت جلیله لرنجه اکاکوره ایفای مقتضاسنه همت بیورلمسی سیاقنده .

کاتب عدل قانونی اسباب موجهه لایحه سی

برملتک حیات اجتماعیه دن حصه مند سعادت اولماسی ، افرادی آراسنده کی مناسبات مدنیه نک امنیت وسرعت وسهولت ممکنه داخلنده وقوانین مرعیه ایله نظامات موضوعه احکامی دائره سنده تأمین تنظیمنه وابسته در . حالبوکه هر فرد ایچون بوتون قوانین مؤداسنی تیقن واحاطه کی بر سوبه ادراکه وصول ناقابل حصول اولدیغندن معاملات عمومیه مدنیه یی صورت مطرده ودائمه ده قوانین مملکتک آهک جریانه توفیق وشائبه تصنیعدن آزاده بر صورتده توثیق ایده جک بر مرجع قانونی به احتیاج تحقق ایدرکه اولرده ، مقاولات محررلیدر .

موجودیت اساسیه سی مناسبات متقابلیه بشریه منابعدن استنباط ایدن مقاولات محررلکی معاملاتى انسانلرک تحریراً تعاطی مرامه اکتساب قدرت ایتدکلری زماندن بری موجوددر . ملل متمدنه قدیمه محافظه حقوقک الک مهم عنصر مؤثری اولان بو اصول توثیقیه دن محیط مدنیلریله متناسب بر طرز وشکلده مستفید اولمش وترقیات حاضره ایله فوق العاده تنوع وتکثر ایدن معاملات مدنیه ایجاباتی انسانلرک بو مرجع قانونی به احتیاجاتی تزید ایتمشدر .

هر خصوصده اولدیغی کی حقوق بشریه یی حمایه خصوصنده دخی عین حکمت وحقیقت نیجه نیجه دساتیر عدالتی احتوا ایدن قرآن عظیم الشانده : [واذنا دینم بدین الی اجل مسمى فاکتبه ولیکتب بینکم کاتب بالعدل] آیت کریمه سیله بو اصول محاسن شمولک لزوم تطبیق امر وتبلیغ بیورلمسی ومحررلر حقنده « کاتب بالعدل » تعیر ایدلمسی ماهیت واهمیتی ارانه یه برهان بلیقدر .

اداره قدیمه عثمانیه ده مقاولات محررلکی وظائفی قسماً محاکم شرعیه وقسماً محلات وقری ائمه ومختارانى واصناف کتبخدالری طرفندن ایفا اولونمقده ایکن بالاخره بو وظیفه ایله مشغول اولوق اوزره دعاوی قلمی تأسیس ایدلمش ایدی .

بیک ایکی یوز طقسان بش تاریخنده مقاولات محررلکی نظامنامه سی موقع تطبیقه قونیه لرق مستقل محررلر تعیین اولونمش وتواریخ مختلفه ده بعض تعلیمات ومحررات ایله نظامنامه مذکور احکامی توسیع ایدلمک ایسته نیلمش ایسه ده قابلیت ملیه نک انکشافی نسبتنده وضع قوانینه امکان براقیان اداره سابقه محیطی بالطبع

مقاولات محرر لکی معاملاتنک دخی احتیاج اجتماعیمز درجه سنده ارئه واحساسنه مساعد اولمایدنندن معاملات مذکوره منابع اساسیهنک وسعت شموله رغماً پک محدود بر دائره داخلنده محصور قلمش وشکلاً هیچ بر اثر ترقی وانتظام کوستره مدیکی کبی ماهیه ده بر نتیجه مفیده تأمین ایدمه مشدر .

دیگر طرفدن ملت معظمه عثمانیهنک شهراه اقباله غایت وسیع بر زمین مساعی اتحاد ایدن انقلاب مسعود عثمانی عینی زمانده نفخه حریت وحا کیتله حساسیت اجتماعیهنی ده حال فعالیت کتیره رک اهالی مملکت ایله قوانین مملکت آراسنده کی ارتباطی بحق تأمین وتشبثات شخصیهنی تشجیع ایده جک وسائطک استکمالنه لزوم عاجل کوسترمسی بوخصوصده ترقیات جدیده اجتماعیه اساسلرینه مستند واحتیاجات ملیه ایله متناسب مکمل بر قانون وضعی ایجاب ایتدیر مشدر .

ایشته شو الجا آت مصلحت واحتیاجات مملکتک کوستردیکی لزوم قطعی اوزرینه ملل مترقیه نک تجارب مدیده محصله سی اولان قواعد اساسیهلری نظر تدقیقندن کچیر یکه برابر بالخاصه قواعد عمومیه قانونیه مزک ایجاباتی واهالیزک امرجه وعاداتی مواجهه سنده قابل تطبیق اوله بیله جک اساسلره استناداً اشبو لایحه تنظیم وقانون قویم شریعتدن مقتبس «کاتب عدل» قانونی عنوان مبیجلیله توسیم ایدلشدر .

لایحه مذکوره ده مندرج احکامدن بعضیسنک علت وحکمت وضعی بوجه زیر عرض اولونور .
تحدید صلاحیتلری تبارز ماهیتلرینه مانع اولان کاتب عدل عامه نک وجدانی وقانونی کاتبی وویل مشاوری واسرار ناسک محل تودیی طائفتندن زیاده مأمورین حکومندن صایقه ده ایدی . بونلرک ماهیت ووظائف اساسیه سی لایحه نک برنجی ماده سنه مختصراً وایکنجی بابک فصل اولنده تفصیلاً تعداد وارائه ایدیلرک کندیلری حکومتک مأموری دکل ، معاملات عمومیه ناسک مرجع توثیقی اولدقلری صراحت قانونیه ایله تحت تأمین آلمشدر .

کاتب عدلر عاقدینک هویتیه عقدک ماهیتی کرکی کی تحقیقه قانوناً ووجداناً مجبور ولایقیله تحقیق ایتدکاری تقدیرده شدیداً مسئول اولدقلرندن شهود ومعرف طلب ایتکه برابر تمامیه تأمین قناعتلرینه مدار اولمق اوزره عندالایجاب تحایفه صلاحیتلری قبول ایدلش و (اللی واللی برنجی) مادهلر بواساسه بناء قلمه آلمشدر .

حسب المصالح ناس ایله اختلاطلرندن طولانی بولوندقلری محیطک امرجه وعاداتی اوکر نکل و فضائل اخلاقیه سی هر کسه طائیتق صورتیه مظهر اعتماد اولان بر ذاتده خالق اضرار قصدی بولونه میه جنی حکمت اجتماعیه تجاریله محقق اولسنه ومدت مدیده عین وظیفه ده قالدق تطبیقات وتجارب کثیره صاحبی اولانلرک ده زیاده سرعت وسهولتله معاملات عمومیه نک جریانی تأمینسه موفق اوله جقلری درکار بولسنه مبنی کاتب عدلرک مسلککرنده ترفیعلری صورتیه بقلری لزومی نظر دفته آلهرق دیگر مأموریه ترقیدن وحق

تقاعددن محرومیتلرینه مقابل لاینعزل اولملری اساسی قبول ایدلش و (اوچنجی) ماده بواساسه کوره یازلشدر .

کاتب عدلرک حائز اولدینی صفت وصلاحیه قارشى کندیلرنده آرانیه جق اوصاف واهلیت وحرکات غیرقانونیهلری نتیجه سنده ترتب ایده جک مسئولیت پک زیاده شایان اهمیت اولدیلندن اصول انتخابلرنده برحق شرائطله برابر عفت اخلاقیه ایله متصف ومکتب حقوقدن مأذون ویاخود بالامتحان مزیت علمیه سی اثبات ایتش اولماسی ولدی الايجاب محکوم اوله جنی تضمینات ومجازات نقدیهنی تأمین ایچون مکفل وحکومتک نقیش ومراقبه سنه تابع بولونماسی اساسلری وضع اولونهرق (دردنجی ویکرمی برنجی ویکرمی دردنجی وقرق ایکنجی وقرق دردنجی مادهلر) بوصورتله ترتیب ایدلشدر .

هرهانی مسلکده اولورسه اولسون سلسله ترقی ومکافات تحت تأمین آلمدقچه بحق ایضای وظیفه امکان متصور اولمایدنندن مالک متمدنه نک اکثریسنده کورلدیکی کبی کاتب عدلرک عینی صفت وصلاحیتی حائز اولمق اوزره سنوی حکومته تأمین ایده جکلری واردات مقدارینه کوره صنوفه تقسیم دوشونش وهرصنفک آله جقلری اجرت بولوندقلری محل اهالیسنک استطاعت مالییه سی نسبتده فرق وعلی الاطلاق اجرت عدل مقداری خرج رسمی مقداریه مبسوطاً متناسب اولهرق تعیین ایدلش وترفع صنف وتزید منافع ایچون دائماً واردات خزینه نک تزیدینه مجبور قلملری کبی برسائق قوی تأسیس اولنش و (اون ایکنجی واون طقوزنجی ویکرمی مادهلرله ایکنجی بابک اوچنجی فصلک ایکنجی قسمی) بواساسلره کوره یازلشدر .

کاتب عدلر عمومک شایان اعتماد وکیل مشاور وکاتب قانونی اولملری حسبیه امتحانلرنده باش مدعی عمومی ایله محامی جمعیتی رئیسکده موجودیتی موافق کورلش ووظائف عمومیه دن بالذات مسئول بولوندقلری جهته کتبه وخدمه سی کندیلری انتخاب ایتک صلاحیتی ویراش و (بشنجی ویکرمی سکوزنجی مادهلر) بوکا کوره تحریر اولنشدر .

حجازوین کبی محاکم نظامیه تشکیل اولنه میان محاکمه حکومت ایله افراد آردسنده تعاطیسی ایجاب ایدن اوراقل تصدیق وتبلیغه احتیاج درکار اولدیلندن بووظیفه نک موثق عنوانیه مجلس اداره طرفندن تسبب اولنه جق برذاته ایضایتدیرلمسی موافق کورلشدر .

کاتب عدلرک اقربایه متعلق معاملاتى ایفادن ممنوعیتلری بختنده اقربانک دائره شمولی پک زیاده توسیع ایدلش ایدی حالبوکه کندیلرنده برحق اوصاف وشجاعت اخلاقیه آرانیلان واساساً هرر معاملاتنده طرفینک رضا وموافقیتی تحقیقه وحقوق عاقدینی متساویاً محافظیه قانوناً مجبور ومخلف بولنان بر ذاتک سوءاستعماله مجاسرتی مستبعد کورولدیکنندن فضله قیودایله تصعب معاملاتدن توقی ایدیلرک اقربانک اصول وفروع وبرادر وهمشیره وزوجه واجیرخاصه حصری تسبب و (یکرمی اوچنجی ماده) بواساسه کوره ترتیب ایدلشدر .

مقاولات محرر لکی نظامنامه سنده شهود ايله معرف بر برينه قاریش دیر یله رق عین شرائطه تابع طو تلمش اولدیغندن لایحه ده بوجه تلمر توضیح و شرائط متعلقه سی ده اکا کوره تصریح اولونش و شهودك هر حاله یازی بیلیمه لری کی غیر قابل تطبیق اولان مجبوریات قانونیه نك رفی ده تسهیلاتی موجب کرلمش اولدیغندن (اللی واللی بر واللی بشنجی ماده لر) بواساسله مستنداً یازلمشدر .

حجز احتیاطی معاملاتنك ماهیه كاتب عدل وظائفنه تعلق حقیقیسی اولمایوب بونك دوائر اجراییه جه ایفای ده هازیده اطراد وانتظامی و معاملات حجزیه نك توحیدی کی محسناتی موجب اوله جغندن (آلمش آلتنجی ماده موجبنه) بو صلاحیت کاتب عدلردن رفع ایدلمشدر .

معاملات مدینه من میانه کثرت جریانی حسیه برنجی درجه ده حائز اهمیت اولان مدینه معاملاتنك مضبوط بر قاعدهیه ربطی خلقك یکدیگرینه قارشی تحکیم امنیت و تزیید اعتبارینه خدمت ایده جکندن بوباده تسهیلات و تأمینات قانونیه ارا نه سنه لزوم کورلمشدر علی الاکثر مدیونلر ایفای دین خصوصنده ترمز کوستردیکندن زواللی داتنك حقوقی یا بوسبوتون پایمال و یا خود محاکم و دوائر بر چوق وقت و نقد صرفیه بیک مشکلات و تاخر ایدن صو کره میسر الاستیصال اولمقده و بویه آجی تجربه لره اوغرایان اصحاب نقود سرمایه لری تمیه دن بجانب ایلکده و دیگر طرفدن ارباب احتیاج تسویه مصالحی و یا تزیید معاملاتی ایچون محتاج اولدینی پاره بی تدارکده بیک مشکلاته اوغرایه رق معاملات ناسك انبساطنه و احوال اقتصادی نك توسع و انکشافنه خلل کلمکده در . ذاتاً مدینه مسائلنده داتنك سهولتله تأمین حقوقی بالنتیجه مدیونلرک منافع ذاتیه سی و مملکتک منافع عمومی اقتصادیه سی مقتضیاتندن اولدینی کی صفت حاکمیت و امنیت حائر بر ذات ايله شهود معتبره حضورنده اقرار و مضبوط بر وثیقه رسمیهیه ربط ایدلمش متحقق بر دینك همان تحصیلنه تشبث ایچون هیچ بر مانعه حقوقیه موجود اولمادیغندن کاتب عدل طرفندن بالتظیم تصدیق ایدیلن دین سنداتنك بر محکمه قرارینه محتاج اولمق سزین اجرا دأره سی معرفیه انفاذ احکامی حقوق عامه نك تسریع و تسهیل استحصالی نقطه سندن ضروری کورلمش و (یتمش طقوزنجی ماده) ايله بواساس تأمین ایدلمشدر .

مدینه حصصنده کی ملاحظات تمامها ایجار واستیجار مسائلنده و وارد اولدیغندن بو باده دخی تأمینات نمائله وضعیه حق تصرفك نتایج طبیعیه سندن بولنان حق استعمال وانتفاعك خللدن محافظه سی موافق مصلحت کوروله رک کاتب عدلک رأساً تنظیم و تصدیق ایتدیکی ایجار مقاوله نامه سنه مربوط بر عقارک بدل اجاره سی و قتیله تسویه اولونمادینی صورتده موزرک مراجعتی اوزرینه اجرا دأره سنه جه علی الاصول تحصیلنه تشبث ایدیله جکی سکسانجی ماده ده تصریح اولونش و مدت اجاره نك انقضاسنده مأجورک تخلیه سی ایچون مقاوله نامه نك کاتب عدل طرفندن مصدق بولماسی کافی و کاتب عدل محرز و یا مصدق اولمایان ایجار واستیجار قونطورا توری حقنده ایجار عقار نظامنامه سی احکامنك باقی اولدینی ده (سکسان برنجی ماده ده) کوسترلمشدر .

خلقك شدتله محتاج بولندینی وثائق مدینه دن بری ده وکالتنامه لر اولوب بوباده نه قدر تسهیلات

کوستر یلورسه اودرجه قولایلقه استیصال حق امکانی الیه ایدلمش اولاجغندن علی الاطلاق اموال غیر منقوله نك بیع و فراغه دائر وکالتنامه تنظیم و تصدیق ایچون کاتب عدلره صلاحیت ویرلدیکی کی عقدك تمامی صاحب عرض و متولی کی اشخاص ثالثه نك انضمام اذن و اجازتنه متوقف اولمایان املاک صرفه نك تبدیل تصرفنه دائر تقریر مقاوله نامه لری تنظیمی ده صلاحیت مدینه لری میانه ادخال ایدلمش و بوقیل تقریر نامه لرک ابرازنده آرتق طرفینك حضورینه لزوم کورلمیه رک دفتر خاقانجه معامله رسمیه سنك ایفاسی معاملات ناسی تسهیله خادم بولنش و (یتمش برنجی ماده) ملاحظات مذ کورهیه بناء یازلمشدر .

افرادك یکدیگری آره سنده و بالخاصه حکومت ايله افراد بیننده جریان ایدن کفالت مسائل ده نظر دفته آله جق اسوالدن اولوب کاتب عدلر شمدیه قدر بو خصوصده بک مشکل بروضعیتده قالارق قدرت مالیه حقنده شایان اعتماد بر شهادتده بولونه مامقده ایدی (سکسان اوچنجی) ماده موجبنه کاتب عدلره نقداً و یا سنداً ارا نه تأمینات اولدینی صورتده اقتدار و اعتبار مالی حقنده قطعی الاحکام کفالتنامه تنظیم و تصدیق ایده جکدر و عکسی حاله یالکیز کفیلک امضاسی تصدیق ایلها کتفا ایله جکدر .

معاملات ناسی تسهیله خادم مواد جمله سندن اولوق اوزره کاتب عدلره تودیع اوله جق اماناتی جزئی بر خرج مقابلنده محافظه و اموال منقوله و غیر منقوله یی اداره صلاحیتی ویریش و بونلرک ضیاع و سوء استعمالدن وقایه سی ایچون مأمین محل تدارکی ، ضابطه نك معاونتنه مظهریتلری و بر چوق عقود و معاملات ذاتیه دن منعیتلری و کفالتله مربوطیتلری کی احکام تأمینیه وضعنه لزوم کوروله رک (یتمش اوچ ویکرمی اوچ و او توز یدنجی ماده لر) بو ملاحظاتنه مبنی یازلمشدر .

لایحه مندرجاتندن ک مهم قسمی خرجلره متدائر اولوب الیوم استیفا اولونان خرجلرک اکثریسی ک زنکین مملکتلرده آلیان خرجلردن فاحش و نسبت منطقیه دن کلیاً محروم و جدّاً اهلینك مغدوریتی مستلزم اولدینی کی حاصلات عمومی نك نصفی ده مقاولات محررلرینه طادات ویربله رک خزینه جلیله نك استفاده سی بک محدود قالمقده و دیگر طرفدن معاملاتك جزئی حسیله مقاولات محررلری ده اجرت مساعیرینه کوچ حال ايله تأمین ایدم بیلیمکده ایدی بوباده اجرا قانسان تدقیقات و حسابات عمیق نتیجه سنده هم خزینه جلیله نك ، هم ده اهالی ايله کاتب عدلرک حقوق منافع تألیف و متساویاً محافظه یی تکفل ایده جک احکام مخصوصه وضع ایدیش و (ایکینجی بابك اوچنجی فصلنك قسم اولی) بو صورتله قلمه آلمشدر .

شوبله که : صورت مخصوصده طبع ایتدیر یله جک رسوم عدلیه پول و ورقه حاصلاتی کاملاً خزینهیه عائد اولوب یالکیز کاتب عدلره یوزده یکرمی بیعیه ویریله جک و بو صورتله خزینه نك استفاده سی یوزده الیدن یوزده سکسانه بالغ اوله جقدر کاتب عدلر بو محرومیته مقابل صرف ایتدکری رسوم عدلیه پوللرینك ربی و یا بوربعک اوچ ربی و یا نصفی درجه سنده اصحاب مصالحدن اجرت آلاجق و تنظیم ترجمه اجریتله برابر استعمال ایده جکری تمغا پوللردن آلاجق لری یوزده بش بیعیه ايله تلافی مافات ایدم جکدر اصحاب مصالحك اجرت

عدل تأدیاته قارشى خرج رسمیلردن نسبت عادلده داخلنده تنزیلات مهمه اجرا ایدلمش و ویره جککری اجرتهک ایکی، اوچ و بعضاً بش، اون مثلی قزانلمری تأمین اولونمش در خرج رسمیلرجه تنزیلات مهمه اجرایی بدایت امرده حاصلات خزینهنک تدیسینی استلزام ایدهنک کی کوریلورسده اساساً خزینهنک حصه سی یوزده اوتوز نسبتده تزیید ایدلمش اولمقله برابر مداینه وایجار واستایجار مسائلنده کی تسهیلات وتوسیع معاملات رغبت و مراجعت عمومیه نک تکثرینی و بوده تراید حاصلاتی موجب اولاجنی محتاج اثبات دکلهر خرج تعرفه سنک اکثری موادنده یوزده یارم کی برنسبت ظاهریه کورلدیکی حالده حد اصغرک الی غروشدن دون اولماسی بو نسبتک اون بیکدن اشاغییه شامل اولمادیغنی کوستریور حالبوکه مملکتیمزک احوال مالیه واقتصادیه سنه نظراً جریان ایدن معاملاتک اک چوق قسمی اون بیکدن آشغیدر. بیک غروشلق معامله ایله اون بیک غروشلق معامله نک عینی خرجه تبعیتی هم منطقسز، همده حقسز، بر اصول ایدی. ومع التأسف بوندن اک زیاده بی قدرت اهالی متضرر واک زیاده زنکینلر مستفید اولویوردی. بونتیاج معکوسه نک، بومخا ذیر مهمه نک رفی ایچون قیمتلی معین ویا مقدر هر نوع عقود و معاملاتده بیک غروش مبدأ نسبت عد ایدیلرک درجه درجه معقول ونسبی اساسلر وضعیله هر شیخصک تحمل ایدهنکی کافکت درجه ثروت واستفاده سیله متناسب اولسی نظر دفته آلمش و قیمتلی تعیین وتقدير ایدیلهمه یین بعض خصوصانده دخی اوتوز غروش خرج مقطوع قونولمشدر.

«خاتمه»

بر قانونک وضع ونشری حالاً کوریلن نواقصک اتمامی واستقبالاً تکامل تدریجی ایله تکثر ایدهنک احتیاجاتک اکالی مقاصدینه معطوف ایسده ملثک عادات قدیمه وغنعات تاریخیه سی بو خصوصده ارائه تأثیردن خالی قالمامله برابر ظلمت استبداده کی بطائت انبساط ایله شمس مشروطیتک طلوعی متعاقب تجلی ایدن سرعت انکشاف آردسده پک بویوک فرق بولوندیغندن حریت فکریه ایله آتیا حصوله کله جک توسعات وتکملات اجتماعیه نک درجاتی دخی آریجه نظر تأمله آنه رق اشبو لایحه نک حین تنظیمنده عوامل ومؤثرات معروضه علی قدر الامکان بر نقطه اعتدالده تألیف وتوجید ایدلمشدر.

تلیفات عروب

عدلیه نظارت جلیله سندن تسطیر بیوریان ۲۷ تشرین اول سنه ۳۲۶ تاریخی تحریرات عمومیه صورتیدر:

«جهت ملکیده کوستریله جک لزوم اوزرینه سوق اولنان قطعات عسکریه طرفندن صدور ایدهنک کافه افعالدن دولای اقامه اولنه جق دعاوینک محاکم عسکریه جه رؤیت وتدقیقه حکمه ربطی لزومه دائر.»

جهت ملکیده کوستریلان لزوم اوزرینه ترتیب واعزام اولنان قوه مسلحه عسکرینک کرک تشهیر سلاح ایدنلره وکرک مقاومت کوسترنلره قارشو قوانین وتعلیمات عسکریه دائره سنده سلاحله ایفاسنه مجبور اولدقاری معامله ومقابله دن دولای مسؤل ومغایب طوتیله مدیغندن وشاید وظیفه وصلاحت خارجنده یاپیش بر معامله بولنورایسه بونکده یینه قوانین ونظامات عسکریه یه توفیقاً جهت عسکریه جه تعقیبی ایجاب ایدهنک جکسندن بختله خصوصات مماثلده جهت ملکیده وعدلیه جه اوامر وقوانین عسکریه احکامنک نظر اعتباره النسی لازم کله جکی حریه نظارت جلیله سنک مقام سامی صدارتپناهیدن مرسل تذکره سیله ملفوفاننده لزوم کوستریلشدن داخل شهر وقصبانده دوریه وظیفه سنی ایفا ایدن قوه ضابطه نک عدم کفایتی حسبیله اره صره ترفیق اولنه کلان افراد عسکریه علینه اشبو وظیفه لرندن طولای اقامه اولنه جق دعاوی جرمیه شمیدییه قدر اولدیغنی وجهله بوندن بویله دخی یینه محاکم نظامیه ده رؤیت وحکم اولنق اوزره یالکنر محافظه واعاده امنیت وآسایش ایچون جهت ملکیده کوستریله جک لزوم اوزرینه کرک ژاندارمیه قوه الظهر اولنق وکرک باشلو باشنه اجرای حرکاته مأذون بولنق اوزره احوال فوق العاده منسوب اولدقاری قطعه قوماندانک امریله بالترتیب سوق واعزام قانه جق اولان بیوک وکوچک قطعات عسکریه طرفندن اشبو وظیفه نک اجرایی صره سنده تعلیمات مخصوصه سی دائره سنده صدور ایدهنک قتل وجرح وضرب وتشهیر سلاح وسائر مثلبو کافه افعالدن دولای اقامه اولنه جق دعاوینک قانون مخصوصه توفیقاً محاکم عسکریه جه رؤیت وتدقیقه حکمه ربطی ایجاب حاله موافق بولنمش ومحافظه آسایش وامنیته مأمور قوه مسلحه عسکریه نک صورت حرکتلرینه دائر اولان تعلیماتنامه ایله اشبو تحریراتک نسخ مطبوعه کافیه سی لفافه فرستاده قلنمش اولدیغندن بعد ازیں حالات مماثلده اوراچده اصول مشروحه یه توفیق معامله اولنسی لزومنک داخل دائره مأموریتلی داخلنده بولنان بالجمله محاکم جزائییه تبلیغی سیاقنده شقه ترقیم قلندی.

محافظه آسایش وامنیته مأمور قوه مسلحه نک صورت حرکتلرینه دائر تعلیماتدر

برنجی ماده محافظه وتأمین آسایشه مأمور اولان صنوف مختلفه عسکریه منسوب اولدقاری قطعه لر قوماندانلرینک تنبیه وامرلریله آتی الذکر احوالده آتشی ویا آتشسز یعنی ایجاب حال وموقعه کوره واولجه

تلقی ایدہ جکاری امرہ امتثالاً آتش اجرا ایتک یا خود تفنک دیجیکی ویا سونکی وقلنج وقصاطوره ایله تعرض ومدافعه ایتک صورتیله استعمال سلاح ایدرلر .

اولاً : منفرداً نوبت ، قول ، دوریه خدمتاندہ بولنلر قارشولرنده قارغشلق ایقاعنه جرأت ایدن بر جمعیت ویا ارباب شورشہ تصادف ایدرلر والرنده کی سلاحک جبراً آلنه بیلیمسی تہلکسنہ معروض قالمالزرسہ اول امرده تنبیہ وخطر ایله طاغلمدقلری صورتده دیجیک استعمال اولنور .

حالات سائرده بر قطعہ عسکر یہ طوبی اولہرق یناشیق نظامده بولندقدہ اہالی ایله تماسی منع ایتک وعسکرک بر مشیت حرکتی تأمین ایتک اوزرہ سونکو وقلنج ایله تہدید ولدی الایجاب استعمال ایدر . قرمغولده نوبت بکلدکاری ویا دوریه خدمتی ایفا ایدلکاری صرہده یا خود اثنای سوقیادہ کندیلرینہ هجوم وقوعبولور وبو هجومک دفعی ایچون سلاح استعمالندن بشقہ چارہ قالمالزرسہ .

ثانیاً : خدمات مذکورہنی حین ایفادہ بر کونا ثمانعت ومقاومتہ تصادف ایدر ودفع ثمانعت ومقاومت بشقہ صورتہ ممکن اولمالزرسہ .

ثالثاً : شورش واختلال اثناسندہ دردست ایدیلانلر ویا محافظہ وسوقی امر اولنان محبوسلر فرارہ قیام ایدوبدہ (طور) امرینی اصفا ایتیمہرک فرارلرینہ دوام ایدرلرسہ .

رابعاً : اسلحہ متنوعہ ممنوعہ وآلات وادوات مخربہ اخذ وضبطندہ مقاومت وقوعبولور ویا خود ضبط ومصادره اولنان اوکی اسلحہ وادواتک جبراً استردادینہ قیام اولنورسہ .

خامساً : نوبتی نفری کندیسنہ تودیع اولنان اشخاص واشیانی بشقہ واسطہ ایله محافظہ دن عاجز قالورسہ . ایکنجی مادہ بر محلہ اسسایش امنیتک محافظہ وتأمینی واحکام قانونیہنک اجرایی ضمنتندہ مداخلہ عسکر یہیہ لزوم کورلدکده واولمحلک اک بیوک حکومت مأموری طرفندن تحریراً وقوعبولہجق مراجعت اوزرینہ قطعہ عسکر یہ قوماندانی حکومت مأموریہ بالذاکرہ حرکت ایدر مراجعت واقعہنک اسباب موجبہ سی کوندریلہجک تحریراتده موضحاً مندرج اولمق لازمدر . بو بابده اک صوک تدبیرک اتخاذ واجرایی قوماندانہ عائددر .

اشعارات تحریریہ زمان وامکان بولمیدنی وعسکرک سریعاً جای مقتضی بولندینی حالده معاملہ تحریریہ بالآخرہ اجرا اولمق اوزرہ جهت عسکر یہ تبلیغات شفاهیہیہ مستنداً دخی حرکتہ مجبوردر .

ضابطہ طرفندن هیچ بر کونا اشعارات وقوعبولمیدنی حالده دخی قطعات عسکر یہ قوماندانلری بولندقلری محلاتک قربندہ شورش ظهورندہ درحال عسکرلہ کیدوب امن واسسایشک محافظہ سنہ مسارعت ایتک اوزرہ اول امرده تدابیر تحفظیہده بولندیرلمیدر .

اوچنجی مادہ بالادہ بیان اولنان احوالده سلاحنی استعمال ایتیش اولان عسکر عکسی اثبات اولندیخہ حدود صلاحیتی دائرہ سندہ حرکت ایتیش عد اولنور .

دردنجی مادہ قوہ عسکر یہنک مداخلہ سنی انتاج ایدن وقوعاتده ذیمدخل اولان یا خود ذیمدخل اولدینی مظنون بولنان اشخاصک بیاناتی عسکرک صلاحیت خارچندہ استعمال سلاح ایتدیکسنہ دلیل تشکیل ایدہ من .

بشنجی مادہ برشورش اثناسندہ برجم غفیری طاغتمق وسکون واسایشی اعادہ ایتک ایچون سوق اولنان قوہ مسلحہ قوماندانی جمعیت مذکورہ مسلح ایسہ اول امرده جمعیتک طاغلملرینی تشکیل ایدر تکلیف واقع نتیجہ سنر قالورسہ بورو ویا ترامپت قطعہده موجود ایسہ انلرلہ بر صورت قطعہده تہدید ایله اشارت ایلدکدن صکرہ تکلیف واقعی تکرار ایدر جمعیت آنیدہ اصفا ایتدکاری حالده عسکرہ آتش ایتدکسزین برنجی مادہنک فقرہ اخیرہ سی وجهلہ استعمال سلاح امرینی ویرر اگر جم غفیر مسلح دکلہ برنجی بورو ورنپت اشارتندنصکرہ جمعیتک طاغلمسنی امر ایدر جمعیت طاغلمدقلری حالده اوچ دفعہ تکلیفی تکرار ایدوب مقاومت کورلدیکی وینہ اطاعت ایلدیکی حالده درحال سونکو ایله عسکرہ هجوم امری ویرر .

السنجی مادہ عسکر طرفندن سلاح استعمال ایدلمسندن ناشی یارہلنان اولورسہ احوال مساعد اولدینی تقدیرده اک یقین پولیس قرمغولہ معلومات ویرمک عسکرک وظیفہ سیدر پولیس مأموری ایسہ یارہلی ایچون لازمکلان ترتیباتی یایمق ولانم کلان راپورینی مرجعہ تقدیم ایتمکله مکلفدر .

یدنجی مادہ قوہ مسلحہیہ بالفعل مقاومت ایدیلورسہ ویا عسکر اوزرینہ سلاحلہ یا خود دیکر تہلکلی آلات ایله هجوم وقوعبولور واوزرلرینہ طاش وبوکا مائل شیلر آتیلورسہ او حالده قوہ مسلحہ قوماندانی آتش اجرایی امر ایدر .

سکزنجی مادہ امر طرفندن وقوعاتی حاوی تنظیم اولنہجق تقریرہ مواد آتیہ درج اولمق لازمدر اولاً مداخلہنک اسبابی ثانیاً غلبہ لک ویریلان امر ثالثاً امری تکرار ایتمک مجبوری حاصل اولوب اولمیدنی رابعاً بالفعل مقاومت وقوعبولوب بولمیدنی وبولدیسنہ نه وجهلہ مقاومت ایدلیدی وخامساً عسکرہ سلاحلہ ویا خود دیکر آلات جارحہ ایله هجوم ایدیلوب ایدلیدی سادساً عسکر اوزرینہ طاش آتیلوب آتیلمدینی سابماً اسلحہ استعمال اولندیسنہ نه وجهلہ وقوعبولدینی ثامناً استحصال اولنان نتیجہنک نهدن عبارت ایدوکی تاسماً اشخاص واشیاجہ ضایعات وقوعبولوب بولمیدنی بر تفصیل یازیلور .

طقوزنجی مادہ وقوعاتده مستعد آمرلر حاضر ایسہ اک قدمیلی تقریری تنظیم ایدر اگر زمان ومکانجہ منفرداً ومستقلاً حرکت ایتیش آمرلر وارسہ انلرک راپورلریدہ آمرک تقریرینہ ربط ایدیلور .

اونجی مادہ اشخاص واشیاجہ اولان ضایعاتی وتفصیلات لازمیہی حاوی اولہرق پولیس طرفندن تنظیمی مقتضی اولان راپورک بر صورتیدہ قطعہ عسکر یہ قوماندانسنہ ویریلور مومی ایله طرفندن کندی تقریرینہ ربط اولنور .

اون برنجی مادہ مواقع عسکر یہیہ اقامہ اولنان نوبتی نفرینک ایضای وظیفہ اثناسندہ واقع اولان امر

واخطارینه اطاعت ایتیان کسانی توقیف ایدر وقیو جهتنه ارقه سنی چویرته رك قره غول كلبه سینه صوقار .
شاید كلبه یوق ایسه نوبتی نفرینك بولندیغی نغله نك مختلف وضعیته نظراً او آدمك ارقه سی كندوسنه
كلك ویوزی دیواره متوجه اولمق اوزره طوردیرر نه كلبه ونده دیوار یوق ایسه ینه یوزی كندوسنه كلك
اوزره اولدیغی یرده اوطورمسنی امر ایدر وكوزی او كنده بولندیرر تا كه او جواردن كچن بریله منسوب
اولدیغی قره غوله خبر كوندردرك موقوفك قره غوله اعزامنه توسل ایدر .

موقوف قاجغه قیام ایدرسه بر كره طورمسنی امر ایدر اطاعت ایتدیگی حالدده درحال قورشونله اورور .
اون ایكنجی ماده نوبتینك مأمور اولدیغی مواقع عسكریه به خارجدن بر تعرض وقوعبولدیغی حالدده
نوبتی نفری متعرضه یوكسك سس ایله اوچ دفعه طورمسنی اخطار ایدر اخطاراته سمع اعتبار ایتیان
اشخاصه نوبتی یقین بولنورسه سونكی واوزاچه بولندیغی صورتده قورشون ایله مقابله ایلر .

عدلیه نظارت جلیله سندن تسطیر بیوریلان ۳۲۶ تشرین ثانی سنه ۳۲۶ تاریخی تحریرات عمومی صورتیدر :

« مراسلات رسمیه نك ماهیتلیله اولابده یازیلان تحریرات نومرو وتاریخلرینك
سوق ورقه لرینه مجلاً شرح اولنسی لزومه ومدت معینه ظرفنده آرانلیان رسمی
پاكتلر حقنده داخلی پاكت نظامنامه سنده بر قید موجود اولمادیغندن بوبابده کی
احكام نظامیه نك رسمی پاكتلر حقنده دخی عیناً تطبیق اولنه جغه دائر »

پوسته واسطه سیله واقع اولان مراسلات رسمیه نك ماهیتلیله انلره متعلق تحریرات نومرو وتاریخلرینك
سوق ورقه لرینه كوسترلامكده اولنسی مرسولاتك اوراق ووردیله تحریسنه قدر طول مدت پوسته خانه لرده
قالسنی وبوده بالاخره مشكلات حدوتی استلزام ایلكدده اولدیغندن بئمله مراسلات رسمیه نك ماهیتلیله
اولابده یازیلان تحریرات نومرو وتاریخلرینك سوق ووقه لرینه مجلاً شرح اولنسی حقنده مقدا اتخاذ
اولنان اصوله تمامیه رعایت ایدیه جگی ومدت معینه ظرفنده ارانلیان رسمی پاكتلر حقنده داخلی پاكت
نظامنامه سنده بر قید وصراحت موجود اولمادیغندن بوبابده کی احكام نظامیه نك رسمی پاكتلر حقنده دخی
تماماً تطبیق اولنه جغی پوسته وتلغراف مدیریت عمومی سنیك اشعارینه عطفاً مالیه نظارت جلیله سندن بیلدیرلمش
اولغله اكا كوره ایفای معامله اولنق ولزم كنلرده تبلیغ کیفیت ایدلك اوزره اشبو تحریراتك نسخ مطبوعه
كافیله سی لفا ارسال قلمشدر .

عدلیه نظارت جلیله سندن تسطیر بیوریلان ۹ تشرین ثانی سنه ۳۲۶ تاریخی تحریرات عمومی صورتیدر :

« اورمان احراق وتخریبندن دولای حکم اولنان جزای نقدی وبدل تضمیناتك
تأدیه سنه مقتدر اولدیغی حالدده وبرمكدن امتناع ایدنلر حقنده ماللرینك جزی صورتیه
تفیدی لزومه دائر »

جرأمدن متولد حقوق شخصیه محكوم بهانك محكوم علیه كجز اموال صورتیه تفیدی دستورك دردنجی

جلدنده مندرج قانون مخصوص ایجابندن بولندیغی حالدده اورمان احراق وتخریبندن طولای حکم اولنان
جزای نقدی وبدل تضمینات حقنده اورمان مأمورلری طرفندن وقوعبولان مراجعتك بعض محاكمجه مساع
قانونی بولندیغی بیانیه رد اولنه رق حکم واقعك حبسه تحویلله اکتفا ایدلیدكندن بئمله حقوق خزینیه یی
محافظة احكام قانونیه نك تمامی تطبیق واجراسی لزومی اورمان ومعادن وزراعت نظارت جلیله سندن مورود
تذکرده بیان واشعار ایدلمش وكرچه اورمان نظامنامه سنیك الی ایكنجی ماده سنده حقارنده حکم اولنان
جزای نقدی یی تأدیه دن ویا كفیل ارأه سندن عاجز اولانلر حکم اولنان جزای نقدینك بهر ایکی بشلكنه
مقابل بركون حبس اولنور وبوحبس مدتی طقسان بركونی تجاوز ایدمه مز دیه محرر ایسه ده بوحبس کیفیت
محكوم به جزای نقدی یی ادا وكفیل ارأه واعطاسندن اظهار عجز ایدنلره منحصر اولوب یوقسه اقتدار
مالیسی بولندیغی حالدده تأدیه دیندن تمرد وامتناع ایلانلر كجز اموالی جائز اولمه جغی تضمین ایتیه جگی
بلدیله وبوقیل جزای نقدی وتضمیناتی تأدیه وكفیل ارأه سی صورتیه تأمیندن عاجز اولموبده مجرد تمرد
وامتناعده بولنان محكوملر حقنده كجز اموال مثلاً طریق قانونی به توسل برامر طبیعی بولنش اولغله حالات
نماشه اولوخله ایفای معامله یه دقت واعتنا اولنسی لزومك لازم كنلره تبلیغ اولنق اوزره اشبو تحریراتك نسخ
مطبوعه کافیله سی لفا فرستاده قلدیغی بیانیه ترقیم شقه یه ابتدار قلدی .

عدلیه نظارت جلیله سندن تسطیر بیوریلان ۳۰ تشرین اول سنه ۳۲۶ تاریخی تحریرات عمومی صورتیدر :

« اعلامات جزایه خرچلرندن مدیون اولوب تأدیه دیندن امتناع ایدنلر حقلرنده
سائر تكالیف امیریله مدیونلرینه تحصیلات قومیسینلرنجه تطبیق ایدلكدده اولان
قاعده قانونیه دائره سنده ایفای معامله اولنه جغه دائر »

تحصیل اموال قانوننامه سی احكامنجه تعقیب و تحصیل مالیه تحصیلدارلرینه تودیع اولنان اعلامات
جزایه خرچلرندن مدیون بولنان كسانك تسویه دیندن امتناع وتمردلری حالدده حبس وتضییق معامله سنیك
اجرا ریسلریله مدعی عمومیلرله می یوقسه تحصیل قومیسینونه می عائد بولندیغیك تعیین واشعاری بعض طرفلردن
ازبار قلمقه در . اعلامات جزایه بقایاسندن مدیون اولوبده تأدیه دیندن تمرد ایدنلر ك تحقیق اقتدارلرینه
حاجت قالمقیزین مدعی عمومی ویا معاونلرینك طلبیه اجرا ریسلری طرفندن طقسان بركونی تجاوز ایتامك
اوزره حبس وتضییق ایدلسی ۱۰ مایس سنه ۳۰۶ تاریخی تبلیغات عمومی ایجاباتندن ایسه ده تبلیغات واقعه
اراده سنیه پادشاهی به مقارن اولمامسنه وتحصیلی اموال قانوننامه جدیدینك مواد مذیلله سی موجبجه بوقیل
اعلامات خرچلرینك امر جباتی اخیراً مالیه تحصیلدارلرینه ترك وحواله ایدلمش بولنسنه نظراً اعلامات
مذكوره خرچلری بقایاسندن مدیون اولوب تأدیه دیندن امتناع ایدنلر حقلرنده دخی بعدما سائر تكالیف امیریله

مدیونلرینه تحصیلات قومیسونلرنجه تطبیق ایدلمکده اولان قاعده قانونیه دائرهسنده معامله ایفاسی اقتضای حال و مصلحته موافق اوله جفتدن اولوجهله ایفای معامله دقت اولنق و دائره مأموریتکیز داخلنده ایجاب ایدنلره تبلیغ ایدلمک اوزره اشبو تحریراتک نسخ مطبوعه کافیهسی لفأ ارسال قلمشدر .

عدلیه نظارت جلیلهسندن تسطیر بیوریلان ۲۸ تشرین اول سنه ۳۲۶ تاریخی تحریرات عمومیه صورتیدر :

« جزای نقدی به متدائر مجالس بلدیهدن صادر اولان مقرراتک محللری اجرا دائره لری معرفتیه اجرا قانونی احکامنه توفیقاً تنفیذی لزومنه دائر »

قولرا مناسبیتیه تدابیر تحفظیه اجراسی ضمنتده وقوع بولان تنبیهات بلدییه مخالف حرکاته جرأت ایدنلردن قانوناً تحصیلی لازم کلان جزای نقدیلری تسویه واعطادن امتناع ایدنلر حقلرنده بلدییه قانونک بخش ایدنکی صلاحیتک استعمال ایدیلوب ایدیلهمیهجکی خصوصنده ترددایدلمکده اولدیغنه دائر بعض طرفلردن وقوعبولان استیذان اوزرینه ایفای مقتضاسی باتذکره سامیه امر واشعار بیورلمشدر . خلاف تنبیه حرکتلردن طولانی مجالس بلدییهجه تحصیلنه قرار ویریلن جزای نقدیلری تسویهدن تردد ایدنلرک قانون جزاک اوتوز یدنجی مادهسنة توفیقاً محاکم نظامیهجه حبسه تحویلی صورتیه محکوم ایدملری شورای دولتک جمله مقرراندن ايسهده دیگر بر قرارنده تشکیلات جدیده ایجابجه مجالس بلدییهک نواحی مجالسی عدادنده بولدیغی جهته مجالس مذکوردهن صادر اولان مقرراندن تابع استیناف اولانلرینک قضا بدایت محاکمده فصل ورؤیتی لزومی کوستریله رک بوصورتله ایکی قرار اراسنده حاصل اولان مبیاتک شورای مزبورجه حل ایتدیرلمسی خصوصی مقام صدارت عظمایه اشعار ایدلمش ايسهده هنوز جواب ورود ایتماش اولسنه و مجالس بلدییهک جزای نقدی به متفرع مقرراتک جراثمدن نشئت ایدن حقوق شخصیه دعوالرینه دائر اولان اعلاماتک صور اجرائیهسینی مبین اولوب دستورک دردنجی جلدینک یدیوز الی دردنجی محیفهسنده مندرج بولنان ۱۹ صفر سنه ۹۷ تاریخی قانون احکامی دائرهسنده انفاذی لازم کلهجکی محکمه تمیزاستدعا دائرهسنةک اجتهاد اخیرى ایجابندن وقانوننامه مذکور حکمنه نظراً بوکی اعلاماتک امر اجراسیده اجرا مأمورلرینک جمله وظائفندن بولمنسنة بناء کیفیت شورای دولتهجه حل وتفسیر اولنجهیه قدر جزای نقدی به متدائر مجالس بلدیهدن صادر اولان مقرراتک مذکور ۱۹ صفر سنه ۹۷ تاریخی قانون حکمنه توفیقاً محللری اجرا دائره لری معرفتیه اجرا قانونی احکامنه توفیقاً تنفیذی موافق حال ومصاحت کورلمش وکیفیت بالجمله ولایات استیناف مدعی عمومیلککیرینه تممياً تبایغ قلمش اولدیغندن حالات مماثلده اوراجهده اکا کوره معامله ایفاسی بیانیله شقه ترقیم قلندی .

محکمہ تمیز مقرراتی

محکمہ تمیز استدعا دائرهسندن صادر اولان ۱۲ اغستوس سنه ۳۲۶ تاریخی ۱۵۴۲ نومرولی اعلام صورتیدر :

« اثنای محاکمه ابتدائیهده مدعابه اشجارک قطع ایدلرکی محاک طابویه مربوط ترلاسی کناری بولندی مظلون طرفندن درمیان قلمش اولسنه نظراً بوبابده مقدمه ابراز اولندی تقدیرده محکمه حقوقه مراجعت ایتک اوزره مهل مناسب اعطاسیه کیفیتک مراجع محاکمسنه سوقی وجهت جزائیهه عائد تدقیقاتک اول بابه صادر اوله حق قراره تعلیق لازم کالرکن محکمه بدایتجه صلاحیت خارجنده تصرف ادعاسنک دخی تدقیق صورتیه اتخاذ ایدلن براءت قرارینک عندالاستیناف فسخیه ایشک مراجع قانونیسنه ارجاعی وباخصوص مقررات ابتدائیه موافق کورلدیکی تقدیرده تصدیق مقتضی ایکن استیناف استدعاسنک ردی صورتنده اتخاذ قرار اولنسی مستلزم نقضدر »

سینوب سنجاغی بدایت محکمهسی جزا دائرهسندن تنظیم و اعطا و ۲۱ نisan سنه ۳۲۶ تاریخندن امر تفهیمی اجرا قلنان ۲۲ مایس سنه ۳۲۶ تاریخ وسکسان بر نومرولی اعلام استینافینک تمیزاً تدقیق طلبی حاوی لوای مذکور اورمان ادارهسی جانبندن معطی استدعانامه واوراق متفرعهسی باش مدعی عمومیلک مأموریت بهیهسندن بتبلیغنامه ۲۲ تموز سنه ۳۲۶ تاریخنده محکمه تمیز استدعا دائرهسنة تودیع ایدلمش ولدیالتدقیق مذکور استدعانامهک مدت معینه قانونیهسی ظرفنده ویرلدیکی آکلاشلمش اولغله بالقبول تدقیقات تمیزیه اجراسنه ابتدار اولندی .

اعلام مذکورک خلاصه مالی میری اورمانندن بلا رخصت اشجار قطع ایدلرکی ادعا اولنان تونسلی اوغلی شاکرک قطع ایدلرکی اشجارک مرکز بولندی موقعت میری اورمانی اولدیغنه واشجار مقطوعهک میرییه الیریشلی بولدیغنه دائر ومبرز ضبط ورقهسی مندرجاتی مؤید برکونا اخباراته تصادف ایدیلهمهسنة مبنی برائی حقنده بدایه ویریلن اعلام اورمان ادارهسی جانبندن استیناف ایدلمکله اولبابده اجرا قلنان محاکمه وتدقیقات استینافیه نتیجهسنده آریجه لایحه استینافیه ویرلمش و طاپوسندی ابرازیده اساس دعوایه متعلق اولوب اسباب فسخیهدن معدود کوریلهمهش ایدوکندن بالبحث استیناف استدعاسنک ردینه قرار ویرلدیکی متضمندر . تمیز استدعانامهسنده مظلون مرقومک آج قطعنه اجتساری شهودک شهاداتی ایله ثابت اولمش و آج قطع ایدلن محاک طابوسی داخلنده اولدیغی بیان ایله اعتراف جرم ایش و محل مذکورک کشف وتحقیقه مظلون مرقومک ادعای واقعی اثبات ایدلمک لازم کلدیکی حالده بوجه محرر براءت قراری اعطاسی مخالف قانون بولمش ایدوکندن بختله اعلام استینافینک نقضی استدعا ایدلرکی کی تبلیغنامه دخی آج قطع اولنان محاک کندی طاپوسی داخلنده بولندی افادهسنة قارشو مرقومدن بر مقدمه بینه طلب اولنهرق ابرازی

حالنده آكا كوره معامله ايفاسى لزومندن ذهول اولمىسى مستلزم نقض اسبابدن بولمىش و تميز استدعاناامهسى مندرجاتى بوعبارله وارد و بجا كورولمىش ايدوكى بيانيله مذكور اعلامك تقضى لزومى كوستلشدرد .

الجباني لى المذاكره مندرجات اعلامدن استنباط اولندينى اوزره درجه اولى محكمه سندن وريان برأت قرارى مظلونك اشجار قطع ايتديكى ادعا اولنان اورمانك جانب ميريه عايدته دائر اخباراتك فقداني اساسنه مبتنى اولوب حال بوكه اثنائى محاكمه ابتدائيه مدعا به اشجارك قطع ايدلديكى محلك طابويه مربوط ترلاسى كنارى بولندينى مظلون طرفدن درميان قلمش اولمىسه نظراً بوبابده حادث اولان واولا مرجعنه تدقيق لازم كلن مسئله مستأخره دن طولاي طرفيندن مقدمه بينه طلب ايديلهرك طابو سندی كى اوراق رسميه ابراز اولندينى صورتده اورمان ادارهسى و كيليك وعكس تقديرده مظلونك اول امرده محكمه حقوقه مراجعت ايتك اوزره مهل مناسب اعطاسى ايله كيفيتك مرجع محاكمه سنى سوقى وجهت جزائيه عايد تدقيقاتك اول باده صادر اوله جق قراره تعليق لزوم قانونيسنه قارشو محكمه بدايتجه صلاحيت خارجنده اوله رق تصرف ادعاسنك دخى تدقيقى صورتيله اتخاذ ايديلن برأت قرارينك اسباب مذكوره دن ناشى عندالاستيناف فسخيله ايشك مرجع قانونيسنه ارجاعى لازمهدن اولدينى حالده بو باده كى استيناف استدعاناامهسى مندرجاتك اسباب فسخيه دن معدود اوله مايه جغندن بالبحث رد ايدلمى و باخصوص محاكم استينافيه جه مقررات ابتدائيه نك موافق قانون كورلديكى تقديرده تصديق مقتضى ايكن مذكور استيناف محكمه سنجه بر منوال محرر استيناف استدعاسنك ردى صورتنده اتخاذ قرار اولمىسى تبليغنامه ده دخى مرقم اولدينى وجهله يولمز ومغاير اصول وقانون اولوب تميز استدعاناامه سنده درميان اولنان اعتراضات بو وجهله وارد و بجا كورونديكندن اصول محاكمات جزائيه قانونك اوچيوز اون دردنجى و اوچيوز اون طقوزنجى ماده لرى موجبنه اعلام استينافينك بوسايدن طولاي تقضيله احكام قانونيه دائره سنده ايفاي معامله اولنق اوزره اوراق متعلقه سنك محكمه مذكوره به اعاده سنى و ايكي يوزغروش اعلام خرچنك تعرفه و تعليمات مخصوصهسى منظوقجه ايلورده حقسنر چيقه جق طرفدن استيفاسنه ۲۸ تموز سنه ۳۲۶ تاريخنده متفقاً قرار و يرلدى .

محكمه تميز استدعا دائره سندن صادر اولان ۱۱ اغستوس سنه ۳۲۶ تاريخلى و ۱۵۳۶ نومرولى اعلام صورتيدر :

« قضا محاكمى نزرده مدعى عمومى و كالتيك ضابطه مأمورى جانبندن ايفاسى لزوم قانونيسنه قارشى حكم ابتدائيك مبتنى اولدينى محاكمه اشبو وظيفه نك محكمه باش كابينه ايفا ايتديرلى نقض حكمى مستلزمدر .

ايزميت سنجاغى بدايت محكمهسى جزا دائره سندن تنظيم واعطا و ۱۸ مارت سنه ۳۲۶ تاريخنده امر

تقضى اجرا قلنسان ۱۵ تموز سنه ۳۲۶ تاريخ و ايكي يوز آلمش طقوز نومرولى اعلام استينافينك تميزاً تدقيقى طلبنى حاوى دعوى و كيلى محمد ويسى افندى جانبندن معطى استدعاناامه و اوراق متفرعهسى باش مدعى عمومىك مأموريت بيه سندن بتبليغنامه ۲۸ تموز سنه ۳۲۶ تاريخنده محكمه تميز استدعا دائره سنى توديع اولمىش ولدى التدقيق مذكور استدعا نامه نك مدت معينه قانونيهسى ظرفنده اعطا و شرائط لازمه سائرهنك دخى ايفا قلندينى اكلاشمش اولغله بالقبول تدقيقات تميزيه اجرا سنىه ابتدار ايدلدى .

اعلام مذكورك خلاصه مالى قره مرسل بدايت محكمهسى هيئتى اجرا ايتدكلى حكم مأموريتلارندن طولاي قدر و ناموسلرينه نقيصه و يردهك صورتده تحقير ايتديكى ثابت اولان مستدعى محدوديسى افنديك قانون جزاك ايكي يوز اون اوچنجى ماده سنك دالتيه يوز اون ايكنجى مادهسى حكمه توفيقاً برردن ايكي هقته مدته حبس نه دائر محكمه مذكوره دن تنظيم واعطا قلنان ايكي قطعه اعلام محكوم مومى اليه جانبندن استيناف ايدلمكه اول باده اجرا قلنان محاكمه و تدقيقات استينافيه نتيجه سنده محكوم مومى اليه كركور و ابراهام و ستراق دعوالرينه عايد اوله رق استيناف لايحه سنده درميان ايدلديكى عدالتسرك و حقانيتسرك تعبيرى حقارتى تضمن ايدمه جكندن ۴ شباط سنه ۳۲۵ تاريخلى قرارك فسخيله بوندن طولاي مومى اليه ك عدم مسؤليت و موكللى خالد بكك دعواسنه متدائر كندى مهريله استيناف حقوق رياسته و يرمش اولدينى لايحه نك ايكنجى فقره سنده درميان اولنان تعبيرات الفاظ تحقيريه دن معدود اولوب حكم ابتدائى اسباب قانونيه مستند و ايجابات فسخيه دن عارى ايدوكندن بحثله بوجهته دائر اولان استيناف استدعاناامه سنك رديله اعلام مستأنف بهك تصديقه قرار و يرلديكى متضمندر .

لايحه تميزيه ده قره مرسل بدايت محكمهسى حقوق قسمندن صادر اولان اعلام علمنده اعطا ايدلديكى استيناف استدعا نامه سنده مندرج شكاتى حاوى و محكمه نك صفت مغويه سنى معطوف اولان الفاظك حقارتى تضمن ايدوب ايتديكى استيناف حقوق محكمه سنجه نظر دفته آلماش و بر كونه ادعاى شخصى وقوع بولماش اولدينى كى ضبط ورقهسى تنظيم و شاهد استماع ايدلمكسزىن شخصلى تحقير اولنان هيئتك هم مدعى وهم حاكم صفتلرله و يرديكلى حكمك تصديق اولمىسى مغاير قانون ايدوكندن بحثله اعلام استينافينك نقضى استدعا اولمىش تبليغنامه ده دخى دعواده علاقه دار اولملى جهتيه رؤيت دعوى بدايت محكمه سنك صلاحيتى خارجنده اولدينى حقه نك اعتراض اساساً صلاحيته متدائر بولنماش و نقل دعوايى متضمن اولان بو قسم اعتراض حقه نك اولجه طريق قانونيسنه مراجعت ايدلمكه برابر قرار محانده محكمه جه اسباب موجب سيله رد ايدلمش و ايفا ايتدكلى حكم مأموريتدن طولاي هيئت حاكمه نك قدر و ناموسلرينه طوقونه جق الفاظ تحقيريه جه جرأت ايدنلر حقه نك دعوای شخصى اقامه سنى لزوم قانونى بولنماش مدعى عمومىك مقامنه اقامه دعوى حالنده معامله قانونيه نك ايفاسى دركار بولمىش و شوصورتله اعلامك مستند اولدينى اسباب موجبيه نظراً

لايحه تميزيه محتوياتي قبوله شايد بولنماش ايدوكي بيانيله تميز استدا نامه سنك بوسيدن ناشي ردی لزومی کوسترلشدر .

ايجابي لدی المذاکره اوراق متعلقه میاننده موجود اولوب استینافاً تدقیق طلب اولان یوز اون آتی نومرولی اعلام ابتدائی مندرجاتندن مستبان اولدینی اوزره قضا محاکمی نزدنده مدعی عمومی وکالتنک ضابطه مأموری جانبندن ایفاسی لزوم قانونیسنه قارشو حکم ابتدائینک مبتنی اولدینی محاکمده اشبو وظیفه نك محکمه باش کاتبی حسین افندی یه ایفا ایتدیرلمسی مستلزم فسح احوالندن بولنماش ایکن عندالاستیناف بوجهت نظر دفته آنقسزین بوجه محرر اتخاذ قرار اولنسی یولسز ومغایر اصول وقانون اولوب لایحه تمیزیه مؤداسی بوضورتله وارد وبجا کورندیکسندن اصول محاکمات جزائییه قانوننک اوچوز اون دردنچی و اوچوز اون طقوزنجی ماده لری منظوقنجه اعلام استینافینک یالکسز بوسیدن طولای نقضیه احکام قانونیه دائره سنده ایفای معامله اولنق اوزره اوراق متعلقه سنک محکمه مذکوریه اعاده سنه وایکی یوز عروش اعلام خرجنک تعرفه وتعالیمات مخصوصه سنه توفیقاً ایلروده حقسز چیه حق طرفندن استیفاسنه ۳۱ تموز سنه ۳۲۶ تاریخنده متفقاً قرار ویرلدی .

محکمه تمیز حقوق دائره سنندن صادر اولان ۱۴ اغستوس سنه ۳۲۶ تاریخلی و . . . نومرولی اعلام صورتیدر:

« دعوی قریه اهالی عمومیه سی نامه اقامه اولنمش اولسنه کوره توجه خصوصت ایچون اهالی قریه نك قوم محصور اولوب اولدینی تدقیق ایدلک واثنای محاکمده مدعی عمومی حاضر بولندیرلق ومدعی علیه محل منازع فیه کندی عهدیه تصرفنده اولدینی بیان ایتسی اوزرینه بو جهت طاپو اداره سنندن استعمال اولنق لازم کلور ایکن بو نقاطندن ذهول ایدلسی نقض حکمی مستلزمدر »

موش سنجاغنه تابع وارطو قضا سنک قرقرون قریه سننده مقیم حناس بن حسن ایله قرقرون قریه سی اهالیسی بیننده متکون دعوایه دائر قضاء مذکور بدایت محکمه سنندن ۲۰ جزیران سنه ۳۲۴ تاریخلی ویدی عددیه ویریلان اعلام مرقوم حناس طرفندن مدت قانونیه سی طرفنده تمیز اولنمش واوراق تمیزیه صورتلری علی الاصول دیگر طرفه تبلیغ اولندینی حالده اعطاسی مقتضی لایحه سی ویرلماش اولقله یالکسز مستدعینک اعتراض لایحه سیله بالمطالعہ تدقیقات تمیزیه اجراسنه ایتدار قلندی .

اعلام مذکورک خلاصه مالی اهالی مرقومه نك قریه لری حیواناتنه مخصوص آتی یوز غروش قیمتنده کی قوری ومرعالرینه مرقوم حناس طرفندن وقوعبولان مداخله نك منعی طلب ودعوی ایتلرینه قارشو مدعی علیه حناس منازع فیه اراضی کندی ملکی اولوب قرق سنه دنبری تصرف وزراعت ایتکده ایسه ده تصرفی ناطق قوچانی قضاء ضایع ایتدیکنی بیان وافاده ایلسی واکمال محاکمه ضمننده تعیین قلنان کونده مدعی علیه

دعوتہ اجابت ایتماسی اوزرینه محافظه حقوقی ضمننده وکیل مسخر تعینله ویرکو اداره سنندن استعمال کیفیت اولندقدنصکره جریان ایدن محاکمه وتدقیقات نتیجه سننده منازع فیه محل من القدی قرقرون قریه سی عموم اهالیسنک حیواناتنه مخصوص مرعاقوری اولدینی ویرکو اداره سی درکناری ولدی التزکیه عدل ومقبول الشهاده اولدقاری نمایان اولان شهودک شهادتیه ثابت اولدیفنه بناءً مجله نك بیک سکزیوز اون سکزنجی وارضی قانوننک طقسان یدنجی ماده لری موجبنجه مرقوم حناس منازع فیه قوری ومرعایه وقوعبولان مداخله سنک منعه حکمندن ومستدعی تمیزک اشبو حکم علیهنده لایحه سننده محرر باشلوجه اعتراضی اساس دعوی عمومیه طاپو مرعاقوری اولدینی حالده اثنای محاکمده مدعی عمومینک حاضر بولندیرلماسی وصورتن تصرفنک طاپو اداره سنندن سؤال ایدلماسی مغایر قانون اولدیفندن بخله اعلامک نقضی استداسندن عبارت بولنمشدر .

ایجابی مذاکره اولندقدنه اعلام مذکور مآلندن منفهم اولدینی اوزره دعوی قریه اهالی عمومیه سی نامه اقامه اولنمش اولسنه کوره توجه خصوصت ایچون اهالی قریه نك قوم محصور اولوب اولدیفنک تدقیق ایدلک وتشکیل محاکم قانوننک ۶۵ نجی ماده سی موجبنجه اثنای محاکمده مدعی عمومینک حاضر بولندیرلق ومدعی علیه مرقوم محل منازع فیه کندی عهدیه تصرفنده اولدینی بیان ایتسی اوزرینه بو جهت طاپو اداره سنندن استعمال اولنق لازم کلور ایکن بو نقاطندن ذهول ایدلسی یولسز اولدینی کبی مجله نك ۱۷۲۲ نجی ماده سننده کورولدیکی اوزره شهادت قیلندن اولان تزکیه علیهنده شهادتک شروط نصابی شرط ایکن اجرا قلنان تزکیه علیهنده مزکیدن بریسنک مدعی ومنفعتدار اولان قریه مرقومه اهالیسنندن بولنسی دخی مغایر قانون اولدیفنه بناءً اصول محاکمه حقوقیه قانوننک ایکوز اوتوز ایکسجی وایکیوز قرق برنجی ماده لری موجبنجه اعلام مذکورک نقضیه قانون مزبورک ایکوز قرق دردنچی ماده سننده فقره اولاسی حکمنه توفیقاً کیفیتک تکرار بالرؤیه اعلامه ربطی ضمننده محکمه مذکوریه اعاده سنه وزیرده مفرداتی مرقم . . . مصارف تمیزیه نك ایلروده حقسز چیه حق طرفه طاپو اولسنه فی ۱۴ اغستوس سنه ۳۲۶ تاریخنده متفقاً قرار ویرلدی .

تمیز حقوق دائره سنندن صادر اولان ۲۶ ایلول سنه ۳۲۶ تاریخلی و . . . نومرولی اعلام صورتیدر .

« اراضیدن صالح بدون اذن صاحب ارض صحیح اولدینی و دیون مشترک نك بر قسمی شرکادن برینک حصه سنه حصر وتخصیصی صورتیه واقع اولان صلحک غیر جائز بولندیفنه دائر »

قائسه قضا سننده مقیمون آچیق کوزیان خاجیک و آرتین ایله اوکم بینلرنده متحدث دعوایه دائر قضاء مذکور بدایت محکمه سنندن ۱۹ مایس سنه ۳۲۶ تاریخلی واون بر عددی ایله ویریلوب مرقومانندن یالکسز خاجیک طرفندن تمیز ایدیلان اعلام طرفینک اعتراض وجواب لایحه لریله بالمطالعہ تدقیقات تمیزیه اجراسنه ایتدار قلندی .

اعلام مذکور خلاصه مندرجاتی مرقوم اواکم دیگر برادرلری مرقومان خاچیک و آرتین میانه لرنده مشترکاً متصرف اولدقلری حالده اخیراً تقسیم ایدیلهرک مرقوم اواکم حصه سنه افرایدیلان قضاء مذکور مغازه لر باشی موقعنده کائن یکریمی بش لیرا قیمتله بر باب مغازه مرقوماندن خاچیک طرفندن شخص آخره فضولاً بیع ایدیلهرک شخص مرقوم طرفندن هدم ایدلیکی اولباده کی شهود مستعنه معدله نك شهادتلیله ثابت اولمسنه مبنی مذکور مغازه نك قیمتی اولدینی ثابت اولان یکریمی بش لیرانك مدعی علیهمادن مرقوم خاچیکدن بالتحصیل مدعی به اعطاسنه ودیکر مدعی علیه مرقوم ارتین حقنده واقع اولان معارضه نك منعه دائر صادر اولان اعلام غیابی حکمنه مرقوم خاچیک اعتراض ایتسی اوزرینه محکمه جه وجاهاً جریان ایدن محاکمه و تدریقات نتیجه سنده معترض وکیل موکل خاچیک منازع فیه مغازه موکلنك ملک صریحی اولدیغندن اعلام غیابی مذکورک جرح وابطالی طلب وادعا ایتسنه قارشو معترض علیه وکیلده مذکور مغازه موکل اواکم و مرقومک خاچیک و آرتینک سی وپاره لریله انشا ایدلمش و معترض خاچیکک بیسوک برادرلری اولق حسبیله مذکور مغازه یالکیز معترض مرقومک عهده سنه ویرکوجه قیدی اجرا ایدلمش اولدینی و اخیراً بیلری تقریب ایدیلهرک مذکور مغازه ایله یکریمی بش لیرا موکل اواکم حصه سنه چیقاریلهرق اولوجهله صلح اولدقلری بیان و ابراز ایله یکی صلحنامه ده دخی برادرلری اواکم ایله اوتهدنبرو مشترک بوندقلری کرک اراضی و عرصه و کرک نقود و ذمات و حیواناتدن اولهرق میانه لرنده صلح اولدقلری و برادرلری مرقوم اواکیمه تقدماً یکریمی بش لیرا ایله مذکور مغازه ی ویره رک مرقوم اواکیمه صلح اولدقلری مبین اولمسنه و معترض وکیلده مبرز صلحنامه موکلنك اولدینی اکلشیلور ایسه ده ذکر اولنان مغازه نك قیمت حقیقه سی اولان بیک یدییوز الی غروش اولوب ذکر اولنان مغازه نك موکل طرفندن اون سنه لك ویرکوسی اولان اوچیوز اوتوز یدی غروشله مرقوم اواکمک درت سنه لك اقامت ایدلیکی خانه ایجارندن طولای آلتیوز و یوز غروشده بر عدد ایک طوامی امانی که جمعاً ایکیک اوتوزیدی غروشندن عبارت اولان بومطلوباتنه مقابل مرقوم اواکم طرفندن طقوز یوز یکریمی درت غروش تسلیماتی بعدالحسوب بیک یوز اون برغروش مذکور مغازه بدلندن اواکیم ذمتنده موکلنك مطلوبی اولدینی شوحساب ایله مرقوم اواکیمه موکلنك التیوز طقوز غروش بورجی قالدینی نمایان اولیور ایسه ده اوده مرقوم اواکیمه موکل طرفندن دفعه تسویه ایدلیکندن موکلنك معترض علیه برکونه بورجی قالمش اولدیغندن ادعاسنك ردینی مدافعه درمیان ایتش ایسه ده مذکور مغازه مرقومان آرتین و خاچیک طرفلرندن علی طریق المصلحه معترض علیه اواکیمه ترک ایدلمش اولدینی معترض امضاسنی حاوی اولدینی اقرار اولنان صلحنامه مندرجاتیله ثابت اولمسنه وشو حالده ذکر اولنان مغازه معترض علیه اواکیمک ملک صریحی ایکن معترض طرفندن فضولاً آخره بیع ایدلمش اولدیغندن معترض وکیل معترض علیه ذمتنده موکلنك ویرکو بدلی و خانه ایجاری وسائر ددن طولای مطلوبی بولنان صورت محسوبی حقنده درمیان ایدلیکی ایجار دعواسنك محکمه به مراجعه و بر موجب اقرار مجله نك بیک سکز یوزاون یدنجی و اصول محاکمه حقوقیه قانوننك یوز

الی سکزنجی ماده لری موجبنجه اعلام غیابی مذکورک عیناً تصدیقه حکمدن و مستدعی تمیزک اشبو حکم علینده لایحه سنده محرر باشلوجه اعتراض منازع فیه مغازه صلح طریقله مرقوم اواکه ویرلمش ایسه ده قیدینك الیوم اوزرنده اولوب اون سنه لك ویرکوسی دخی طرفندن ویرلمش اولدینی درمیان ایتش ایکن اشبو دفعنك نظر دفته آلتیه رق رد ایدلمشی یولسز و مغایر قانون اولدیغندن بحثله اعلامك تقضی و لایحه جوابیه مؤداسی دخی سرداولنان اعتراضاتک غیر وارد اولدینی بیانیله ردی و موافق اصول و قانون اولان اعلام مذکورک تصدیقی طابندن عبات بولمشد. ایجابی مذاکره اولندقه خصوص مدعا بروجه مشروح حکم و اعلام ربط ایدلمش ایسه ده کیفیت صلح برطاقم اراضی و دیوندن طولای واقع اولدینی اعلامده محکی صلحنامه مندرجاتندن اکلشیلدیغه و اراضیدن صاحب ایسه بدون اذن صاحب ارض صحیح اولمادینی کی دیون مشترک نك بر قسمی شرکادن برینك حصه سنه حصر و تخصیصی صورتیله واقع اولان صلح دخی غیر جائز بولندیغه و عقد واحد ایله اجرا قلنان صلحك بعض جهاتنده سبب بطلان موجود اولنجه ناقابل تجزی بولنان عقد واحد صلحك جمله سی باطل اوله جغه کوره صلح مذکور معتبر اولمادینی حالده محکمه جه صلح واقع نتیجه سی اولهرق مدعی به تسلیم ایدیلان دکانك مدعینك مال مستقی عدلیه بروجه مشروح حکم ویرلمشی یولسز اصول و قانونه مغایر بولندیغه بناء اصول محاکمه حقوقیه قانوننك ایکیوز اوتوز ایکنجی و ایکیوز قرق برنجی ماده لری موجبنجه اعلام مذکورک تقضیه قانون مذکورک ایکیوز قرق درنجی ماده سی حکمنه توفیقاً کیفیتک بالرؤیه اعلام ربطی ضمنتده محکمه مذکوریه اعاده سنه وزیرده مفرداتی مرقم اولوب طرفندن ایفا اولنان درتیوز اوتوز طقوز غروش مصارف تمیزی نك ایلروده حقسنر حقیقه جق طرفه عائد اولمسنه ۲۶ ایلول سنه ۳۲۶ تاریخنده متفقاً قرار ویرلدی .

محکمه تمیز حقوق دائره سندن صادر اولوب ۲۰ شعبان سنه ۳۲۸ و ۱۱ اغستوس سنه ۳۲۶ تاریخی و ۱۱۰۶ نومرولو اعلام صورتیدر :

« مدیونك شخص ثالث بدنده و یا ذمتنده مالی و یا آجانی اولدینی و یا خود بعدالحجز مدیونه ادا واعاده ایدلیکی تقدیرده شخص ثالثک مسئولیتی لازم کله چکنه دائر »

کره سون قصبه سنده مقیم تجاردن ماوریدی پنا یوط ایله قیادی قریه سنده ساکن قبا عثمان اوغلی مصطفی بیلنده متحدث دعویه دائر طربزون مرکز بدایت محکمه سندن استیناف صفی و ۵ کانون اول سنه ۳۲۵ تاریخی و یوز طقسان طقوز عددی ایله ویریلان اعلام مرقوم پنا یوط طرفندن مدت قانونیه سی طرفنده تمیز ایدلمکله طرفینك اعتراض و جواب لایحه لریله بالمطالعاه تدریقات تمیزیه اجراسنه ابتدار قلندی . اعلام مذکورک خلاصه مندرجاتی مرقوم مصطفی نك احمد رئیس زاده ثابت رئیس ذمتنده آلتش اوچ عدد عثمانی لیراسی آلاجه نك مقابل مزبور پنا یوط ذمتنده مدیون مرقوم ثابت رئیسک آجانی اولان ایتش

عدد عثمانی لیراسنک قبل الحکم حجزی طلب اولنهرق مدت قانونیه سی ظرفنده اعطا ایدلیدی آکلاشیلان تصدیق حجزاستدعاسی اوزرینه معین کونده شخص ثالث مرقوم پنايوط ایله مدیون مزبور ثابت رئیسک دعوتیه عدم اجابتلرینه منی غیاباً وکیل مسخر حضوریه سبق ایدن محاکمه نتیجه سنده داین طرفندن ارائه اولنان دین سندی وکیل مسخر طرفندن انکار اولنش ایسه ده عندالاعتراض تدقیقات لازمه اجرا قلمیق اوزره مبلغ مدعاهک مدعی علیه مرقوم ثابت رئیسک بورجی بولندی میز سندن مندرجاتیه آکلاشیلیدیغندن حین تحصیلنه قدر ایشلیه جک فاضلیه معاً مذکور آلتش اوچ لیرانک مدیون ثابت رئیسک تحصیلنه و حجز موضوعک تصدیقنه دائر کره سون بدایت محکمه سندن صادر اولان اعلام غیابی حکمینه شخص ثالث مرقوم پنايوط طرفندن اعتراض اولنمسی اوزرینه محکمه مذکورجه وجاهاً جریان ایدن محاکمه و تدقیقاته دخی اصول محاکمه حقوقیه قانوننک ایکویز یتش طقوزنجی ماده سنده محرر اولدینی اوزره شخص ثالث حجزنامه یی جرح ایده جک صورتده برکونا اعتراضی واریسه درحال با عرضحال افاده ایتمک مجبور اولدینی حالده بوماده حکمینه شخص ثالث مزبور برکونا عرضحال اعطا ایتمدیکنه وهرنه قدر ثابت رئیسک کندوسنده اویله برپاره سی اولدینی بولنده تبلیغ علم و خبری ظهرینه مشروحات ویرلش ایسه ده مشروحات مذکور عرضحال مقامه قائم اوله میه جتنه و شو حالده اعلام غیابی موافق اصول وقانون بولندیغنه منی معترض مرقومک اولاباده کی اعتراضاتنک ردیه اعلام غیابی مذکورک تصدیقنه دائر صادر اولان اعلامک عندالاستیناف تصدیقنه حکمندن و مستدعی تمیز پنايوطک اشبو حکم علیهنده لایحه سنده محرر باشلوجه اعتراضی حجزنامه نک تاریخ تبلیغندن اعتباراً سکز کون ظرفنده حجزک قبول ویا ردی حقنده طرفندن بیاننامه ویرلما سندن طولانی مدعینک ادعاسنه مقبول و مثبت نظریه باقلمیه جفی درکار ایکن محکمه جه مذکور ادعانک مثبت عدایله رک برمنوال محرر قرار اعطا ایدلسی یولسز و مغایر قانون اولدیغندن بحثله اعلامک نقضی و لایحه جوابیه مؤداسی دخی سرد اولنان اعتراضاتک غیروارد ایدوکی بیانیله ردی و موافق اصول وقانون اولان اعلام مذکورک تصدیق استدعاسندن عبارتدر.

ایجابی مذاکره اولندقدده اعلام مذکور مآلندن مستبان اولدینی اوزره خصوص مدعا بر وجه محرر بالرؤیه اعلام ربط ایدلش ایسه ده شخص ثالث قانونده مذکور اولان مسئولیتی مدیونک شخص ثالث یدنده ویا ذمتنده مالی ویا آلاجنی اولدینی و فی الحال یدنده یا ذمتنده باقی بولندی و یا خود بعدالحجز مدیونه ادا یارد واعاده ایدلیدی تقدیرده اولوب یوقسه مدیونک شخص ثالثه حق اولدینی اصلاً ثابت اولقسزین مجرد سکوت ایده رک سکز کون ظرفنده اعتراضاتده بولنماش اولسلیه محکومیتی لازم کلیه جکی و چونکه ساکنه سوز اسناد اولنه میه جفی یعنی مجرد سکوت ایتمسلیه شخص ثالث مدیونه بورجی اولدیغنک اقرار و تصدیقی تضمن ایلمیه جکی آشکار ایکن محکمه جه مواد قانونیه یا کلتش معنا ویریلهرک اولوجه حکم ایدلسی یولسز و مغایر قانون اولدیغنه بناءً اصول محاکمه حقوقیه قانوننک ایکویز اوتوز ایکنجی ماده سی موجبجه اعلام

مذکورک نقضیه قانون مذکورک ایکویز قرق دردنجی ماده سی حکمینه توفیقاً کیفیتک بالرؤیه اعلامه ربطی ضمتنده محکمه مذکوریه اعاده سنده وزیرده مفرداتی مرقم اولوب اول و آخر مستدعی تمیز طرفندن ایفا اولنان درتیوز یکرمی یدی غروشله مع پول لایحه جوابیه قیدی سی اولهرق تمیز علیه طرفندن ویریلان یدی غروشکه جمعاً درتیوز اوتوز درت غروش مصارف تمیزی نه نک ایلروده حقسنز حقیقه جق طرفه عائد اولمسه ۲۱ مارت سنه ۳۲۶ تاریخنده متفقاً قرار ویرلدی .

محکمه تمیز جزا دائره سندن صادر اولان ۴ تشرین اول سنه ۳۲۶ تاریخی و ۳۸۱۶ نومرولی اعلام صورتیدر :

« بالهور یومروق جسامتنده بولان طاشله قفاسنه اورهرق قتل ایدلیدی ثابت اولش و اعلام سابق فعلده قتل قصدی بولندیغندن دولای نقض ایدلش ایکن اصرار اولنهرق کافی السابق ضرباً قاتل اولق اوزره تجریم ایدلسی و تعیین نوع جرمده اصابت قانونیه بولنماش اولسی نقض حکمی مستلزمدر . »

قره سی سنجانی بدایت محکمه سی جزا دائره سندن اخیراً تنظیم واعطا قلنان ۱۰ اغتسوس سنه ۳۲۶ تاریخی ویتش برنومرولی اعلام ایله متفرعاتی باش مدعی عمومیک مأموریت علیه سندن ۲۰ رمضان سنه ۱۱۳۳۸ ایلول سنه ۳۲۶ تاریخی و اوچبیک بشیوز یتش یدی نومرولی تبلیغنامه ایله محکمه تمیز جزا دائره سنده اعطا اولمشدر. اعلام مذکورک خلاصه مالی اوچیوز یکرمی ایکی سنه سی حزیرانک یکرمی آلتنجی کونی کونان قضاسنک آخچه پیکار قریه سنده محمد اوغلی اسماعیلی قتل ایدلیدی ادعا قلمسندن طولانی حنایتله اتهام اولنان الاجه اولوق قریه سندن دلی علی اوغلی عبداللهک محکومیتنه دائر مقدما ویریلان اعلامک تمیزاً نقض واعاده قلمسی اوزرینه اخیراً اجرا قلنان محاکمه علیه سی نتیجه سنده متهم عبدالله پدری دلی علی ایله مقتول مرقوم بیننده مرکب مسئله سندن متولد منازعه دن حاصل اولان تهور اوزرینه قتل قصدی اولقسزین مرقوم اسماعیلک باشنه طاشله ضرب ایدرک وفاتنه سببیت ویردیکی شهودک واقع اولان شهادت مختلفه سی و متهمک بعدالوقعه اختفا ایتدیکی حالده دردست اولنمسی و طیب راپوری مندرجاتی دلالتریه ثابت اولدیغندن و اولوجهله مجرمیتنه و حرکته موافق اولان قانون جزانک یوز یتش یدنجی ماده سی علاوه سنده توفیقاً مستحق اولدینی آلتی سنه کورک جزاسنک جرمک ۱۰ تموز سنه ۳۲۴ تاریخندن مقدم ایقلش اولدینی جهته قانون اخیر مخصوصک بشنجی ماده سی موجبجه بالتصنیف اوچ سنه مدتله کورکه قولسسه حکم اولندیغندن عبارتدر .

تبلیغنامه مفادی دخی اعلام اخیر مذکورک تصدیق طلبی حاویدر .

اوراق موجوده مطالعه و تدقیقات تمیزیه اجرا اولندقدده هر نه قدر تبلیغنامه ده تصدیق طلب اولنیورسده متهم مرقومک منازعه دن متولد تهور اوزرینه یومروق جسامتنده بولان طاشله اسماعیلک قفاسنه اورهرق

کسر عظم ایله قتل ایله یکی شهادت واقع و طیب راپوری مندرجاتیه ثابت اولمش و اعلام سابق فعلده قتل قصدی بولندیغندن دولای نقض ایدلشیکن اصرار اولمیه رق کافی السابق ضرباً قاتل اولمق اوزره تجربیم ایدلمش و شوالده تعیین نوع جرمده اصابت قانونیه بولنامش اولمسی مخالف قانون و مستلزم نقض اولغله اصول محاکمات جزائییه قانوننک اوچیوز اون دردنجی ماده سنه تطبیقاً اعلام اخیر مذکورک دخی نقضیه احکام قانونیه دائره سنده ایفای معامله اولمق اوزره اوراقک محله اعاده سنه وایکی یوز غروش اعلام خرجنک ایلروده حقسنر چیقہ جق طرفدن تحصیلنه ۲۹ ایلول سنه ۳۲۶ تاریخده اکثریتله قرار ویرلدی .

محکمه تمیز جزا دائره سندن صادر اولان ۹ تشرین اول سنه ۳۲۶ تاریخی و ۳۸۹۹ نومرولی اعلام صورتیدر :

« اعلام سابقک غیر منقوض قسمنک خلاصه اولسون اعلام اخیر درج ایدلماسی و اساس حکمه تعلق بولنان خصومت سابقه نک عریض و عمیق تدقیق ایدلماش اولمسی و محاکمه سابقه ده استماع اولنان شهودک تکرار جلب و استماعلرنده اولجه تحلیف اولندقلری بیانیله تحلیفلرنک اجرا قلماسی نقض حکمی مستلزمدر »

از میر جنایت محکمه سندن اخیراً صادر اولان غره رمضان سنه ۳۲۸ و ۲۳ اغستوس سنه ۳۲۶ تاریخ و آلتمش نومرولی اعلام ایله اوراق متفرعه سی باش مدعی عمومیک مأموریت علیه سندن ۱۴ رمضان سنه ۳۲۸ و ۵ ایلول سنه ۳۲۶ تاریخ و اوچییک درتیوز طقسان بر نومرولی تبلیغنامه ایله محکمه تمیز جزا دائره سنه اعطا قلمشدر .

اعلام اخیر مذکورک خلاصه مالی اوچیوز یکرمی بش سنه سی تموزینک دردنجی جمعه ایرتسی کونی نیف قضاسنه تابع چام کوی قریه سندن محمد بک اوغلی قره مصطفی نک خانه سی عمداً احراق ایلدیکی ادعا قلمسندن طولای جنایتله اتهام اولنان قریه مذکورده دن و عسا کر نظامیه نک طوبجی افرادندن علی بن موسانک محکومیتنه دائر مقدما صادر اولان اعلام عندالتمیز نقض ایله اعاده قلمسی اوزرینه مرقومک اخیراً جریان ایدن محاکمه سی نتیجه سنده بوجه مدعا فعل مذکوره مجاسرتی مرقومک اقرارینه مستند شهودک مع القسم و علی الدرجات واقع اولان شهاداتی و حریقک آلت قاتدن ظهوری و سیفورطه لی اولماسی و مهم ایله مدعی بیننده دیگر بریانغین ماده سندن خصومت بولندیغنک مرقومک اقراری و شهودک شهاداتی ایله آ کلاشیلسمی دلالتریه ثابت اولدیغندن اولوجهله مجرمیتنه و حرکته توافق ایدن قانون جزانک یوز آلتمش اوچنجی ماده معدله سی احکامنه توفیقاً مؤبداً کورکه قولسنه حکم اولندیغندن عبارتدر .

محکوم مرقوم طرفدن ویریلوب اوراق میاننده بولنان بر قطعه لایحه تمیزیه نک خلاصه مفادی دخی شهودک افاداتی بیننده کی مخالفتدن و تعمیق تحقیقات ایدلدیکندن بختله اعلام اخیر مذکورک دخی نقضی طلب اولمشدر .

تبلیغنامه ده دخی متهمک فعل حریقہ جراتی مثبت دلائل قانونیه نک مجرمیت قرارنده توضیح اولنماسی مغایر قانون بولندیغندن بختله اعلام اخیر مذکورک دخی نقضی طلب اولمشدر .

اوراق دعوی بعدالمطالعہ تدقیقات تمیزیه اجرا اولندقدہ تبلیغنامه ایله لایحه تمیزیه ده درمیان اولنان اعتراضات بجا کوریه مامش ایسه ده اعلام سابقک منقوض اولمیا اقسام مقدمه سی خلاصه اولسون اعلام اخیر درج ایدلماش و مهم مرقومک مقدما بریانغین ماده سندن ناشی مدعی ایله تحدت ایدن دعوا دن طولای بینلرنده حاصل اولدینی و متهمک تحت اعترافنده اولغله برابر شهادتله ده محقق بولندیغنی مجرمیت قرارنده بیان اولنان خصومت سابقه نک اسباب و ماهیتی اعلام اخیرک محاکمات قسمنده اصلا موضوع بحث ایدلمکسزین و بوکا دائر متهمک نه یولده افاده و اقراری وقوع بولدیغنی و اولبابده کی شهادتک درجه سی نهدن عبارت بولندیغنی کوسترلمکسزین منشأ جرم اولمق و باشلوجه دلائل قویه دن عد اولمق جهتیله اساس حکمه تعلق و تأثیری بدیهی بولنان خصومت سابقه جهت مهمه سی حقنده مجرمیت قرارنده یالکز بوقدر جق بر فقره درجیه اکثفا ایدلمش و محاکمه سابقه ده افاده لری مضبوط اولان شهودک تکرار جلب و استماعلرنده اولجه تحلیف اولندقلری بیانیله منقوض اولان اعلام سابق حکمنه استناد ایله تکرار علی الاصول تحلیفلرنک اجرا قلماش اولمسی مخالف قانون و نقضی مستلزم اسبابدن بولنش اولدیغندن اصول محاکمات جزائییه قانوننک اوچیوز اون دردنجی ماده سنه توفیقاً اعلام اخیر مذکورک دخی نقضنه و احکام قانونیه دائره سنده ایفای معامله اولمق اوزره اوراقک محله اعاده سنه وایکی یوز غروش اعلام خرجنک ایلروده حقسنر چیقہ جق طرفدن تحصیلنه ۲۹ ایلول سنه ۳۲۶ تاریخده قرار ویرلدی .

انجمن عدلیه مقرانی

انجمن عدلیه دن صادر اولان ۲۷ ایلول سنه ۳۲۶ تاریخی و ۳۹۶ نومرولی قرار صورتیدر :

« تحویل و ترفیع مأموریت ایدن کیمسه لک بتکرار کفیل ارائه سنه مجبور اولدقلرینه و مقدما کفیل اولان کیمسه مکفول عنک مأموریت اخیره سی ایچونده کفیل اولدینی حالده بشقه جه کفالتنامه تنظیم اولنسی لازم کله جکته دائر »

امور حقوقیه مدیریت بهیه سندن مقام نظارت جلیله لرینه بالتقدیم انجمن عدلیه حواله بیوریلان ۱۷ اغستوس سنه ۳۲۶ تاریخی مذکره مطالعه و تدقیق اولندی .

مألى، مكفولك عنوان مأموريتى تبدل ايتمندن ناشى شو آردلق تصحيحاً تصديقى ضمانتده وارد اولان برطاقم مأمورين كفالتنامه لرينك بلا خرج تصديقى طلب اولمقده اولديغنه وتصحيحات مذكوره نك يا كفالتنامه لرده محرر عنوان سابق چيزيله رك هاشم ورقه يه عنوان جديدك تحرييله زيرى مقاولات محررلكى نظامنامه سنك يكرمى برنجى ماده سى موجبنجه اول امرده كفيل وشاهدلىر جانبندن بالامضا بعده محررلكجه تصديق ويا زير ورقه يه مأموريتى تبدل ايدن ذات حقنده كفالتنك بردوام بولنديغنه متدائر بر ذيل علاوه وبول الصاق وكذلك كفيل وشاهدلىر طرفندن امضا وتصديق اولمق صورته ليله اجرا اولنه جفنه وشق اوله كوره بلاخرج تصديقه برأس ومحدور كوريله مه مكدده ايسه ده شق ثانى يه كوره بكيدين بر معامله تصديقه كى تلقى اولنه جفندن بلاخرج ايفاسى باعث تردد اولدينى بيانيله در سعادت مقاولات محررلكندن استفسار معامله ايدلمش وعلى الاكثر نقل وترفع مأموريت حسيله سنه لردن صوكره طلب اولندينى اكلاشيان تصحيحات مذكوره نك هاشم سنده تحرير صورتيه اجراسى شايان تأمل اولدينى كى آيروجه بر كفالت حكمنده اولمى ايجاب ايدن تذييل صورتنده تصديقك خرجه تبعيتى اقتضا ايدجى مطالعه قلنمش اولديغى ميان بولندينى كورلدى.

ايجابى تأمل اولندوقده بر خصوص حقنده مأمور اولان كيمسه ايجون واقع اولان كفالت ختام مأموريتيه قدر جارى اولوب مكفول عنك تحويل وترفعى حالنده مكفول بهك تبدل ايدم جكندن ناشى كفالت واقعه مكفول عنك مأموريت اخيره سنه تشميل اولنه مائه جفنه نظراً ترفع وتحويل مأموريت ايدن كيمسه لرك آريجه كفيل ارانه سنه مجبور ايديله جكى دركار وكفيل اولان كيمسه لرك مكفول عنك مأموريت اخيره سنندن طولايى كفيل اولدينى حالده دخى بشقه جه كفالتنامه تنظيم اولمى لازم كله جكى بديهى وآشكار اولديغندن اولوجه ل ايفاي معامله اولمى خصوصنك مأموريت مذكوره يه اشعارى لازم كله جكنه وشو حالده وقوعبولان استفساره قارشى مطالعه بياننه لزوم اولمادىغنه بالاتفاق قرار ويرلدى.

انجن عدليه دن صادر اولان ۲۷ ايلول سنه ۳۲۶ تاريخلى و ۴۱۰ نومرولى قرار صورتيدر.

«خرجى عندالاجرا استيفا اولمق اوزره تأجيلى حكم قانون اقتضاسندن بولان ايكي يوز اللى غروشدن بشيوز غروشه قدر اولان دعاوى اعلامنك حين تميزنده كفالت سندی تصديق خرجينكده تأجيلى اقتضا ايتديكنه دائر.»

انقره استيناف مدعى عمومى كندن مقام نظارت جليله لرينه تقديم اولنوب انجن عدليه به حواله بيوريان وظهرنده امور حقوقيه مديريت بهيه سنك در كنارنى محتوى بولان ۱۰ حيزران سنه ۳۲۶ تاريخلى واوچيوز يدى نومرولى تحريرات مطالعه وتديق اولندى.

تحريرات مبحوثه مدلولى ايكوز اللى غروشه قدر اولان دعاوى حقوقيه دن خرج ورسوم سائره آلتامسى وايكوز اللى غروشدن بشيوز غروشه قدر مبلغ معينى ويا اونسبتده اموال غير منقوله يى محتوى دعاويدنه آلتامسى لازم كن خرج ورسومك دخى عندالاجرا آلتامق اوزره وتأجيلى خرج تعرفه سنك اون بدنجى فصلى مقامنه قائم اولان ماده معدله ده مسطورايسه ده كرك خرجدن مستثنا اولان وكر كسه بالاخره آلتامق اوزره خرجى تأجيل اولنان دعاويدن طولايى لاحق اولان حكم اعلامات عليه احد طرفيندن تميزدعوى وقوعنده شرائط تميزيه جله سندن اولان كفالت سنداتنك مقاولات محررلكرنجه حين تصديقه تصديق خرجى آلتوب آلتامه جنى مركز بدايت محكمه سى رياست اولاسندن استفسار ايدلديكى بيانيله استيدان معامله يى وامور حقوقيه مديريت بهيه سنك در كنارى مفهومى دخى بو قيل تصديق خرجلرينك اصله تبعاً عفوى موافقى معدلت اوله جنى مطالعه سنى متضمن بولندينى كورلدى.

ايجابى تأمل اولندوقده ايكي يوز اللى غروشدن بشيوز غروشه قدر اولان دعاوى رسومنك تأجيل حقنده كى قاعده قانونيه مصالح عبادك تسهيل مقصدينه مستند اولدينى كى بو مقوله دعاوينك تميزاً تدقيق استدا اولندينى صره ده كفيل ارانه سى اول دعوانك متفرعاتندن معدود بر وظيفة قانونيه اولمى وفرعك اصله تبعيتى دخى قواعد مسلمة قانونيه دن بولمى بناءً بو مثلاً دعاوى ورسوم سائره سى حقنده كى استثنا وتأجيلك تميز ايجون ارانه اولنان كفيلك طرفندن امضا ايديله جك سنداته تشملى مناسب وبناءً عليه مديريت موافق اليها مطالعه سنه مصيب اولديغنه بالاتفاق قرار ويرلدى.

فخرى معلمك توجيهى

دارالفنون حقوق شعبه سى مديريتندن ۲۱ ذى القعدة سنه ۳۲۸ و ۱۰ تشرين ثانى سنه ۳۲۶ تاريخيله محكمه تميز باش مدعى عمومى ممدوح بك افندى حضرتلرينه كوندريلان تذكره صورتيدر:

«دارالفنون عثمانى علوم حقوقيه شعبه سى معلملكرنده ابدى بر صورتده موقع توقير واحترامى اشغال ايتمش اولان خدمات وطنيه ومبجله لرينك مكتملده ابقاى خاطراتى ايجون ذاتعالى فاضلانلرينه «فخرى معلم» عنوانى احرا وشايان كورلديكى سبق ايدن اشعار عاجزى اوزرينه معارف نظارت جليله سندن وارد اولان ۲ تشرين ثانى سنه ۳۲۶ تاريخلى تذكره ده بيلديرلديكى معروضدر اولبايده.»

مسائل انتباه

كیوه قضاسی مدعی عمومی معاونی فاضل افندیك بلا سبب صحیح وظیفه سنده تراخی وقصور ایتدیکی امور جزائیة دائره سنجه تدقیق اولنان تحقیقات اوراقدن مستبان اولسنه وحرکت واقعه سی مسئولیت قانونیه یی مستلزم بولنسنه بناء مومی الیهك تحت محاکمه یه آلمسنه عدلیه نظارت جلیله سندن امر مآذونیت اعطا ایلنشدیر.

برغمه مستنطقی سلیمان سیری افندیك ضرب وتشهیر سلاح وخلاف اصول حبس ایتك صورتیه وظیفه مأموریتی سوء استعمال ایتدیکی امور جزائیة دائره سنجه تدقیق اولنان تحقیقات اوراقدن مستبان اولسنه وحرکت واقعه سی مسئولیت قانونیه یی مستلزم بولنسنه بناء مومی الیهك تحت محاکمه یه آلمسنه عدلیه نظارت جلیله سندن امر مآذونیت اعطا اولنشدیر.

رفاهیه مستنطقی پلوص ومعاونی احمد ذکی افندیك ایضای وظیفه ده تراخی وقصور ایلدکری امور جزائیة دائره سنجه تدقیق اولنان تحقیقات اوراقدن مستبان اولسنه وحرکت واقعه لری مسئولیت قانونیه یی مستلزم بولنسنه بناء مومی الیهك تحت محاکمه یه آلملرینه عدلیه نظارت جلیله سندن امر مآذونیت اعطا اولنشدیر.

کلنار قضاسی ناظمی وبدایت محکمه سی رئیس سابق علی عطا افندی ایلهمستنطق معاونی اسماعیل افندیك صلاحیت قانونیه خارجنده تحقیقات وتضییقات اجرا ایتدکری امور جزائیة دائره سنجه تدقیق اولنان تحقیقات اوراقدن نمایان اولسنه وحرکت واقعه لری مستلزم مجازات بولنسنه بناء مومی الیهك محاکمه آلتنه آلملرینه عدلیه نظارت جلیله سندن امر مآذونیت اعطا اولنشدیر.

دوه لو بدایت محکمه سی اعضای سابقه سندن مستنطق ابراهیم افندیك خلاف صلاحیت تحقیقات اجرا وایضای وظیفه دن امتناع ایلدیکی امور جزائیة دائره سنجه تدقیق اولنان تحقیقات اوراقدن مستبان اولسنه وحرکت واقعه سی مسئولیت مجازات بولنسنه بناء مومی الیهك محاکمه آلتنه آلمسنه عدلیه نظارت جلیله سندن امر مآذونیت اعطا اولنشدیر.

ناحیه قضاسی مستنطقی اعضادن جورجی افندیك محکمه قرارینه مستند اولیه رق خرج راه اخذ ایلدیکی امور جزائیة دائره سنجه تدقیق اولنان تحقیقات اوراقدن مستبان اولسنه وحرکت واقعه سی مسئولیت مجازات بولنسنه بناء مومی الیهك محاکمه آلتنه آلمسنه عدلیه نظارت جلیله سندن امر مآذونیت اعطا اولنشدیر.

فی صعب جزا رئیس خالده افندیك رشوت اخذیه وظیفه سی سوء استعمال ایلدیکی امور جزائیة دائره سنجه تدقیق اولنان تحقیقات اوراقدن نمایان اولسنه وحرکت واقعه سی مسئولیت مجازات بولنسنه بناء مومی الیهك تحت محاکمه یه آلمسنه عدلیه نظارت جلیله سندن امر مآذونیت اعطا اولنشدیر.

قانونی سنجی

اصول استماع دعوی

(یکرمی اوچنچی نسخه دن مابعد)

٤ - مدعی متوفانك وارث سندن بر مال ادعا ایدهرک متوفانك اقرارینی مبین سند ی ابراز ایلدیکنده وارث ، مقررله اولان مدعی ، مورثنك اقرار مذکورینی رد ایلدیکنی ادعا ایتسه دفع ایش اولور .

٥ - دعوای مذکوره اوزرینه متوفانك اقراری تلجئه ومواضعه ایدوکنی ادعا ایلسه بوده دفع اولوب بعض فقهایه کوره مدعی یی تحلیف ایده بیلیر .

اقرارده مواضعه دعواسی ، اقرارده کذب ادعاسی دکلدر . بینلرنده فرق واردر .

اقرارده مواضعه : مواضعه صورتیه واقع اولان اقرار جائز دکلدر . مقریه کرک دین کرک منقول کرک عقار اولسون . شویله که برکیمسه دیگر کسنیه بن سکا شو قدر غروش بورج اقرار ایده جکم لکن اقرار مذکور حکمسز اولوب بنم سکا هیچ بر بوجم یوقدر دیهرک تنهاده بروجه مشروح قرار لاشدیردقندن صکره علنا اقرار ایتسه اقرار واقع صحیح دکلدر . حتی مقررله مقریه مالک اولاماز .

اقرارک مواضعه طریقله اولدیغی شهودله دخی اثبات اولنه بیلور . شویله که برکیمسه برمالی دیگر کسنیه ایچون اقرار ایتدکدن صکره مقرر اقرارم مواضعه طریقله اولشیدی دیه دعوی ومواضعه یی تفسیر ومدعاسی اثبات ایتدکده اقرار مذکور حکمسز قالیر .

لکن اقرارک مواضعه اولاجنی تنهاده قرار لاشدیرمدن مقرر ، نفس الامر مخالف اوله رق اقرار ایتسه بوکا کاذب اقرار دنیلور . یعنی مواضعه اقرارده قبل الاقرار مقرایله مقررله آره سنده تواضع واتفاق وار ایکن کذباً اقرارده بویله تواضع واتفاق یوقدر .

اقرارده مواضعه اولدیغی مقرایات ایدهمسه مقررله یمین ویره بیلور . ویمینک شکل وصورتی بروجه آتی اولماسی لازم کلیر : مقرر ، مقریه یی اقرار صحیح ایل اقرار ایدوب آنده مواضعه اولمادیقنه ..

٦ - برکیمسه دیگر کسنیه دن ذمتکده قرضدن شوقدر آلتون الاجفم واردر حتی سن جهت مزبورده دن بکا اوقدر آلتون ذمتکده دینک اولدیغی اقرار دخی ایتشیدک دیه دعوی ایتدکده او کسنیه اقرار مزبور

رابعاً ، سن بومالى فلاندىن استيجاره طالب اولدك .

حامساً ، » » » » بندن استيهابه » »

سادساً ، » » » » فلاندىن » »

سابعاً ، » » » » بندن استيداعه » »

ثامناً ، » » » » فلاندىن » »

تاسعاً ، » » » » بندن مساومهيه » »

عاشراً ، » » » » فلاندىن » »

حادى عشر ، » » » » بندن مزارعهيه » »

ثانى عشر ، » » » » فلاندىن » »

ثالث عشر ، » » » » بندن مساقاته » »

رابع عشر ، » » » » فلاندىن » »

ايمدى مدعى عليه بالاده محرر اون درت وجهدن بروجله دفع دعوى ايتسه مجله نك ١٥٨٣ نحي ماده سنه بناء قبول ايديلهرك ثبوتى تقديرنده مدعينك منع معارضه سنه قرار ويريلور .

حتى مدعى ، مذكور مال نم ايدى مدعى عليه بندن اخذ ايدوب ويرمديكى جهته شرايه طالب اولمشيدم ديه توفيق ايدى جك اولسه قبول ايدلر .

٢٦ — مدعى ، بر كمنه دن سكر عدد بار كيرمى شوقدر غروشه سكا بيع وتسليم ايتشيدم مبلغ مذكورى بكا وير ديه دعوى ايتدكه او كمنه سن اوبار كيرلرى بكا صايموب فلان شخصه ويرمك ايچون ويرمشيدك بن دخى اوشخصه ويردم ديه ادعا ايتسه دفع دعوى اولور .

٢٧ — مدعى ، بيع وتسليم اوزرينه اكراه اولنديغى ادعا ايتدكه مدعى عليه افادات آتیه ده بولنسه دفع اولور .

اولا سن ثمن ميبى طابعاً قبض ايتدك } ديسه دفع دعوى اولور .
ثانياً بعد زوال الاكراه مجيز اولدك

٢٨ — واهب هبه نك كرهاً وقوعنى ادعا ايتدكه مدعى عليه

اولا ، هبه نك عوضى بندن طوعاً قبض ايتدك } ديسه دفع دعوى اولور .
ثانياً ، بعد زوال الاكراه هبه نك مجيز اولدك

٢٩ — مدعى ، بر كمنه دن ذمتدكه شوقدر غروشه الاجم وارد رحتى اقرار دخى ايتشيدك ديه دعوى ايتدكه مدعى عليه ، اقرار مذكور اكراه معتبر ايله اولمشيدى ديه ادعا ايتسه مدعينك دعواسنى دفع ايتش اولور .

مجبرك اسمنى ونسبى ذكر ايتك لازم دكلدر .

٣٠ — مدعى ، بر كمنه دن شوقدر آلتونى قرضاً ويردم ديه دعوى ايتدكه مدعى عليه مبلغ مزبورى فلان شخص بكا هديه وسنكه ارسال ايتدى سنه شخص مرقوم طرفدن رساله تسليم ايلدك حتى وجه محرر اوزره تسليمكى اقرار دخى ايتشيدك ديه ادعا ايتسه مدعينك دعواسنى دفع ايتش اولور .

٣١ — مدعى بر سندن ابراز ايله يكرمى آلتون الاجق ادعا ومدعى عليه ، مدعينك كنديسنه هر بر آلتون ايچون درت مجديه ويرديكى حاليه يكرمى آلتون اوزرينه سند آلدغي ادعا ايتدكه مدعى يي دفع ايتش اولور .
٣٢ — مدعى ، شوقدر غروشه الاجم وارد ديه بعد الدعوى مدعى عليه ، سندن بر شى آلامد وسنى بيلم ديمه سنه مقابل مدعى اقامه بينه ايتكه مدعى عليه ، اومبلغك سكا ويرلديكى ياخود اومبلغى سكا ادعا وايضا ايتش اولديغى سن اقرار ايتشيدك ديه ادعا واثبات ايتسه مدعى يي دفع ايتش اولور . تناقض اولماز .
زيرا تناقض تحت اقرارى منع ايتز .

٣٣ — مدعى شوقدر آلتون الهجم وارد ديه ادعا ومدعى عليه « بنده نم اوزرمده هيچ حقتك يوقدر » ديه انكار ايتدكدن صوكره مدعى اقامه بينه ايتدكه مدعى عليه ايضا ايتديكى ياخود مدعينك كنديسنى ابرا ايلديكى ادعا واثبات مدعا ايلسه قبول اولنور . زيرا بعضاً حق لازم اولمايان دخى ادا ويا ابرا اولنور ققطع خصوصت ايديلير .

٣٤ — بر كمنه بر قاچ كمنه لره شوقدر آلتون بعد الاقراض وفات وزوجه سنى وسائر ورثه نى ترك ايتدكه زوجه مزبوره مبلغ مذكورى او كمنه لردن بعد الاخذ سائر ورثه زوجه مرقومه دن « مبلغ مذكورى حصه مزى وير » ديه دعوى ايتدكدر زوجه ، « مبلغ مذكور ملكم در او كمنه سنى اقراضه توكل ايتدم اوده او كمنه لره وكالة اقراض ايلدى حتى او كمنه سنى صحتده وجه محرر اوزره اقرار دخى ايتشيدى » ديه دعوى واقرار مذكورى اثبات ايلسه مدعى يي دفع ايتش اولور .

٣٥ — مدعى ، شويله بر مالى غصباً آلدك ديه دعواسنه مقابل مدعى عليه ،

اولا ، اجر مالى سكا اعاره } ايدوب صوكره سندن اخذ ايتدم ديه ادعا ايتسه مدعى يي دفع ايتش اولور .
ثانياً ، » » ايداع
مذكور مال ، كرك موجود كرك يد مدعى عليه تلف اولسون . زيرا مدعينك حاصل دعواسى ضمان اولوب مدعى عليه ايتسه مدعينك دعواسنى واقعدر .

٣٦ — مدعى بر كمنه دن شوقدر الاجق ادعا ومدعى عليه بن آنى سكا ادا ايتشيدم ديه دفع دعوى ومدعى قبضى انكار ايله او كمنه ادان اثبات ايدمه مديكى جهته سن مبلغ مزبورى بنى ابرا ايتشيدك ديه دعوى و مدعاسنى اثبات ايتدكه مدعى يي دفع ايتش اولور ، بونده تناقض يوقدر . زيرا دين بعد الاداء دخى ابراء اسقاط ايله ابرا اولنه بيله چكى كى ابراء مذكور ابراء استيفايه محمول اوله رق اوده اداى دينى مؤيد اولور .

۳۷ — مدعی شو کسسه یدنده کی مال بنمدر ديه دعوى ايتدکده مدعی علیه ، مدعینک بومالی فلان غائبه صانديغنه اقامه بينه ايتسه مدعینک دعواسی باطل اولور . فقط حق غائبه شرا ثابت اولماز . مکرکه شهود مدعینک آنی فلان غائبه صانديغنی واده آندن قبض ايتديکني اثناى شهادتده بيان ايتسينلر .

۳۸ — مدعی ، بوکسسه بندن شويله برمالی اخذ ايتدی ديه دعوى ايلديکنده مدعی علیه ، بومدی « اومالی نم وکیل فلانک کنديسندن یعنی مدعیدن اخذ ايتديکني اقرار ايلدی » ديه ادعا واثبات ايتسه مدعی بی دفع ايتش ودعواسی باطلی اولمش اولور .

۳۹ — يد مشتريدن مبيع آت ، بالاستحقاق ضبط اولندقدن صوکره مشتری ثمن ميبی استرداد ايتک اراده سييله بايعدن دعوى ايدنجه بايع مذکور آت ملکيده يا بايعمک ملکيده طوغمه در ياخود مستحقدن صاتون آلمشيدم ديه دعوى واثبات ايتسه مشتريک ثمن ميبی مطالبه ايتسندن خلاص اولور . بونده مستحق حضورى شرط دکادر .

۴۰ — مدعی ، شو مدعی علميده شويله برحقم واردر ديه دعوى واثبات مدعا ايتدکده مدعی علیه ، مدعینک دعوامده مبطلم ياخود اقامه ايتش اولديغ شاهدهلرم يالنجيدر ياخود مدعی اوزرينه نسنهم يوقدر ديه اقرار ايلديکني درميان ايتسه مدعی بی دفع ايتش اولور .

۴۱ — بايع بيی انکار ايتمکله مشتری بيع واقعی بالينه اثبات ايتدکدن صوکره بايع بيع واقع اقاله ايلديکني ادعا واثبات ايتسه مشتری بی دفع ايتش اولور . بونده تناقض يوقدر . زیرا اقاله ، مشتریک اثبات ايتش اولديغی عقد بيی فسخ ورفعدن عبارت قالير .

۴۲ — مدعی ، بومال فلانک ایدی شوقدر آلتون الاجم مقابلنده بکا رهن ايلدی ديه ادعا واقامه بينه ايتدکده مدعی علیه ، بومالی بن اوفلاندن اشرا وثنی تماماً ادا ايلدم ديسه مدعی بی دفع ايتش اولور .

۴۳ — سؤال ، برکيسسه ديگر شخصدن ذمتکده شوقدر آلتون الاجم واردر ديه دعوى ايدوبده اوشخص ، اوت سندن اوقدر آلتون آلم فقط سن زيددن بالرساله اقراض وتسليم ايلدک ديدکده شخص مرقومک بوسوزی انکار عد اولنهرق اول کيسسه اقراضی اثبات ايتک لازم

کليرمى ؟ يوقسه دفع دعوى عد اولنهرق اول کيسسه نک زيد جانبندن رسول اولديغی اثبات ايتک می اقتضايدير ؟ قرض دعواسنده مدعی ، کندى مالندن اقراض ايلديکني بيان ايلسی لازم کلهچي چونکه جائز که مدعی وکیل بالاقراض وبناء علیه سفير ومعبّر يعنی مرسلک سوزيني وعباره سنی تبليغ ايديجی اولمغه حق طلب ودعواسی يوقدر ديه کتب فقهيه ده مصر حدر . بومسئله دن استدلالاً دنيله بيلير که بوحادثه ده مدعی کندى مالندن اقراض ايتديکني اثبات ايتلير . مع ذلك ارباب حقوقک بومسئله نک نقل صريحی بوملری تمی اولور . زیرا بوکي قياس واستدلال ايله حکم موافق اصول دکادر .

دفع الدفع : دفع دعوى صحيح اولديغی کي دفع دفع دعوى ودها زياده سی دخی صحيح اولور . وانفا

خلاصة الفتاواده مصرح اولديغی اوزره اوچدن زياده دفع استماع اولنه ميه جغنی ودها زياده سی دخی مسموع اوله جغنی کي درت ودها زياده سی دخی مسموع وصحيح اولور .

مسائل آتیده دفع الدفع وبوندن زياده بيان ايديله جکدر .

۱ مدعی ، برمالده ملک مطلقى ادعا ايتدکده مدعی علیه ، اومالی مدعیدن صاتون آلدیغی دفع دعوى اولق اوزره درميان ايتسی اوزرينه مدعی ، دفع الدفع اوله رق بيع واقعی اقاله ايتدکريغی ادعا ايتسه صحيح اولور .

۲ مدعی عليك دفع مذکورى اوزرينه مدعی ، دفع الدفع اوله رق « سن بندن برشی آلماديغی اقرار ايلدک » ديسه ده بونی اثبات ايتسه صحيح اولور .

۳ مدعی ارثاً برمالی ادعا ايتدکده مدعی علیه ، بن بومالی مورثکدن اشترا ايتدم ديه رک دفع دعوى ايتسی اوزرينه مدعی هر نقدر مورثم سکا صاتمش ايديسه ده صوکره سز بيی اقاله ايتش ايدیکز ديسه دفع الدفع ايتش اولور .

۴ مدعی ، برکسسه یدنده کی مال ايجون بومال بنمدر بندن غصب ايلدک ديه دعوى ومدعی علیه مذکور مالی فلان تاريخده سن بکا بيع وتسليم وقبض ثمن ايتمشيدک ديه دفع واوکسسه انکار ايتمکله مدعی علیه مدعاسنه اقامه بينه ايتدکده مدعی ، سن تاريخ مذکوردن صوکره اومال ملک اولوب علاقک اولماديغی اقرار ايتمشيدک ديه ادعا واقرار مشروخی اثبات ايدرسه اوکسسه بی دفع ايتش اولور .

۵ مدعی ، برکسسه یدنده کی مال بنمدر ديه دعوى ومدعی علیه ، بومال فلان شخص طرفندن بکا وديعه ايدلمشدر ديه دفع ايتدکده مدعی ، اوت اوشخص طرفندن يدکده وديعه ایدی صوکره بکا هبه يا بيع ايتدی ديه رک دفع الدفع ايتسه صحيح اولور . بوضورنده هبه وتسليمی ويا بيی اثبات ايدرسه ياخود اثبات ايدميوپده مدعی علیه « بومالی هبه وتسليم ايتمديکنه ياخود بيع ايلديکنه » دائر تکليف اولنسان يميندن نکول ايدر ايسه مدعینک حق خصومتی ثابت اولور .

۶ برصي بعد البلوغ برکسسه دن شو عقاری مسوغ شرعی اولقسرين وصيم سکا بيع وتسليم ايتشيدی ديه دعوى ايتسی اوزرينه اوکسسه وصی ، اوخانه بی دين مثبت ايجون بيع ايتمشيدی ديسسه مقابل صبی دخی ترکده دینه کافی منقولات وارایکن بيع ايتمشيدی ديه رک دعوى ايتسه مدعی عليك دفعی دفع ايتش اولور .

۷ مدعی ، برکسسه دن جهت قرضدن اون آلتون الاجم وار ديه دعوى ايتدکده مدعی علیه ، هر نقدر سندن اولقدر آلتونی قرضاً آلمشيدم ايسه ده مبلغ مذکورى بالتمام سکا تأديه ايلدم ديه دفع ايلديکنده مدعی ، اوکسسه دن سن او ، اون آلتونی فلان شخصه ويرمککمی امر ايتمشيدک بن دخی بالتمام اکا ويردم ديه ادعا واوکسسه امری انکار ايتسه ده مدعی بو ، دفع الدفع مدعاسنه اقامه بينه ايدر ايسه مبلغ مزبوری اوکسسه دن بالتمام آليز .

۸ — مدعی، بر کسسه یدنده کی مال ایچون ملکدر غصباً ضبط ایدیور دیه دعوی ایتدکده اوکسسه سن فلان تاریخده جمیع دعاویدن نی ابرا ایتدک دیه رک دفع ومدعی تاریخ مذکور دن صکره اومال نیم ملک اولوب علاقکه اولمادیغنی اقرار ایتشیدک دیه دعوی واثبات ایلسه مدعی نی دفع ایتش اولور.

۹ — مدعی، بر کسسه دن یدکده شومال شوقدر غروش بورجم مقابلنده سکا رهن تسلیم ایتشیدم مبلغ مزبوری آلد اومالی بکا ور دیه دعوی ومدعی علیه او مالی فلان تاریخده دین مزبور مقابلنده بکا بیع ایتشیدک دیه دفع ایتدکده مدعی، بیع مذکوری بالانکار سن تاریخ مذکور دن صکره او مال ملک اولوب یدنده رهن اولدیغنی اقرار ایتشیدک دیه دعوی واقاری اثبات ایلسه دفع الدفع ایتش اولور.

۱۰ — مدعی، بر کسسه دن سکا شوقدر آلتون ایداع ایتشیدم دیه رک دعوی واو کسسه مبلغ مزبور فلان زمانده بلا تعد ولا تقصیر ضایع اولشیدی دیه دفع ایتدکده مدعی، سن او زماندن صکره مبلغ مزبور یدمده قالدی دیه اقرار ایتدک دیکده اقرار مشروحي اثبات ایتدیکی تقدیرده او کسسه نی دفع الدفع طریقله دفع ایتش اولور.

۱۱ — مدعی، بر کسسه دن ذمتکده جهت قرضدن اون آلتون حقم وار دیه دعوی ومدعی علیه، سن فلان زمانده مبلغ مزبور دن ذمتی ابرا ایتشیدک دیه دفع دعوی ایتدکده مدعی، اگرچه بن سنی مبلغ مزبور دن ابرا ایتشیدم لکن سن ابرایی قبول ایتوب رد ایتدکدن صکره بکا اول جهتدن او قدر آلتون دینک اولدیغنی دخی اقرار ایتشیدک دیه دفع الدفع ادعاسنی درمیان ایله رد ابرایی واقار مشروحي اثبات ایلسه مدعی او کسسه دن مبلغ مزبوری الایلیر.

۱۲ — مدعی، بر کسسه دن ذمتکده قرضدن شوقدر آلتون حقم واردر دیه دعوی واو کسسه سن فلان زمانده مبلغ مزبور دن ذمتی ابرا ایتشیدک دیه ادعا ومدعی انکار ایدوب اوکسسه اثبات ایتکده مدعی، براتی دعوا کدن صکره بکا اول قدر آلتون دینک اولدیغنی اقرار ایتشیدک دیو دفع وبونی اثبات ایلسه اوکسسه نی دفع ایتش اولور. اما مدعی، بن سنی ابرا ایتدکدن صکره اقرار ایتشیدک دیه رک دفع ایلسه قبول ایدلز.

۱۳ — بر قادین، زوج مطلقندن ذمتکده شوقدر غروش مهرم واردر دیه دعوی وزوج سن فلان تاریخده مهر مزبورن نی ابرا ایتشیدک دیه ادعا و قادین انکار ایدرب زوج مدعاسنه اقامه بنیه ایلسه قادین اوتاریخدن صکره زوج او قدر غروش مهرم ذمتده دینی اولدیغنی اقرار ایتشیدی دیه دعوی واقار مشروحي اثبات ایلسه زوجی دفع ایتش اولورده مهری آندن آلیر.

بعدالحکم دفعه دائر مسائل:

مجله نك ۱۸۴۰ ماده سنده بیان اولندیغنی اوزره دفع قبل الحکم صحیح اولدیغنی کی بعدالحکم دخی صحیح اولور.

بعدالحکم دفع احکام فقهیه جه برکونا قید وشرط ایله مقید دکسده نظامات عدلیه ایجابجه بعض قیود وشرط تحتده در.

بعدالحکم دفع یاعین محکمه ده واقع اولور. بوده اولاً اعتراض علی الحکم طریق ایله اولور. یعنی محکوم علیه ظائب ایکن اصولی دأرهنده علیه بر حکم صادر اولمش ایلسه بو حکمی مدت معینه وشرائط معلومه دأرهنده عین محکمه ده اعتراض ایدرک دفع ایدیه یایر.

تانیاً، اعتراض الغیر ایله اولور. بر کیمسه کفیل بالامر علیه حکم استحصال ایتدکدن صکره مدیون اصل، مبلغ مکفول بی کندوسی ایضا ایش یاخود داین کندیسنی ابرا ایتش ایکن کفیل علیه حکم استحصال ایتش اولوب حالبوکه بو حکم کفیل علیه اجر اوتنفیذ ایدیایر ایسه ده اوده کندیسنه مراجعت ایدیه جکندن بالبحث مذکور اعلام علیه اعتراض ودفع دعوی ایدیه ییلور. وبرا یا ایضایی اثبات ایدرسه کفیل علیه صادر اولان اعلام ابطال اولور.

ثالثاً، اعاده محاکمه طریقله اولور.

مثلاً مدعی، بر کسسه یدنده بولنان مال ایچون مورثک ایدی بکا میراث قالدی دیه دعوی ومدعی علیه انکار ایتکده مدعی دعواسنی بعدالاثبات والحکم اومالی آلدقندن صکره مدعی علیه، اومالی مورثکدن پدرم ساتون ایشیدی وقت دعوا ده ییلور ایدم دیه دفع وبونی برقطعه سند معنون و مرسوم ابرازیه اثبات ایتدکده مذکور مالی مدعیدن استرداد ایدر.

بعد الحکم دفع یا دیگر محکمه ده واقع اولور. بدایت محکمه سنندن ویریلان حکم قابل استیناف اولوبده محکوم علیه مدت معینه سی ظرفنده شرائط قانونیه دأرهنده محکمه استینافه مراجعت ایدرک دفع دعوی ایدیه ییلیر. ودفعنی اثبات ایلدیکی صورتده محکومیتی رفع ایدیلرک محکوم لهک معارضه سنک منعه قرار ویریلیر. بومسئله حقتده یوقاریده بعض تفصیلات دخی ویرلشیدی.

محکمه تمیز حقوق دائره سی ریشی

علی صبر

« بیع مرابحه وتولیت ووضیعه یه دأر »

مجله نك ایکویز اوتوز یدنجی ماده سنده حین بیعه تسمیه ثمن لازم اولدیغنی ومیبعک بهاسی ذکر اولمادیغنی تقدیرده بیعک فاسد اوله جغنی بیان اولینیور ایسه ده تسمیه ثمنک صور مختلفه سی حقتده معلومات کافی ویرلماش وازجله عالم تجارتده کثیر الوقوع اولان بیع مرابحه وتولیت ووضیعه دن اصلاً بحث ایدلماش اولمغله عاجز لری « مجمع الانهر » دن تلخیصاً مسئله مذکوره حقتده اشبو مقاله نی یازیورم. شویله که:

مراجحه برکسینه نك تملك ايتديكى شئي كنديسنه هر قاچه مال اولمش ايشه انك مثلى اولان ثمنه بر مقدار شى علاوه سيله صامسيدر . بايع اوشينه كرك شراء متصرف اولسون وكرك انى اخر بر كسسه دن غصب ايتك صورتيله اله كچيرمش فقط اضاعه ايتمش اولمى نك شى قيمتى تضمين ايتدك نك كره بولمش اولسون .
مراجحه نك سبب جوازي ناك بلا مخالفت تعامل و غيظك ذكيه احتياجي وميعاده غرض استرباح مقصود اولمى سيدر . توليت بر كسسه نك تملك ايتديكى شئي كنديسنه هر قاچه مال اولمش ايشه زياده و نقصان اولمى هر ق انك مثلى اولان ثمن ايله صامقدر . وضعه دخى بر كسسه نك تملك ايتديكى شئي كنديسنه هر قاچه مال اولمش ايشه اندن ناقص بر ثمن مقابلنده بيع ايتمى سيدر . بو اوچ نوعك ده مبناسى ايتندر چونكه انلرده مشترى بايعك سوزينه اعتماد ايدرك خبرندن امين اولور بناء عليه مشترينك دوجار ضرر اولماسى ايچون بايعك خيانتندن تنزه ويالانندن اجتناب ايتمى لازمدر .
مراجحه وتوليت و وضعه انجق ثمن اولك غروش و مجديه وليرا كى مثليانندن و ياخود مكىلات و موزوناتن اولدينى تقديرده صحيح اولور زيرا ثمن مثليات و مكىلات و موزوناتن اولمى بده حيوانات و جواهر كى اشيائى متفاوته قىلندن اولدينى تقديرده بيع مراجحه قيمت اوزرينه واقع اوله جفندن و قيمتك صورت صحيحه ده معلوم اولمى ممكن اولديغندن ثمن اول مجهول قالمش اولور فقط بر متاعى مراجحه اشترا ايدن كسسه اسباب تملكندن بريله مقدما بدل مذ كورى بايعدن آلمش و حالا عهده تصرفنده بولمش و تعيين اولنان ريخ دخى معلوم بولمش اولدينى تقديرده جهالت زائل اوله جنى جهته عقد مذ كور جائز اولور . ثمن اوله ضم اولنان ريخ مثليانندن و ياخود اشارت ايله تعيين اولنان قيميانندن اوله بيلور لكن ثمن اولك اونده برى و ياخود يكر میده ايكيسى مقدارى بر ريخ ايله بيع مراجحه جائز اولماز چونكه اونده بز و ياخود يكر میده ايكي مثليانندن اولدينى جهته بوحالده بايع ميبى رأس المسال وانك بعض قيمتى ايله صامش اولور و قيمت مذ كوره دخى مجهول اولديغندن بيع فاسد اولور بوضورتله وقوع بولان صامشده رأس الماله قصارجى و بوياجى و ترزى و قويون سورجيسى و سمسار و حال اجرتلرينك ضمى جائزدر زيرا تجارك عادته نظراً بوشيلرك رأس الماله الحاقنده عرف جريان ايديور بوبابده اصل اولان بويامق و محل اخره نقل ايتك كى مبيع و ياخود قيمتك ترايدينه سبب اولان شئ رأس الماله لاحق اولمق و مبيع و قيمتك ترايدينه سبب اوليان شئ رأس ماله الحاق اولنه مامقدر اجرت قيدى استعمالدن مقصد بايع بوذ كرايتديكمز شيلرى كندى ايله يامش اولسه و ياخود بر كسسه تطوعاً و يا اعاره صورتيله انلرى اجرا ايتمش بولنسه انلردن حاصل اولان زياده لكى رأس الماله ضم ايدمى ديمكدر خانه نك بادانه ايدلسى و قويونك ايجرينه ديوار ياپلسى و نهرلك و صولرك جريانه مخصوص كونكلرك و خرقلرك ايقلا نكسى و ترلانك نطاس ايدلسى و باغ و اصمه چوبو قلرينك بودامسى و بونلرك صولامسى و ترلايه اكين اكيلمى و بغيره جهه اغاج ديكلمسى كى شيلردن حاصل اولان زياده لك دخى رأس ماله ضم اولور . بحر صايجى محيطدن تقلاً ديوركه مبيع حيوان اولدينى تقديرده اسراف درجه سنده اوليان ييه جك بهاسى و مبيع امتعه اولدينى تقديرده وضع اولندينى محزن اجرتى دخى

رأس الماله ضم اولور . سمسار اجرتك ضمى اقتضا ايتديكى آفا بيان ايتشيدك . دلال اجرتنه كلنجه بوبابده عرف وعادت هر نه ايشه موجبجه عمل اولور . بايع بوشيلرك اجرتى رأس ماله ضم ايتدكدن سوكره مبيع بكا شوقدره مال اولدى ديمك ويالانندن احتراز شوقدره صاتون آلم ديمك لازمدر اموال موروته و امثالى تقويم اولندينى حالده بويه حركت ايدر كذا بايع صاندينى البسه اوزرينه فياتلرينى ميبى يافتلر ياپشديردىنى صورتده دخى نهده بيان اولنان شوقدر فيات ايله صاتيورم دير چوبان و بيطار و باركير و امثالى حيواناتى تربيه ايدن كسسه نك اجرتلرى رأس الماله ضم اولماز . ايمدى بينه و ياخود بايعك اقرارى و ياخود يميندن نكولىله مشترى عندنده بايعك مراجحه خيانتى ظاهر اولور يعنى ثمن خصوصنده يالان سويلديكى اكلشيلور ايشه مشترى خيارد ديلرا ايشه ميبى مجموع ثمن مسمى ايله آلور و ديلرا ايشه ترك ممكن اولدينى صورتده ميبى ترك ايدر . اكر توليتده بايعك خيانتى ظاهر اولور ايشه امام اعظمه كوره مشترى ثمن ميبى خيانت مقدارىنى تنزيل ايدر . بايع وضعه ميبى ازاله ايدمى صورتده ايقاع خيانت ايتديكى تقديرده بو نوع بيعده حظ و تنزيل قيايه موافقدر اما خيانت مقدارى وضعه نك وجودينه مانع اولدينى صورتده مشترى خيارد . توليت و وضعه خصوصلرند بوجهله معامله اولنسى امام اعظمك قولنه مستندر زيرا بايعك تسميه ايتديكى ثمنه اعتبار اولمق لازمكسه ثمن مذ كور ثمن اولدن زياده اولديغندن عقد مزبور توليت اولماز بلكه مراجحه منقلب اولور حاله بوكه مراجحه بويه دكلدر چونكه آنده ثمن مسمايه اعتبار ايتديكمز تقديرده عقدك ديكر صورته انقلابى لازم كز بلكه كاكان مراجحه اولارق قاور بناء عليه مراجحه ده خيانت وقوعى تقديرده مشترينك رضاسى فوت اولمش اولديغندن دولابى كنديسى مخير اولمغله برابر ثمن مسمى معتبر اولور . اما ابو يوسف عندنده كرك مراجحه ده و كرك توليتده خيانت مقدارى مراجحه ده رجحن حصه سيله برابر ثمن مسمان تنزيل اولور مثلاً بر كسسه شوالبسه يى اون ليرايه صاتون آلم دهر ك مراجحه اون بش ليرايه صانددن سوكره بايعك مذ كور البسه يى سكر ليرايه صتون الدينى ثمن ايتديكى تقديرده ايكي ليرادن عبارت اولان خيانت مقداريه برابر رجحن مقدار مذ كوره مقابل اولان برليرا مجموع ثمن مسمان تنزيل اولنه هر مشترى البسه مذ كوره يى اون ايكي ليرايه آلور زيرا توليت و مراجحه لفظلرى اصل اولديغندن اشبو اصلك تحققي ايچون عقداوله بناء كفييت اولور . امام محمد بيوروركه مراجحه و توليتده مشترى ميبى مجموع ثمن مسمى ايله آلمق و ياخود كاملاً ترك ايتك خصوصنده خيارد چونكه بايعك شراسته مبتى اولان ثمن مجهول و ثمن مسمى معلوم اولوب معلوم ايشه مجهولدن اولى بولمغله انجق ثمن مسمايه اعتبار اولمق اقتضا ايدر شوقدركه بونده مشترينك رضاسى مفقود اولديغندن ميبى ثمن مسمى ايله آلوب آلامقده مخيارد .

مراجحه مشترى ايچن خيار ثابت اولدقن سوكره بايعه رد ايتزدن اول مبيع تلف اولدينى و ياخود ردى مانع اوله جق برشى حدوث ايدرك فسخ عقد متنع اولدينى تقديرده مجموع ثمن مسمى لازمكدر و خيار ساقط اولور چونكه مشترينك بوبابده كى مخيرلكى خيار رؤيت و خيار شرط كى ثمندن كنديسنه برشى تقابل

ایمان خیار مجرددن عبارتدر اماخیار عیب بویه دکلدن اوفوت اولان برشیک تسلیمنی مطالبه ایتکدن عبارت اولغله بایع اوشیک تسلیمندن عاجز قالدینی کبی نمندن آنک مقابلی اولان شی ساقط اولور . امام محمددن روایت اولدیغنه کوره میمک هلاکی تقدیرنده مشتری آنک قیمتی رد و تسلیم ایتدیکی ثمنی استرداد ایچون بایعه رجوع ایلر بوروایت امام مشار الیهک تحالفده قیمتی میبع مقامنه اقامه ایتک مخصوصنده وضع ایتدیکی اساسه مبتنیدر . برکسینه اون لیرایه برشی صاتون آلوب بعده اون بش لیرایه آخر کسینه صاتقدن صوکره ایکنجی دفعه اوله رق اون لیرایه صاتون آلمش اولسه آنی آنجق بش لیرایه مرابجه صورتیله صاتار و بکا بش لیرایه مال اولدی دیر واکر ایکنجی دفعه اوله رق بش لیرایه صاتون آلورایسه ارتقانی مرابجه صاته ماز یعنی امام اعظمه کوره ربح ثمنی احاطه ایتدیکی تقدیرده برکسینه اومالی اصلا مرابجه صاته ماز حالوکه امامینه کوره اومالک صاحبی آنی علی الاطلاق ثمن اخیر اوزرینه مرابجه صورتیله صاته بیلور کرک مسئله ثانیه ده اولدینی کبی ربح ثمنی احاطه ایتش اولسون و کرک مسئله اولاده اولدینی کبی احاطه ایتامش اولسون بونده بر فرق یوقدر بونک سببی عقد اخیرک احکامی اولکندن منقطع بر عقد جدید اولسندن دولایی مرابجه ناک اکا ابتناسی جائز بولنمیدر نته کیم مشتری میبعی بر اجنبی به صاتوب اجنبی دخی بایعه صاتقدن صکره مشتری اولانی بایعندن اشترا ایتک صورتیله ارایه بر شخص ثالث کیردیکی تقدیرده مشتری اولانی ثمن اخیر اوزرینه مرابجه صاته بیلور . امام اعظم بیوربورکه ربح اولک عقد ثانی ایلله حاصل اولمش اولدینی شبهه سی متحققدر چونکه عقد اولک عیب ظهوریله انفساخی محتمل ایکن عقد ثانی ایلته تأکید ایتشد و مرابجه باینده شبهه احتیاطاً حقیقت کبی تلقی اولنور حتی طرح و تنزیل شبهه سی بولندینی ایچون بدل صالح اوله رق اخذ اولنان متاعک مرابجه صورتیله بیعی جائز اولماز محیط صاحبی حضرت امامک قولی اوئق و امامین قولی ارفقدر دیور .

ربح رب المال ایلله بینلرنده نصیفت اوزره تقسیم اولنق اوزره عقد مقاوله ایدن مضارب مال مضارب ایلله اون لیرایه برشی صاتون آله رق آنی رب المال اون بش لیرایه صاتدینی تقدیرده رب المال اوشینی اون ایکی یچق لیرایه صاتار و بومتاع بکا اون ایکی یچق لیرایه مال اولدی دیر زیرا مضارب ایلله رب المال دن هر ایکسی بو عقد ایلله متاع مزبورک رقبه سنه مالک اوله مامشدر ایسه ده ذی الیدک صفتی احراز ایتدکاری درکار و بوندولایی عقد مزبور معتبر اولغله برابر آنده عدم اعتبار شبهه سی موجوددر چونکه مضارب اولکی بیعه من وجه رب المالک وکیلی اولغله ربحک نصفی حقنده بیع ثانی معدوم فرض اولنور . برکسینه ناک اشترا ایتدیکی متاعده کوره یه نیکی و آتش یانیگی کبی برعیب حادث اولدینی تقدیرده آنی مرابجه طریقله صاتمق مراد ایتدیکی وقت متاع مذکور عیبندن سالم اوله رق شوقدر ثمن مقابلنده اشترا ایتش ایسه ده کندی نزدنده تعیب ایتدیکنی بیان ایتیه رک صاتار زیرا ثمنک مقابلی اولان ثمنی باقیدر فوت اولان شی یالکیز و صفدر بایعک صنی اولمق سزین میبعک وصفی زائل اولدینی تقدیرده آکامندن برشی تقابل ایتز ایشته بونک ایچوندرکه وصف مذکور مشتری

میعی قبض ایتزدن اول زائل اولمش اولسه اکامقابل نمندن برشی ساقط اولنر شوقدرکه مشتری بونده مخیر اولوب دیلر ایسه میعی مجموع ثمن مسمی ایلله آلور و دیلر ایسه ترک ایدر اما او کسینه ناک نفس عیبی بیسان ایتسی لازمدر بیان ایتدیکی حالده حیلله کار عدا اولنور . امام محمددن مرویدرکه اگر حادث اولان عیب میبعک قیمتی غبن فاحش درجه سنده تنقیص ایدر ایسه آنی مرابجه صورتیله بیع ایدر ایکن بایع عیب مذکور بیسان ایتک مجبوردر بوسوزک دلائله نظراً اگر نقصان قیمت اسعارک تغیرندن نشأت ایتش اولورایسه بر متاعی مرابجه صورتیله بیع ایدن کسینه آنی غلا حالنده اشترا ایتدیکنی بیان ایتز . مدت مدیده دکانده قلمش اولان البسه ناک صراماسی ویا کیرلنمش اولسی دخی بونک کیدر .

اگر برکسینه ناک صاتون آلدینی البسه ناک دوشیرلسمندن و آچیلسمندن ناشی البسه یرتیش ایسه صاحبی آنی مرابجه صورتیله صاتار ایکن عیبی بیان ایتک مجبوردر چونکه وصف مقصود بالاتلاف اولدینی تقدیرده نمندن آریجه حصه سی واردر . برکسینه ثمن مؤجل ایلله اون لیرایه برمال صاتون الدقن صکره شرانک بو صورتله وقوعی بیان ایتیه رک مرابجه طریقله اون بر لیرایه آخر کسینه صاتدینی و مشتری دخی اشبوخیانته واقف اولدینی تقدیرده مخیر اولور دیلر ایسه آنی رد و دیلر ایسه قبول ایدر زیرا اجل میعه مشاهددر کورلزمی که اجلدن دولایی میبعک ثمنی ترید اولنور مرابجه خصوصنده ایسه شبهه احتیاطاً حقیقته ماحققدر بناء علیه صورت مذکورده او کسینه ایکی شی اشترا ایدرک بونلردن برینی مرابجه صورتیله هر ایکی ثمن مقابلنده اخره صاتمش اولور واکر مشتری میبع مذکور اتلاف ایدر ایسه مجموع ثمن مسمی ایضا ایتسی لازمدرکدر چونکه مشتری ناک ولایت رددن بشقه برحق یوقدر حالوکه اتلافدن صکره رد ممکن اولماز . بو خصوصده نولیت دخی مرابجه کیدر یعنی برکسینه ثمن مؤجل ایلله اون لیرایه صاتون الدینی بر مالی ثمن مزبورک مؤجل اولدینی بیان ایتیه رک اون لیرایه نولیت صورتیله صاتدینی و مشتری دخی شو خیانته واقف اولدینی تقدیرده مخیردر . برکسینه صفقه واحده ایلله ایکی طوب قماشک مجموعی بش لیرایه صاتون آلمش اولدینی حالده بوسورتی بیان ایتیه رک ایکی طویدن برینی مرابجه صورتیله صاته بویع جائز اولماز زیرا بعض بکره اشانی نوعدن برمال بیعی ترویج ایچون ائی ماله ضم اولنور فقط میبع بوجهله قیمیادن اولیوبده مکیلات و موزونات و عددیات متقاربه دن اولدینی تقدیرده بونلردن بر مقدارینک آریجه بیعنده بأس بوقدر . بومسئله ده صفقه واحده تعیری استعمال اولنیور چونکه مذکور ایکی طوب قماش صفقین ایلله اشترا ایدیلله جک اولور ایسه بونلردن برینک آریجه مرابجه صورتیله صاتلسی جائز اولور . برده بونلردن یالکیز برینی مرابجه وجهله صانان کسینه هر ایکی طوبک ثمنی آری آری بیان ایلر ایسه ینه بیع مذکور جائزدر بوبانده نولیت دخی مرابجه کیدر . برکسینه بر متاعی کندیسینه قاچه مال اولمش ایسه ویا خود قاچه اشترا ایتش ایسه او فیاته ویا خود فیات مذکور بر مقدار شی علاوه سیه نولیت ویا مرابجه طریقله آخره صاتسه و مشتری مجلس عقدده مذکور متاعک مشتری به قاچه مال اولدینی ویا خود قاچه اشترا ایتدیکنی اوکره نه مامش اولسه ثمنک

جهالتدني ناشی بيع مذکور فاسد اولور واکر مشتری مقدار مذکورک نه دن عبارت اولديغی مجلس عقد طاغلمقسزین اوکره نیرایسه فساد هنوز تقرر ایتدیکی جهتله بیع مذکورى اخذویا ترك ایتک خصوصاً برنده بخیردر مجلس مذکورده مشتری ایچون علم حاصل اولدیغی آنده بو خصوص ابتدای عقد منزله سینه تنزیل اولنهرق قبولک اخر مجلسه قدر تأخیری مثابه سنده طویلور اما مجلس طاغلدقن صکره مشتری کیفیت واقف اولورایسه فساد تقرر ایتش اوله جعندن آرتق عقدک فسخندن بشقه چاره قالماز .

ایشته مراجحه وتولیت ووضیعه حقنده « مجمع الانهر » ده مین اولان قواعدک خلاصه سی بوندن عبارت اولوب قواعد مذکوردهک تطبیقاتنه کلنجه بونک امثالی نادر دکلدر حتی کچنلرده جريدة عدليه نک یکرى نومرولی نسخهنسک « ۸۳۱ » نجی صحیفهنسده مندرج محکمه تمیزحقوق دائرة علیه سنک ۱۹ تموز سنه ۳۲۶ تاریخلی اعلامی مطالعه سندن اکلاشلدیغی اوزره یاقوه قصبه سنک حاجی عمر محله سی اهالی سندن امین بن ادم دیگر برشخصدن الی لیرایه اشترا ایتدیکی بیانیه بر باب خانی مراد نام کسنیه مذکور الی لیرا بدل مقابلنده بیع ایدرک مشتری نک ظنی وجهله کنديسنک بايعنه اعطا ایتدیکی ثمن الی لیرا اولیوبده قرق ایکی لیرادن عبارت اولدیغی حالده قبض ایتدیکی الی لیرا ثمنک سکز لیراسنی کنديسنه رد ایده چکی جهتله اشبو ذمتک تحقیقی تقدیرنده آتی ادا ایتک اوزره شا کر بن خلیل سپاهی کی کفیل ارانه ایتش وبالاخره امینک مذکور خانی بايع اولدن قرق ایکی لیرایه اشترا ایتدیکی تبین ایدرک کفیل مرقوم مقدار خیانت اولوب الی لیرادن تنزیلی اقتضا ایدن سکز لیرای مشتری مراده اعطا ایتدیکنی ادا ایدرک مکفول عنه اولان امینه رجوع ایتش اولغله بوکا دائر قضا بدایت محکمه سنده جریان ایدن محاکمه وتدقیقات نتیجه سنده بیع مذکور معتبر ایهده سکز لیرا حقنده وقوعبولان شرط فاسد بولمسنه بناءً مبلغ مزبور ایچون مدعینک مدعی علیه مرقومه بی وجه قانونی معارضه دن منعنه قرار ویرلمشدر . ایشته بدایت محکمه سنک بیع تولیت حقنده کی قاعده یی تطبیقندن ذهول ایتسی بویه یا کلش بر قرارک صدورینه سببیت ویرمش اولور . بالاده بیان اولندیغی اوزره بر کسنه نک تملک ایتدیکی برملکی کنديسنه قاچه مال اولمش ایسه زیاده ونقصان اولیه رق انک مثلی اولان ثمن ايله صاتمق تولیتدر وقول مرجحه کوره عقد تولیتده خیانت مقدارینک بدل مسادن تنزیلی اقتضا ایدر . بناءً علیه مذکور بدلاک قرق ایکی لیرا اولدیغی تبین ایتدیکی حالده سکز لیراسنک تنزیلی لازمکله چکنه دائر طرفین عاقدین بیننده تقرر ایدن شرط مقتضای عقددن اولان شرائط معتبره دن اولدیغی جهتله هیچ بروجهاه شرط فاسد اولماز وبویه مقتضای عقدی تأیید ضمننده کفالت ارانه سی مشروع ومقبول اوله جنی دخی جای تردد دکلدر . آنک اوزرینه بدایت محکمه سنک قرار مذکورى علاقه دار اولانلر طرفندن تمیز اولنهرق محکمه تمیز حقوق دائره سی بیعک امر کائنه تعلیق جائز وتعلیق مذکور تجیز حکمنده اولسندولایى مقاوله واقعه معتبر اولدیغی علله مثابه سنده اوله رق بالیسان کفیلک کفالتی وبجسب الکفاله مذکور مبلغی تأدییه

ایتدیکنک ثبوتی تقدیرنده مدعی علیهک مبلغ مکفول به ايله محکوم ایدلسی لازمکلور ایکن خلافتده قرار ویرلمش اولسندن دولایى اعلام مذکورى هرخصوصده اولدیغی کی بحق نقض ایتشدر . شرط مذکورک مقتضای عقددن اولسی مذکور خانک ملک اولدیغی محقق عد اولندیغنه مبتنیدر اکر خان عقارات موقوفه دن ایسه کیفیتک محکمه تمیز حقوق دائرة علیه سنک بیان ایتدیکی اسباب ايله تعلیلندن بشقه چاره یوقدر .

محکمه تمیز جزا دائره سی ریسی

عنامه

مرور زمان

بومبحث حد ذاتنده مهم اولدیغی کی زیرده تحکیه قلنه حق برمفاوضه علمیه به مقدمه اولق اوزره اجمالاً سرد وتمهیدینه ده حاجت مس ایلدیکندن بحثه متعلق زبده اقوال وفتاوی فقها بوجه آتی نقش صحیفه بیان ایدلدی .

مرور زمان : اصطلاح فقهاده ، بردعوی مدت معلومه ايله ترك اولندقدن صکره آنک استماعی منعندن عبارتدر . حق تقادم زمان ايله ساقط اولیه جعنه منی بومنع قیاسی دکل ، بلکه استحساندر . وجه استحسان تزویر وحیلی قطعدر ؛ چونکه بردعوای اقامیه تمکن وقدرت وار ایکن آتی نیجه بر زمان ترك ایلک ظاهرده فقدان حقه دلالت ایدر .

استحسان بوعلته مستند اولدیغی چوندرکه مدعینک صغیر یا مجنون یا معتوه اولسی یاخود خصمنک متغلبه دن بولنسی ویاخود متدعیانندن برینک مدت سفر اولان آخر دیارده اولسی کی بر عذر شرعینک تحقیقی ايله علت مذکور منتفی اولنجه ولوکه مدت اوزاسه بیله دعوائی استماع واجب اولور .

تنقیح الفتاوی الحامدیه صاحبی ابن عابدین مرحوم دیورکه اوتوز سنه کچدکدن ویاخود تصرفه اطلاعندن صکره دعوانک عدم استماعی او دعواده حقک بطلانیه منی اولیوب صاحب حق ایچون حقک بقاسیله برابر قضائی سماع دعواندن بورمنع مجرردر ؛ بونکچوندرکه خصم ادا اولسان حق اقرارایله اوحق کنديسنه لازم کلور . دعوانک عدم استماعی حقک بطلانیه حکم دیمک اولایدی خصم مقرره اوحق لازم کلز ایدی . فقها نک منع استماع دعوی خصوصنی ، تزویر وحیلی قطع ایچوندر دیه تعلیل ایلاری بودیدیکمزه دلالت ایدر . شو حالده حق تقادم زمان ايله ساقط اولماز دیورک [اشباه] لک کتاب قضاسنده درمیان اولنان اعتراض وارد اولماز . صکره بو ملاحظه می [بحر] ده دفع دعوی فصلنک قیلنده صراحة کوردیم - انتهى .

مرور زمان ایکی امره مبتنی در ؛ بری حکم اجتهدی درکه بونده نص فقها وارددر . او بری امر سلطانی در . مرور زمان مدتی تعییننده فقها اختلاف ایدوب بعضیلری بومدتى اوتوز آتی ، برطاقی اوتوز اوچ بعضیلری ،

دخی یا لکنز اوتوز سنه اوله رق تعیین ایتشیدی . فقط مرور زمان ایچون تعیین قلنان بومدنلر طویل اولدیغندن و قتیله طرف سلطانیدن مرور زمان مدتی اون بش سنه اوله رق تعیین ایدلمش و بومدنك انقضاسندن صکره استماع دعوان قضاة منع اولنش و مجله نك مرور زمان بابتده بیان ایدلدیکی اوزره بعض خصوصات بومعدن استئنا قلمش ایدی . بوا مرسلطانیده مصالحت عامه بولمسنه و مجله نك ۱۸۰۱ نجی ماده سنده مسطور اولدینی اوزره قضا زمان و مکان ایله و بعض خصوصاتك استثناسیله تقید و تخصص ایدلیکنه منی اکاتباع قضاة اوزرینه واجب اولغله حکم امر خلفا عن سلف سلاطین عثمانیان حضراتی طرفندن قبول اوله رق شمعی به دك محاکمه جاریدر . بوتعلیلدن مستبان اولیور که بر دعوانك اون بش سنه مرورنده صکره استماع ایدلمامسی نهی سلطانی به منی ایسه ده بونهی حکم شرعی به مستنددر .

مجله نك ۱۶۶۷ نجی ماده سنده مسطور اولدینی اوزره مرور زمان مدتی مدعایی ادعایه صلاحیت کلدیکی تاریخدن اعتبار اولدینی کبی سنه قمریه ایله حساب اوله جنی دخی مجله جمعیتك مذکره معلومه سنده مصر حدر . بر خصوصده شهر ویاسنه علی الاطلاق ذکر اولنوبده قمری و یازومی کبی بر قید ایله تقید ایدلمزسه عرف شرعی به توفیقاً انك قمری به صرف اوله جنی و مجله ده مرور زمان ایچون تعیین قلنان اون بش سنه مدت کتب فقهیه دن مأخوذ اولوب کتب مذکور ده ایسه بومدت مطلق اوله رق ذکر ایدلدیکی جهتله عرف شرعی به توفیقاً سنه قمریه به حصر و تخصیص قلنه جنی فقط اجاره و تأجیل دین کبی بر زمان ایله مقید و محدود بولنسان معاملاتده عاقدین قمری و رومیدن هانکی تاریخی ذکر ایتشلر سه اوتاریخك معتبر اوله جنی ذکر اولنان مذکره ده بیان ایدلمشدر . مرور زمانك بهمه حال سنه قمریه ایله حساب اوله جنی و وجهی مذکره بوجه مشروح صوت بلند ایله اعلان ایدیور و فقط مثلاً مدت ایجار متعاقدين اره سنده فلان سنه نك مارتی ابتداسندن سنه مذکور نك شباطی غایه سنه قدر بر سنه نك اولق اوزره تعیین ایدلمش و یاخود دین فلان سنه نك اغستوس ابتداسندن اعتباراً بر ماه تأجیل قلمشسه مرور زمانك سنه قمریه ایله حساب اوله جغه باقوبده بوتعیین و تأجیلک رومی اوله رق کوستلش اولسنك حکمی اولدیغنه و مطلقاً بومعامله لرده دخی مدتک قمری اوله رق یوریدلمسی لازم کله جکنه دأراذهانده بروهم حاصل اولمامسیچون ذکر اولنان فقره علاوه ایدلمش ایکن بعض ناس فقره مذکور به ماسیق لهندن چیقارییورده اصلاً مرور زمان حسابیله مناسبتی اولدینی حالده ، اگر بر معامله رومی تاریخ ایله جریان ایتشسه مرور زمانك ده اکاتباعاً رومی تاریخ ایله حساب اوله جنی و شاید معامله قمری تاریخ ایله جریان ایتشسه مرور زمانك دخی قمری اوله رق حساب ایدیله جکی کبی ذوق سلیبی رنجیده ایده جک بر معنی ویرور . بوده نارفته یه کیدنلر پک چوق کورلدیکندن غلظدن تحاشی ایچون بوراده بالخاصه تذکار ایدلدی .

مجله نك ۱۶۶۳ نجی ماده سنده شویله مسطوردر : « بوبابده معتبر یعنی دعوانك استماعه مانع اولان مرور زمان انجق بلاعذر واقع اولان مرور زماندر . یوخسه مدعینک وصیسی بولنسون بولنماسون صغیر یا مجنون یا معتوه اولمسی یاخود مدت سفر اولان آخر دیارده بولنسی و یاخود خصمنك متغلبه دن اولمسی کبی اعذار شرعیه دن

برله مرور ایدن زمانه اعتبار اولماز . بناء علیه مرور زمانك مبدئی عذرک زوال و اندفاعی تاریخندن اعتبار اولنور . مثلاً بر کیمسسه نك حال صغرنده کچن زمانه اعتبار اولمیوب مرور زمان انجق حد بلوغه واصل اولدینی تاریخندن معتبردر . کذلک بر کیمسسه نك متغلبه دن برله دعواسی اولوبده خصمنك تغابی تمتد اوله رق دعوی ایده مدیکندن مرور زمان بولنسه اول دعوانك استماعه مانع اولماز . مرور زمان انجق تغلبک زوالی تاریخندن معتبردر .

بوماده ده مرور زمان حکمندن اوچ مسئله استئنا ایدیلور . برنجیسی مدعینک صغیر و یا مجنون و یا معتوه اولمسیدر .

ایکنجیسی مدت سفر اولان آخر دیارده غیبتدر . ماده نك ظاهر عباره سندن غیبتك مدعی به مخصوص اولدینی اکلانشیله یورسه ده غیبت مدعی ایله مدعی علیه غیبتدن اعمدر . رد مختارده شویله ذکر اولنش « و یؤیده قوله فی الخیرة من المقرر ان الترتیب لایأتی من الغائب له او علیه لعدم تأتی الجواب منه بالغیة والعلة خشية التزوير ولا یتسانی بالغیة الدعوی علیه فلا فرق فیسه بین غیبة المدعی والمدعی علیه » . اوچنجیسی خصمنك متغلبه دن بولنمسیدر . برنجی نوع عذر ایله اوچنجی عذره مجله نك شوماده سنده مثالیر ایراد ایدلدیکی حالده ایکنجی عذره مثال کتورلما مشدر و فقهی اعذار ایچون مدت بیان ایدلکرنندن غائبك دعواسی ولواللی نه صکره اولسون استماع ایدیله جکی کتب فقهیه ده ذکر اولنمشدر .

« استتوا الغائب والوقف ولم یینوا له مدة قسّم من الغائب ولوبعد خمسين سنة . . . و کذا الظاهر فبأقی الاعذار انه لامدة لها لان بقاء العذر وان طال مدتة یؤکد عدم التزوير بخلاف الوقف فانه لو طال مدتة عواه بلاعذر ثلاثاً وثلاثين سنة لاتسمع کافقیه فی الحامدية اخذاً بما ذکره فی البحر فی کتاب الدعوی » .

رد مختار

شوحالده طرفیندن بری تاریخ مداینه یی متعاقب بولندینی بلده دن مدت سفر اولان آخر دیارده کیدوبده بکرمی سنه صکره عودت ایله مدعی حقنی خصمدن دعوی ایتسه مسموع اوله جنی کبی تاریخ مداینه نك اون دردنجی سنه سنده متدایناندن بری مسافه سفر بولنان آخر دیارده کیدوبده ایکی سنه صکره و یاخود اون بش سندن اول دونسه مرور زمان عذرک زوالندن معتبر اولدیغنه و غیبت انقطاع ایدلیکنه منی ینه مدعینك خصمی علیه اقامه ایدلدیکی دعوی استماع اولنور .

لکن مجله نك ده ۱۶۶۵ نجی ماده سنده بیان ایدلدیکی اوزره بینلرنده مدت سفر بولنان ایکی بلده سا کدلرندن بری برقچ سنه ده بر کره بر بلده ده برلشوب یکدیگر یله محاکمه لری قابل ایکن بری برندن برشی دعوی ایتیه رک بوجه ایله مرور زمان بولندقدن صکره مدت مرور دن مقدم تاریخ ایله برینك دیکرندن دعواسی استماع اولماز . و مثلاً اوایکی کیمسسه دن بری تاریخ مداینه یی متعاقب مدت سفر اولان آخر دیارده کیدوبده برسنه

صكره عودت ايلديكي حلاله مدعى اولان طرف خصمنندن حقنى دعوى ايتكمز ينه انلردن برى بروجه مذكور غيبوت ايتش وتاريخ مداینه دن اعتباراً اون بش سنه صكره تكرار كلهرك مدعى اقامه دعوى ايتش ايسه استماع ايدلمز ، چونكه غيبوت تمامى ايتيوت انقطاع ايلدى .

۱۶۶۳ نجى ماده ده غيبوت انقطاع ايتديكي جهتله مرور زمان عذرك زوال واندفاعندن معتبر اولدينى حلاله بوماده ده ذكر اولنان غيبوت حضور وملاقات ايله منقطع اولديغنه مبنى ارتق عذرعدادندن اخراج اولنه رق مرور زمان تاريخ مداینه دن اعتبار ايدلمش وبو جهتله بو ماده سالف الذ كر ۱۶۶۳ نجى ماده به براسستنا تشكيل ايلشدر .

۱۶۶۵ نجى ماده نك فتاوى على افنديدن مأخذى اولان آلتى الذ كرفتوى دخى مدت غيبوت اره يره ملاقات طرفين ايله منقطع اولدقدن صكره ارتق اوغيبوت عذر اوله ميه جنى جهتله بوكى احواله مرور زمانك مدعا بهى ادعا بهى صلاحيت كلديكي زماندن معتبر اولديغنى تأييددن بشقه برمعنايى افاده ايتيور :

بربلده اهالي سندن زيد هرايكى اوچ سنه ده بركره مدت سفر بعيد بلده اخرايه واروب وبر مدت مكث ايدوب بلده اخري اهالي سندن عمرو ايله كوزيشوب بووجهله يكرمى سنه مرور ايدوب زيد بومدت بلا عذر سكوت ايتدكدن صكره زيد فوت اولدقده ورثه سى عمرو دن زيدك سنين مز بوره دن مقدم ذمتكده شوقدر اچه حقى واردر ديو دعوى ايلسه لر بلا امر مسموعه اولورمى — الجواب : اولماز .

مجله نك ۱۶۶۶ نجى ماده سنده دخى مسطور اولدينى اوزره بركىسه برخصوصى حضور حاكمه ديكر كمنه دن برقاج سنه ده بركره دعوى ايدوب انحق فصل دعوى ايدليهر ك بووجهله اون بش سنه مرور ايتسه دعوانك استماعه مانع اولماز . چونكه رد مختار صاحبك ديديكى كى بوضورتده مدعى حضور حاكمه دعوانسى ترك ايتش اوليور . شو حلاله مرور زمان صوك محاكمه دن اعتبار اولنور وبناء عليه صوك محاكمه اوزرينه اون بش سنه گذار ايتدكدن صكره مدعى دعوانسى تجديد ايتسه استماع ايدلمز . ينه بوماده ده ذكر ايدليكى اوزره حضور حاكمه اولميان ادا ومطالبه مرور زمانى دفع ايدمه جكندن بركىسه برخصوصى مجلس حاكم غيرى يرلرده ادا ومطالبه ايدرك بووجه ايله مرور زمان بولنسه مدعينك دعوانسى مسموع اولماز . چونكه شرط دعوى ادا ومطالبه نك حضور حاكمه اولسيدر ، بشقه يرلرده اولان دعوى صحيح اولماز . بومسئله ده ايسه بوشرط موجود دكل - رد مختار ، تنقيح .

معروضات مسرووده دن بزه شو خلاصه حاصل اوليور كه ذكر اولنان اعذار ثلاثه دن برى تحق ايدن يره مرور زمانك مبدئى عذرك زوال واندفاعى تاريخندن معتبردر وفقها اعذار ايچون مدت بيان ايتدكلرندن غيبوت طرفينك اجتماع وملاقاتى اره يره حيلولت ايدرك منقطع اولدقجه غائبك دعوانسى ولو اللى سنه صكره اولسون مسموعدر . فقط غيبوت مستمر اتمامى ايتيوتده اجتماع وملاقات ايله منقطع اولورسه ارتق آنك حكمنى قالمه جفتدن مرور زمانك مبدئى مدعينك مدعا بهى ادعا بهى صلاحيتى تاريخندن اعتبار اولنور . برده

حاضر فى البلد اولان مدعى حضور حاكم غيرى يرلرده ادا ومطالبه ده بولنه رق مرور زمان مدتى كچورر ايسه بواضا ومطالبه نك حكمنى اولماز وبناء عليه مرور زمانك مبدئى مدعا بهى ادعا بهى صلاحيت كلديكى تاريخندن اعتبار اولنور . اما مدعى حقنى خصمنندن حضور حاكمه دعوى ايدوب ده دعوى فصل ايدلماش ايسه مرور زمانك مبدئى صوك محاكمه تاريخندن معتبر اولور .

حال بويله ايكن كچنده برحفل علميده مجله نك سالف الذ كر ۱۶۶۵ نجى ماده سى بلناسبه موضوع بحث اوله رق خياجه مناقشه به باده اولدى ، اركان هيئتك آراسى ايكى به انقسام ايلدى . برقىمى ديور ايدى كه بوماده ده بيان اولنان مرور زمان مدتى بعد الغيبوت طرفينك اجتماع وملاقاتى تاريخندن معتبردر . ومثلاً طرفين بيشده كچن ايكوز طقسان تاريخنده برمداینه عقد اولنوب ده غيبوتى متعاقب ايكى سنه صكره اجتماع وملاقات واقع اولسه ومؤخر آينه غيبوت وقوعه كلوب انحق بوايكنجى غيبوت اوزرينه اون بش سنه كچمه دن عودت اولنسه يعنى اوچيوز بش سنه سى هنوز حلول ايتمه دن غائبك عودتى وقوع بولسه ، مرور زمانك مبدئى عذرك زوال واندفاعى تاريخندن اعتبار اولنه جنى وعذر ايسه طقسان ايكى تاريخنده زائل اولدينى جهتله مدعينك تاريخ عودتنده اقامه ايلديكى دعوى مسموعدر . بوقسم اصحاب آرا ذهاب واقعلرينك حخته ، ۱۶۶۳ نجى ماده نك ، مرور زمانك مبدئى عذرك زوال واندفاعى تاريخندن اعتبار اولنديغنه دائر نص ايله استدلال ايديور . ايكنجى قسم رأى صاحبلى ايسه تصوير قلنان مثاله كى غيبوت طرفينك اجتماع وملاقات ايله منقطع اولديغنه روقا ريده شرح وايضاح ايلديكى اوزره ۱۶۶۵ نجى ماده موجبنجه غيبوت منقطه نك مرور زمانى رفعه ده حكمنى اوله ميه جفته مبنى ذكر اولنان مثاله مرور زمانك مبدئى بالطبع تاريخ عقد مداینه اولديغندن مدعينك بيان ايديلن تاريخ عودتنده اقامه ايلديكى دعوى استماع اولتماز ديه رايلىرى محافظه ده اصرار ايلشدر .

توسيع دائره مناظره ايله بارقه حقيقت ده شعشه انكين اوله جفتدن بومقاله يى جريدة عدليه كوندردم . بركت زاده

اسماعيل هقى

توقيف اشخاص

جرائم متنوعه دن بريسيله تحت ظن واشتباهه آلتان وكندوسنه بر فعل ممنوع اسناد اولنان اشخاصك توقيف وتحييد حريتى كيفيتى مسائل مهمه دن بولنديغندن واضع قانون بومعامله تضيقه نك صورت جريانى تأمين مقصديه بعض شرائط وتقييدات وضع وارانته ايتشدر . معلوم اولدينى اوزره اصول محاكمات جزائيه قانوننك سكسان طقوزنجى ماده سنده استنطاقدن صكره وياخود مظلون عليه فرار ايلديكى حلاله حركت واقعسى حبس جزائى وياخود ده اغير برجزائى مستلزم ايسه موقت وياخود غير موقت توقيف مذكره سى وريله بيلور وغير موقت توقيف مذكره سى مدعى عمومى استماع اولنديقه ويريله مز ديو محرر اولمى جهتيله تحقيقات جاريه نك لزوم كوستره جكى موقوفيت اوليه ايچون مستطقق قانوناً ايكى نوع مذكره دن بريسيله مظلون عليه توقيف خانه ارسال ايلك صلاحيت واختيارى حائز اولدينى نمايان اولور .

ہر ایک توقیف مذکورہ سنک حکمی مظلون علیہ صورت اخذ و توقیفیہ قانوناً معین اصول و شرائط داخلندہ تخلیہ سبیل و استرداد معاملاتنک اجرایی خصوصندہ عین قوت و تأثیری حائر اولدینی و صور اجراییہ سنجہ برائستائی تضمن ایتدیکی بدیہی بولمسنہ نظراً توقیفات ابتدائیدہ مستنطق طرفندن شو صورتلہ ایکی نوع توقیف مذکورہ سی اصدار واعطاسی حقندہ قانونک وضع ایلدیکی اصول وقاعدہ دن مقصد حقیقی نہدر؟ جرائم قانونیہ مظلونلرینک حبس و توقیفلری ایچون غیر موقت توقیف مذکورہ سی اعطاسنک حصول مقصد کفایتی رونما ایکن برده محدود بر زمانہ مصروف حکم و تأثیری حائر اولمق اوزره موقت توقیف مذکورہ سی تردیف و علاوہ سی نہ کی لزوم و احتیاجہ مستند اولمق لازم کلہ جکی جای ملاخطہدر . قانونک توقیف اشخاصہ تعلق ایدن موادینک مفاهیم حیحہ سی تدقیق و تأمل اولدینی صورتدہ بونک اسباب موجبہ و حکمیہ سی و وضع و تأسیسی مؤدی لزوم و ایجابک ماہیتی تعین و تظاہر ایدر .

وارستہ توضیح بولندینی اوزره توقیف مذکورلرینک اصدار واعطاسنہ مظلون علیہک استجواب و استنطاق و بعضاً شہودک استماعی کی معاملاتک تقدم ایلمی امور طبیعیہ دن بولندیندن مستنطق بر شخصک مظلون اولدینی جرمدنطولای ایفا ایدہ جکی تحقیقات و استجابات اوزرینہ تحصیل ایدن احوال و اناری نظر مطالعہ یہ آلہرق تقدیر و جدائیسنہ اتباعاً لزوم کورہ جکی مذکورہ بی بالاعطا مظلونی حبس و توقیف ایلک صلاحیتی استعمالندہ مختار اولدینی وارستہ شک و ارتباب اولوب انجق مادہ مبحوثنک تضمن ایلہدیکی شو جملہ کہ غیر موقت توقیف مذکورہ سنک مدعی عمومینک استماع اولمق سزین و بریلہ میہ جکی مشعر و قانون مذکورک (۹۱) نجی مادہ سی غیر موقت توقیف مذکورہ سنک شکل و صورت تنظیمی معرف بولمقدہدر . مفاهیم محتویہ لری شو ایکی نوعہ عائد توقیف امرلرینک صورت اعطاسنک مستند اولملری لازمکلاں غایہ و مقصدک صریحاً تیقن و استنباطنہ دلالت ایلدیکی ظاہردر . توقیف مذکورلری میانندہ موقت توقیفک صورت اعطاسی تجویز ایدن حکم قانونی ، بونک الجاآت استثنائیہ سی استنادینی شرط اتخاذ ایلدیکی صورت محررہ دن منہم و متیقن اولوب بنابرین بونک کیفیت تطبیق خصوصندہ مصلحتک و تحقیقاتک جریان طبیعیہ سی تعقیب ایتک لازم کورہ تحقیقاتک صورت حاصلہ و حاضرہ سی مظلون علیہک سربست بر اقلسنی استلزام ایدہ جک درجہدہ اولدینی و جرمک نوع و ماہیتی هنوز لایقلہ تعین ایدہ مامکلہ برابر اوراق موجودہ ی مدعی عمومیہ تودیع و تبلیغ ایلہ انک ادعا و مطالعہ سی اخذہ حال و زمان مساعد بولمیرہرق مستنطق مصلحتک بر مستعجلیت مبرمہ سی و صرف موقت بر تدبیر ایفاسی لزومی قارشوسندہ بولندینی و مظلون علیہک سربست براغلمی قطعاً جائز کوریلہ مدیکی تقدیردہ موقت توقیف مذکورہ سی اعطاسیلہ شخص مظلونی توقیفخانہ یہ کوندر مکہ مجبور اولور . تحقیقات جاریہ درجہ کافیہدہ یعنی جرمک نوع و ماہیت قانونیہ سی تعین ایدہ بیلہ جک مرتبہدہ توسع ایلدیکی صورتدہ اوراق دعوایی مدعی عمومیہ بالتبلیغ انک مطالعہ و طلبی اخذ ایلکدن صکرہ غیر موقت توقیف مذکورہ سی اعطا ایلرکہ احوالہ موقت و عاجل بر معاملہ اجرایی مستلزم اسباب و محاذیرک

مندفع اولدینی نمایان اولور . وایستہ غیر موقت توقیف مذکورہ سی اعطاسی ایجاب ایدن فعل ایلہ جنایت ویا جنحہ نوعندن اولدینی مبین بولنایم مادہ قانونیہ نکدہ ذکر و درج ایدلمی حقندہ کی حکم قانونی انفاذ و مظلون علیہ مظلونیتی ایلہ امر توقیفی موجب اولان احوال اخطار و افہام ایدلمش بولور .

ایضاحات مسروودہ دن مستبان اولدینی اوزره موقت توقیف مذکورلری کرک جرم مشہود حالندہ و کرک ایدن صکرہ موقتاً اتخاذ و ایفاسی استلزام ایدن بر معاملہ عاجلہ و حقوق عمومیہ مأمورینک مطالعہ سی اخذ ایدہ بیلہ جک درجہدہ تحقیقاتک مساعد بر مشکل الہامش اولمسی و مأمور مومی الہک حاضر بولنہ مامسی کی اسباب و احوال ضروریہ ی مبتنیاً اصدار واعطاسی لازم کلوب بونک خلافندہ یعنی تحقیقات استنطاقیہ درجہ کافیہ جریان ایتش و جرمک نوع و ماہیت قانونیہ سی تعین و تظاہر ایدرک مدعی عمومینک طلب و ادعاسی اخذ و تلقی ایلہ دعوانک تبلیغ و تودیغنہ محذور و موانع قالمش اولدینی حالہ مستنطقک رأساً و موقتاً معاملہ توقیفیہ اجراییہ محل اولیوب ہر حالہ قانونک لزوم کوستردیکی شو ایجاباتہ توفیق حرکت لزومی بدیدار ایکن ہر نصلہ بودقیقہ قانونیہ بر شکل متروکیت الہرق اکثریا مشہود و جاری اولدینی اوزره امور توقیفیہ نک شو مقتضیات قانونیہ خلافندہ مستنطق طرفندن موقت توقیفہ حصر و قصر ایدلمسنک مفاهیم مشروحہ قانونیہ یہ منافیت و مغایرتی قانونشناسان نظرندہ مسلمدر .

دقایق اشنایان قوانین نزدندہ تسلیم اولنہ بیلورمی کہ ؟ قانون توقیف اشخاص خصوصندہ غایت متیقظانہ و متبصرانہ شرائط و معاملاتہ تابع اولان و حقوق عمومیہ مأمورینک مطالب و مدعیاتنک انضامی کیفیت صدوری حقندہ بشقہ جہ باعث تأمینات اولان غیر موقت ، موقت توقیف مذکورہ سنہ قارشو بالادہ ذکر اولدینی وجہلہ محدود بر زمانہ منحصر و مستنطقک رأی منفردینہ و لزوم عاجلہ مبنی صرف موقت بر معاملہ ایلہ دیکرینک حکمنی فسخ و ابطال و اخلال ایتش اولسون .

قانونک کافیہ احکام و محتویاتی غایت مهم واجب انفاذ و اجرا اولمسیلہ بوبادہ کی مدلولات قانونیہ نظر تأملہ آلندینی صورتدہ شو نتیجہ استخراج اولنورکہ مستنطقک اعطا ایدہ جکلری موقت توقیف مذکورلری قطعی و غیر موقت صورتدہ اعطا ایدہ میہ جکلری معاملاتہ و مدعی عمومینک ادعا و طلبی اخذہ حال و زمانک غیر مساعد اولہرق عاجل بر لزومک مقتضیاتنہ تبعیت مجبوری تحصیل ایلدیکی احوال و خصوصاتہ مخصوص و منحصر اولہرق بونک خارجندہ کی احوال و معاملاتدہ ہر حالہ اصولی دائرہ سندہ غیر موقت توقیف امری اعطاسی و جائب قانونیہ دندر . قانون مذکورک طقسان طقوزنجی مادہ سندہ دخی موقت توقیف مذکورہ سنہ تخصیص و تعیین اولنان نہایت اوتوزکون مدتک دخی اوزون اولمقلہ ہر حالہ لزوم تقصیری بدیہی بولمسنہ مبنی اصول محاکمات جزائیہ قانوننک تعدیل ایلہ اشتغال ایدن ہیئت محترمہ جہ نظر تأمل و مطالعہ یہ الہرق معاملات توقیفیہ نک سلامت جریانی و بحقایقک واضحاً تفہمی تأمیناً بعض توضیحات اجرا و علاوہ سی فکر دقایقہ دانی قانون پروریلرندن مأمول و منتظر در .

سرقت

۶ — سرقت ايدليكي ادعا اولونان اموالک مظنون عليه يدينه تسليم واعطاسي مجنون وابله کي ملکات عقليه سي کلياً ويا قسماً مختل اولان اشخاص طرفندن واقع اولماسيله صورت غير مشروعه ده ملک ايدلسي مقصدينه بناءً مظنون عليك يد مبطله سنه کچمش اولمسي تقديرده نتائج افعالک نيك وبديني غير فارق وعادتا شبه حيواني بر اراده ذاتيه مالک اولميرندن غير حساس بر الت ماده درجه سنه منزل اولان اشخاص مرقومه ک بو يولده تسليم اموال ايتلري کيفيتي تسليم حقيقي به قابل تمثيل وقياس اولماقده بوکي افعال مدخوله فرانسه تميز محکمه سنجه سرقت عد ايدلمشدر . [۱]

۷ — سرقت ايدليكي درميان اولونان اموال مظنون عليه يدينه سهواً تسليم واعطا ايدلمش اوليويده کيفيت تسليمي ضرورت حقيقي به منبي وقوع بولمقدن صوکره صورت غير مشروعه ده ملک مقصديله مظنون عليه طرفنجه اموال مذکوره به وضع بد اولومسي فرانسه تميز محکمه سنجه کذاک سرقت عد ايدلمشدر . شويکه که : بر مديونک تسويه دين ايدمچي سرشته سيله واقع اولان مراجعتي اوزرينه ديني ميين سيني وياخود ابراء استيفاي متضمن علم و خبري صاحب مطلوب طرفندن کندوسنه تسليم ايدلمکدن صوکره تأديقه دين ايتکسزين بر منوال محرر آله ايتديکي ورقة مثبته ي اعاده دن مديونک استکشاف ايلش اولمسه سرقت نظريه باقيلمشدر .

ورقة مثبته مذکوره هر نقدر مظنون عليه طرفندن اخذ اولونميوب دايک امينه واقع اولان تسليم واعطاسي اوزرينه مظنونک يد مبطله سنه کچمش ايسه ده دين سينيک [وياخود مقبوض علم و خبرينک] ابتدای امرده داي طرفندن متعهد اليه اعاده و تسليم قلمسي تسويه دين قضيه سنک تسهيل اجراسي امرنده اکثراً لازمه دن ايدوکي و تسليم واقع ايله ورقة مثبته دن دايک يد تصرفي حد ذاتنده مرفوع اولمايوب دايک اشبو فعلي ايله دين [ويا ابرا] سينيک مظنون عليه ويرلمش اولماسي آنچق بدل سنک بر موجب تعهد تسويه سي حالنده سند مذکورک قبض و حفظه اعطاي مآذونيتي متضمن اولديني و بنا برين ورقة مثبته ک اشبو شرائط ضمينه تحتنده حاملي يندن چي قمش اولماسنه مسروق منه عطف و اسناد اولونا جق بر نقصاني تدبير

[۱] فرانسه تميز محکمه سنجه بويولده تفسير ماده ايدلسي مباحث سابقه ده معروض اجتهادک منفي مطالعته مياين ايدوکي بيانيله ارباب علم حقوق طرفندن هدف تنقيد و تعريض اولمش و مديون طرفندن کذاک صورت غير اختياريه ده دايه مقدار دين حقيقيدن فضله ويريلان مبالغه بغير حق قبوليله تملکي جرأنده بولونان اشخاصک محکمه مشاراياهه سارق عداولنه ماسنه مقابل مجنون وابله اولان اشخاص طرفندن بويولده قوع بولان تسليم واعطا اوزرينه اموال مدعا بياه وضع يد ايدنلرک سارق صفتنده تجزيه ايدلسي اساسات مسلمة قانونيه ايله غير قابل تأليف اولديني درميان ايدلمشدر .

نظريه باقيلامامسي کيفياتي بو بابده کي حکمک تأييد اصابتي امرنده کوستري لان اسباب موجب جمله سندن بولونمشدر [۱] .

۸ — سرقت جرمک باشقه سنه عائد بر مالک بر تقريبيله اخذ اولونمسندن عبارت اولوب بويولده اخذ ايدلمکدن صوکره سارقک يد مبطله سنده کي تمادي توقفي قضيه سنک حائز تأثير اولماسندن ناشي مظنونک مال مسروقي آله کچيرمسيله سرقت جرمي تمام ايدلمش اولورکه بو يولده کي وصفندن نتايج آتیه قانونيه تحصيل ايدر . اولاً : سرقت فعلي جرائم آنيه دن [۲] اولوب افعال منوعه متاديده دن [۳] معدود دکدر [۴] . ثانياً : بشقه سنه عائد اولان بر مالک بولونديني محلدن بر تقريبيله اخذ ايديله رک يد مبطله يه کچيرمسيله سرقت جرمي اکال ايدلمش اولاجغندن فاعلي متشبثين جرم حقنده اعلان ايديلان معافيتدن استفاده ايدم . کذاک تمام جرمدن صوکره سارقک وقوع ندامتيله مال مسروقک صاحبنه اعاده قلمش اولمسي مخفف جزا احوالدين ايسه ده خصوصي معروض فعل واقعدن وصف جرمينک تماميله رفع وازاله سني غير متجدر . ثالثاً : مال مسروقدن صورت انتفاعنه متداثر اولارق سارق طرفندن وقوع سرقتدن صوکره وقوع بولان افعال مختلفه فعل اصلي جرمينک تمامندن معدود اولوب يوقسه افعال متعاقبه مذکوره کرک حق تعقيبک و کرک مبدأ مرور زمانک تعييني امرنده آيري آيري وقوع بولمش افعال مستقله جرميه دن عد ايديله من [۵] .

[۱] بو بابده سرقت اولوني ادعا اولنان ورقة ک ، ولوکه ضرورته منبي اولسون ، حاملي طرفندن مظنون عليه يدينه تسليم واعطا قلنديني معترف اولمقدن صوکره آرتق ورقة ثبوتيه ک مظنون عليك فعلي ايله صاحبي يندن اخذ اولونديني ادعا اولوناميه جني منلو استعمال جبر و شدت صورتيه متعدي عليك متعرض يدينه تسليم امواله فعلاً مضطر اولماسندن غيري احواله واقع اولان تسليم وعطا قضيه سنک بو مبطله طوغريدن طوغريه مظنون عليه فعلي ايله وقوعي لازمه دن اولان اخذ کيفيتي مقامنه دخی قائم اولاميه جني ملاسه سيله اولاباده کي ماده قانونيه ک وضوح مؤدا سنه موافق کورليان اجتهاد سالف العرض مؤلف شهير [غارو] طرفندن تخطئه ايدلمشدر .

[۲] Délit instantané —

[۳] Délit continu —

[۴] — روما حقوقنجه اموال مسروقيه موضوع اولان ايداي مبطله ک تمادي سيله سرقت جرمينک دخی متادي اولديني عد اولونمقده ايدی ، بر شخصک خلاف اصول حبس و توقيف ايدلسي جرائم متجده دن ايکن بشقه سنه عائد اموالک سرقتيله بغير حق ايداي مبطله ده تمادي ضبط و توقفي جرائم آنيه دن عد اولومسي سارقلرک فعاليت متاديه مجرمانه سنه قارشو منافع اجتماعيه ک بحق تأمين محافظه سني کافل اولماسيله خصوصي معروض بعض ارباب علم حقو نظرنده موجب تأسف و شايان اصلاح نقايص عدليه دن عد اولونمقده در .

[۵] [سرقت جرمندن طولاني محکوم ايديلان بر شخصک اکال مدت جزايه ايدلمکدن صوکره دردست و توقفندن اول نقل و اخفا ايدليکي اموال مسروقه يي يرلشديرلديکي محلدن بر انتفاع اخذ ايله محل اخره نقل و اموال مذکوره به تصرف صورتنده ماده وضع يد ايلمش اولمقدن ناشي حقنده اقامه ايديلان تعقيبات جزايه نتيجه سنده فعل سرقتک اخذ و نقل کيفياتيله مقدمه کسب تماميت ايتش اولمسه و فاعل جرمک جرأت واقع سندن طولاني اولجه دوچار محکوميت اولمش ايدوکنه و انتفاع سرقتيله مظنون عايک تحت ارادته کچن اموال مأخوذنه ک امر استعمالنجه اخيراً تعاقب وتوالي ايدن افعال متعابهاک جرم ديکر تشکيل ايدميه بکده و (non bis in idem) قاعده سنجه عيني فعلدن طولاني جزاي مکرر حکم و ترتيب ايدلسي جواز قانوني خارچنده بولونمسه مني فرانسه تميز محکمه سنجه ۴ تشرين ثاني ۱۸۴۸ تاريخنده فعل مجوئدن طولاني مظنون اولان شخصک عدم مسئوليتنه قرار ويرلمش اولسي نظريه معروضه ک اجتهاد محاکم ايله تأييد ايدلي . ايلمکده در .

۹ — سرقت جرمك باشقەسنە عائد اموالك بر منوال محرر بر تقریبله اخذ اولونمسی کیفیتدن عبارت اولدینی درکار ایسهده اشبو اخذ قضیهسینک کمال قطعیت اوزره هانکی دقیقهده ختامپذیر اولدینی مادهسینده اختلاف آرا موجوددر . بومبجده درمیان اولونان اوچ رأیک برنجیسینه نظراً سرقت اولوندینی درمیان اولونان ماله محضا مظنون علیه طرفندن وضع ید اولونمسی اتمام جرم امرنده کافیدر . ایکنجیسینه کوره بو یولده باشقەسنک امواله وضع ید اولونمسی و اموال مذکورەنک بولوندینی یردن اخذ ایدیلەرک مظنون علیہک آنه کچمسی ایله سرقت جرمی اتمام ایدیلوب مظنون علیه طرفندن مراد ویا تهیسه ایدیلان محصله اموال مبجوتەنک نقل ایدلمسی دخی لازمه دندر . ارای متخالفه مذکورە بیننده برصورت ائتلافی متضمن بولونان نظریه ثالثیه کوره سرقت اولوندینی درمیان ایدیلان ماله مجرد اطاله و وضع ید ایدلمسی بو بایده کافی عد اولوناماغله برابر مال مسروقک مظنون علیه طرفندن یرلشدیرلمسی مراد ایدیلان محله قدر نقلی دخی غیر مشروطدر . رأی مذکور ایجابجه فعل سرقتک اتمام ایدلمسی ذی حق طرفندن مال مسروقک یرلشدیرلمش اولدینی محلدن قالدیرلمسی صورتیله کیفیت اخذک اتمامنه یعنی مال مأخوذک مظنون علیہک ایدی مبطله سینه کچمش اولماسنه متوقفدر .

بالاده عرض اولوندینی اوزره مجلس مبعوثان عثمانیجده در دست تدقیق اولان یکی جزا قانونی لایحه مکمله سینک [۴۰۲] نجی مادهسیله رأی ثالث ترجیح ایدلمشدر . لایحه مذکورەنک اکثر احکامنجیه مأخذی اولان ایٹالیا جزا قانوننک [۴۰۲] نجی مادهسی اساس معروضه مبتنی اولدینی مثللو جزا قانوننک مأخذی اولان فرانسه قانوننک [۳۷۹] نجی و بلجیقا جزا قانوننک [۴۶۱] نجی مادهلری متنبده نظریه مبجوتە صورت مخصوصهده مصرح دکل ایسهده مواد آنفەنک عبارات متنبهسیله مالی ضمانتاً بو معنای مفید اولدیغندن بزجه حاضرأ دخی نظریه معروضه حکمیله عمل اولونمسی حکمیات قانونیه موافقدر .

عدلیه مفتش معاونی

نیمستوقلی افقلمیریس

تصحیح

۲۳ نومرولی جریده عدلیه نک (۱۰۰۹) نجی صحیفه سینک اون برنجی سطرینک نهایتنده کی « توسیعه » کلمه سینک « توسعه » یولنده « ی » سز یازلمسی لازم کلیرکن سهو مرتب اثری اوله رق « ی » ایله یازلمش اولدیغندن تصحیح اولنور .

[۲۴] نومرولی جریده عدلیه محتویاتی

قسم رسمی

صحیفه
نومرولی
۱۲۰۵

توجیهات

تذکره سامیه

مواد قانونیه

تبلیغات عمومی

- تنسیقات قانوننه دائر
— کاتب عدل قانونی اسباب و وجیه لایحه سی
(۱) جهت ملکیده دن کوستریله چک لزوم اوزرینه سوف اولنه جق قطعات عسکریه ۱۰۳۰
حقنده کی دعاوینک محاکم عسکریه جه رؤیت و تدقیقیله حکمه ربطی لزومنه دائر تعلیمات ۱۰۲۷
(۲) مراسلات رسمیه نک ماهیتلریله اولاباده یازیلان تحریرات نومرو و تاریخلرینک سوق ورقه لرینه بجملاً شرح اولنمسی لزومنه دائر ۱۰۴۰
(۳) اورمان احراق و تخریبندن دولایی حکم اولندان جزای نقدی و بدل تضمیناتک تأدیه سینه مقتدر اولدینی حالده ویرمکدن امتناع ایدنلرک ماللرینک جزئی صورتیله تنفیذی لزومنه دائر ۱۰۴۰
(۴) اعلامات جزائیله خرجلرینک تحصیل اموال قانوننه توفیقاً جیایت اولنه جفته دائر ۱۰۴۱
(۵) جزای نقدیه متدائر محالس بلدیهدن صادر اولان مقرراتک محللری اجرا دائره لری معرفتیله تنفیذی لزومنه دائر ۱۰۴۲
محکمه تمیز استعداده سی مقرراتی - (۶) اشائی محاکمه ابتدائیده مقدمه بینه ابراز اولندینی تقدیرده محکمه حقوقه مراجعت ایتمک اوزره مهل مناسب اعطاسیله کیفیتک مراجع محاکمه سینه سوق لازم کلیرکن محکمه بدایتجه صلاحیت خارجنده اولوب اولاماسینک تدقیق ایدلیرکنه دائر ۱۰۴۳
(۲) قضا محاکمی نزدنده مدعی عمومی و کالنتک ضابطه مأموری طرفندن ابقایی لزومنه دائر ۱۰۴۴
محکمه تمیز حقوق دائره سی مقرراتی - (۱) دعوی قریه اهالی عمومیته سی نامنه اقامه اولنش اولسنه کوره توجه خصوصت ایچون اهالی قریه نک قوم محصور اولوب اولدینی تدقیق لزومنه دائر ۱۰۴۶
(۲) اراضیده صاحب ارضک اذن لاحق اولیه رق عقد اولنان صلحک معتبر اولمادیغه دائر ۱۰۴۷
(۳) مدیونک شخص ثالث یدنده ویا ذمتنده مالی ویا آلاجنی اولدینی تقدیرده شخص ثالثک مسئولیتی لازم کله چکنه دائر ۱۰۴۹
محکمه تمیز جزا دائره سی مقرراتی (۱) باتهور قتل البدیکی ثابت اولمش و اعلام سابق فصلنده قتل قصدی بولندیغندن دولایی نقض ایدلمش ایکن اصرار اولنیه رق کفافی السابق ضرباً قاتل اولتی اوزره تجریم ایدلمسی نقض حکمی مستلزم اولدیغه دائر ۱۰۵۱
(۲) اعلام سابقک غیر منقوض قسمنک خلاصه اولسون اعلام اخیره درج ایدلمسی نقض حکمی مستلزم اولدیغه دائر ۱۰۵۲
— (۱) تحویل و ترقیع مأموریت ایدن کیسه لره بشارک کفیل ارائه سینه مجبور اولدیلرینه دائر ۱۰۵۳

انجمن عدلیه مقرراتی

- (۲) خرجی عندالاجرا اسقیفا اولتی اوزره تأجیلی حکم قانون قضااسندن بولنان دعاوی اعلامنک حین تمیزنده کفالت سندی تصدیق خرجنک ده تأجیلی اقتضا ایتدیکنه دائر . ۱۰۵۴
- فخری معملک عنوانی توجیهی حقنده معارف نظارت جلیله سندن باش مدعی عمومی مدوح بک افندی حضرتلرینه تسطیر بیوریلان تذکره صورتی ۱۰۵۵
- (۱) کیوه قضاسی مدعی عمومی معاونی فاضل افندیکنک تحت محاکمه آلدیغنه دائر ۱۰۵۶
- (۲) برغمه مستنطق سلیمان سری افندیکنک محاکمه آلتنه آلدیغنه دائر . ۱۰۵۶
- (۳) رفاهیه مستنطق پلوص ومعاونی احمد ذکی افندیلرک تحت محاکمه آلدیقلرینه دائر . ۱۰۵۶
- کلنار قضاسی ناآچی و بدایت محکمه سی رئیس سابق علی عطا ومستنطق معاونی اسماعیل افندیلرک تحت محاکمه آلدیغنه دائر . ۱۰۵۶
- (۵) دوه لو بدایت محکمه سی اعضای سابقه سندن مستنطق ابراهیم افندیکنک تحت محاکمه آلدیغنه دائر . ۱۰۵۶
- (۶) ناصره قضاسی مستنطقی اعضادن جورجی افندیکنک محاکمه آلتنه آلدیغنه دائر . ۱۰۵۶
- (۷) بنی صعب جزا ریسی خالد افندیکنک تحت محاکمه آلدیغنه دائر . ۱۰۵۶

معاملات التباهیه

قسم غیر رسمی

- | | | |
|------|---|-------------------------------|
| ۱۰۵۷ | محکمه تمیز حقوق دائره سی رئیس حیدر افندی حضرتلرینک | اصول استماع دعوی (مابعد) |
| ۱۰۶۹ | محکمه تمیز جزا دائره سی رئیس عثمان بک افندیکنک | بیع مرابحه ونولیت ووضیعه دائر |
| ۱۰۷۵ | محکمه تمیز حقوق دائره سی اعضاسندن برهکت زاده اسماعیل حق بک افندیکنک | مرور زمان حقنده |
| ۱۰۷۵ | محکمه تمیز جزا دائره سی اعضاسندن طائیوس رفی افندیکنک | توقیف اشخاصه دائر |
| ۱۰۷۸ | عدایه مفتش معاونلرندن تیمستوقلی افندیکنک | سرقت حقنده |
| ۱۰۸۰ | تصحیح | |

اعلان

اوجیوز یکریمی آلتی سنه سی تموزینک اون طقوزنجی بازار ایرتسی کیجه سی بستانجیده آق بیکار قربنده بغداد جاده سنده کاش طریق متعهدی محمد افندیکنک خانه سنه زردبان دایامق صورتیه بالدخول معلوم المقدار اچمه وزیقیمت اشیاسنی سرقت ایتدیکی ادعاسندن طولانی مظنون علیه اولوب هیئت اتهامیه جه جنایتله اتهام اوله زرق حقنده اخذ و گرفت امری ویرلمش اولان و سلطان سلیمده حاجبی چشمه سنده ساکن عدلیه کابلکندن متقاعد سلیم افندیکنک خانه سنده اقامت ایتدیکده ایکن فرار ایدن اورته بویلی طیقنازجه وجودلی سیاه صقال و بیقلی و صاغ ایانی طوبال مومی الیه محمد افندیکنک قائم برادری قرق یاشنده اینه بویلی توفیق بن مصطفی الیوم اثبات وجود ایتهمش اولدیغندن اصول محاکمات جزائییه قانوننک اوجیوز یتش برنجی ماده سی موجبجه محکمه یه کلسی ایچون اشبو تاریخدن اعتباراً جانب ریاستدن مجدداً اون کون مهل ویرلمکله اشبو مدت ظرفنده کلدیکی حالد کندوسنه قانونه اطاعت ایتهمش نظریله باقیله رق محاکمه سنک غیاباً بالرؤیه حقوق مدنیهدن اسقاط واموالی حجز اولنه جغنی وبواننده برکونه دعوی اقامه سنه حق اوله میه جغنی وعلیهنده دعوایه قیام ایدیه جکی کبی بولندیغنی محلی بیلدرک خبر ویرمکه و بالمله ضابطه عدلیه مأمورلرینک کندوسنی در دست ایتکه مجبور اولدقلرینی مبین اشبو قرارنامه اصول محاکمات جزائییه قانوننک اوجیوز یتش ایکنجی ماده سندن استنباط اولنان احکامه توفیقاً تنظیم ومعامله حجزیه حقنده تبلیغات مقتضیه سنک اجرا وسائر معاملات ایفا اولتیق ایچون نسخه کافیه سی مدعی عمومیلکه تودیع قلندیغنی اعلان اولنور .

اوجیوز یکریمی آلتی سنه سی حزیراننک یکریمی اوجنجی چهارشنبه کونی ایشامی جغال اوغلنده حمام زقاندنه کاش محمدعلی بکک خانه سنه سرقت قصدیه و آلت مخصوصه استعمالیه دخول کیفیتنک حس ایدلمسی اوزرینه استحصال مقصد ایدمه مدکلری ادعاسیله مهم بولنانلردن اقامتکاهی و صفی غیر معلوم اوزونجه بویلی سیاه بیقلی اسمر بکزیلی سیاه ستره و بانطولونلی اولوب اوراق تحقیقه ده کی ضبط ورقه سی مندرجاتندن اکلاشیلان یکریمی سکیز یاشلرند قظه دلخف حقنده اصول محاکمات جزائییه قانوننک ۳۷۱ نجی ماده سی موجبجه معامله مقتضیه ایفا و محاکمه غیابه سی بالاجرا نتیجه سنده مرقومک فعل مذکوره جرأتی ثابت اوله رق قانون جزانک ایکیوز یکریمی ایکنجی ماده سی حکمنه توفیقاً اوج سنه مدته قولسنه و اوتوز برنجی ماده منظوقنجه حقوق مدنیهدن اسقاطیه اموال محجوزه سنک اداره ایتدیرلمسنه محکمه جنایتدن حکم اولنمش و اصول محاکمات جزائییه قانوننک ۳۷۷ و ۳۷۸ و ۳۸۱ نجی ماده لرله مواد سائرده سی احکامنه توفیق معامله اولنمش مرجعه بیلدرلمش اولمغه مذکور ۳۷۸ نجی ماده نک جمله احکامندن اولدیغنی وجهله اعلان کیفیته ایتدار قلندی .

سرقت جبری ماده سندن طولانی مظنون اولان و هیئت اتهامیه دن غیاباً جنایتله اتهام ایدیلن فراری میخالیج قضاسنک دونیه قریه سندن چرکس ایتک بک اوغلی قابولان آلان اله کچوریه مدیکندن اصول

محاکات جزائیہ قانون موقتک ۳۷۷ نجی ماده سی حکمنه توفیقاً قانونه اطاعتله محکمه یه کلک اوزره تاریخدن اعتباراً جانب ریاستدن فراری مرقومه اون کون مساعده ویرلمش اولغله مدت مذکورہ ظرفسده محکمه یه کلدیکی حالده قانونه اطاعت ایتماش نظریله باقیله رق محاکمه غیابیہ سی بالاجرا حقوق مدنیہ دن اسقاط اولنه جنی مثللو اموالی دخی حجز ایدیله چکی و بواثانده برکونه دعوا یه حتی اوله میه جنی و مرقومک بولندینی محلی بیلنلر خبر ویرمه و بالجله ضابطه عدلیه مأمورلرینک دخی مرقومی اخذ و گرفت ایتکه مجبور اولدقلری و فراری مرقوم حقنده در سعادت هیئت اتهامیه سندن اخذ و گرفت امری اعطا قلنمش اولدینی بیانیه اعلان کیفیت اولنور .

**

اوچیور یکریمی التی سنه سی تموزینک اون یدنجی کونی ساعت اوچ بچق راده لرنده قتل قصدیه خاریلا- نوسه سلاح انداخت و قوچوی جرح ایتکه مظلون علیه اولوب حال فرارده و اوصاف و اشکالی غیر مضبوط اولان تبعه یونانیه دن بک اوغلنده یازیچی زقاغنده موسوی راشک خانه سنده مقیم لیموقوندوروس یورکی ولد یانینک اصول محاکات جزائیہ قانوننک مواد مخصوصه سی احکامنه توفیقاً جنایت محکمه سنده محاکمه سی اجرا قلنمق اوزره قانون جزانک یوز سکسانجی ماده سی موجب جنایتله اتهامه قرار ویرلدیکندن مرقومک هر زرده کوریلور ایسه طوتیلوب محکمه مذکورده توفیخ خانه سنه تسلیمی لازم کله چکی بالجله ضابطه عدلیه مأمورلرینک معلومی اولق اوزره اشبو اخذ و گرفت مذکورده سی در سعادت هیئت اتهامیه سندن بالتظلم اعطا قلندی .

**

بیک اوچیوزیکریمی التی سنه سی تموزینک اون التنجی جمعه کونی قلعه سلطانیه قصبه سنک چنارلق محله سی ساکنلرندن قصاب عاشر ولد موردخانی جرح و قتل ایتدیکی ادعاسیله مظلون علیه اولوب عقیب وقعه ده فرار ایدرک الآن وادی فرارده بولنان قصبه مذکورده دن اوزونجه بویلی دوزاللی بیوک یاصی برونی الاکوزلی بیوک اغزلی طوبارلاق چکلی سیامچاتیق قاشلی سیاه صاجلی اسمربکیزی اوتوزیدی یاشنده قصاب قره قاش سالوم ولد یاسف جنایتله اتهام ایدلمش اولدیغندن مرقوم سالوم قانونه اطاعتله محکمه یه کلکی ایچون جانب ریاستدن کندوسنه مجدداً اون کون مهل ویرلمش اولدیغندن مهل مذکور طرفنده مرقوم اجابت ایتدیکی تقدیرده قانونه اطاعت ایتماش نظریله باقیله رق محاکمه سی غیاباً بالاجرا حقوق مدنیہ دن اسقاط و اموالی حجز ایدیله چکی کبی بوبابده کندوسنک برکون ادعایه حتی اوله میه جنی و مرقومک بولندینی محلی بیلنلر خبر ویرمه و بالجله ضابطه عدلیه مأمورلرینک مرقومی در دست ایتکه مجبور بولندقلری کبی معاملات حجزیه حقنده دخی مدعی عمومیلکه تبلیغات مقتضیه اجرا ایدلدیکی جهته اصول محاکات جزائیہ قانوننک اوچیوز یتیش بر و اوچیوز یتیش ایکنجی ماده لرندن استنباط اولنان احکامه توفیقاً اشبو قرارنامه بالتظلم اعلان اولنور .

بحر سیاه ارکلی قصبه سنده مقیم تجاردن دامبانوسک فرونجی حسین زاده لر شرکاسیله کفلاسی ذمتلرنده بااعلام محکوم به مبالغ معلومه نک تأمین استیفاسی ایچون قبل الحکم تحت حجزه الثان کفلادن ارکلی قصبه سنده مقیم حاجی سلیمان زاده محی الدین افندینک طرفلری اجراجه مضبوط ارکلی چارشوسنده نصف قهوه خانه و قیوجقده واقع بر باب خانه و یکی چارشوده مستقل قهوه خانه و کلیسا جاده سنده بشیوز یتیش زراع عرصه و یکی محله ده بر قطعه ترلا و بوزخانه چارشوسنده یوز قرق درت زراع عرصه یکی محله ده واقع بر باب کارگیر خانه و قوزلی موقعنده بر باب کارگیر خانه و كذلك مع عرصه بر باب دکان و کذا مجدد منزلخانه و زونغولدا قده الماجقده نصف عرصه ده اولان یوز قرق درت سهم اعتباریله قرق بر سهمی و دیگر کفیل حاجی احمدک اراسته چارشوسنده نصف دکان و دیگر حاجی حسنک بر باب خانه سی تاریخ اعلاندن اعتباراً اون بش کون صوکره بالمزایده فروخت اولنه جغندن طالب اولانلرک ارکلی اجرا دائره سیله منادی علی اغایه مراجعت ایتلری اعلان اولنور .

**

ارکلی قوجه عثمان اوغلی منلا محمد ایله رفقا سنک یغلیجه اورماندن بلا رخصت قطع ایدرک بولی جزا محکمه سنجه مصادره و فروخته قرار ویریلان بیک یوز عدد معمول فوچی تخته سنک شرائط لازمه ایله بولی اجرا دائره سنجه تاریخ اعلاندن اعتباراً اون بش کون صوکره بالمزایده فروخت اولنه جغندن طالب اولانلر و زیاده معلومات المق ایستینلرک دائره مذکورده مراجعت ایتلری اعلان اولنور .

**

چتالجه قصبه سنده امراء چاوشک قصبه مرقومه لی دکرمانجی علی ذمتده الاجنی اولان مبالغ نک تأمین استیفاسی ضمننده مدیون مرقومک چتالجه قصبه سی دروننده متصرف بولندینی بر باب سازدن معمول کلبه نک تاریخ اعلاندن اعتباراً اون بش کون صوکره بالمزایده فروخته تشبث اولنه جغندن طالب اولانلرک چتالجه اجرا دائره سنه مراجعت ایتلری اعلان اولنور .

**

امینه بییه خانمک عهده سنده اولوب متوفی ابراهیم اغا ایتامنه اولان دخی مقابلنده مرهون و فروختی بااعلام محکوم بولنان چارشوی کیرده یورغانجیلر جاده سنده علی پاشا خانی تحتنده واقع آلتش یدی و آلتش طقوز نومرولر ایله مرقم مقدما ایکی الیوم بر باب وقف یمینیجی دکانی دروننده موجود بین الاصناف کدک تعبیر اولنور وقف الات لازمه معلومه نک نصف حصه شایعه سی آلتش برکون مدته اجرا قلنان مزایده علیه نتیجه سنده لیرای عثمانی یوزغروش حسابیله ایکی بیک بشیوز غرو شده داین عهده سنده تقرر ایدرک موقت قراردادده سی کشیده قلنمش اولدیغندن یوزده بش ضمیله طالب اولانلرک تاریخ اعلاندن اعتباراً اوتوز برکون طرفنده دائره اجرایه مراجعت ایتلری و مدت مذکورده نک ختامه مصادف اولان کونده ساعت سکز راده لرنده مذکور دکان مأموری مواجهه سنده حاضر بولنلری اعلامات شرعیه اجرا دائره سندن اعلان اولنور .

اوچيوز يكرمی آتی سنه سی حزرانك يكرمی اوچنجی چهارشنبه کونی اقشامی جغلی اوغلنده حمام زقاغنده کائن محمد علی بک خان سنه سرقت قصدیه و آلت مخصوصه استعمالیه دخول کیفیتك حس ایدلسی اوزرینه استحصال مقصد ایده مدکلری ادعاسیله متهم بولنانلردن اقامتکاهی و صنعتی غیر معلوم اوزونجه بویلی سیاه بیقلی اسمر بکزیلی سیاه سستره و بانطولونلی اولوب اوراق تحقیقه ده کی ضبط ورقه سی مندرجاتندن اکلایشیلن یکرمی سکز یاشلرنده قطه دالچف حقدنه اصول محاکات جزائیة قانونك ۳۷۱ نجی ماده سی موجبجه معامله مقتضیه ایفا و محاکمه غیابه سی بالاجرا نتیجه سنده مرقومك فعل مذ کوره جرأئی ثابت اوله رق قانون جزانك ایکيوز يكرمی ايکنجی ماده سی حکمنه توفیقاً اوچ سنه مدته کورکه قولسنه و اوتوز برنجی ماده منطوقجه حقوق مدنيه دن اسقاطيله اموال محجوزه سنك اداره ايتديرلسنه محکمه جنایتده حکم اولنش و اصول محاکات جزائیة قانونك ۳۷۷ و ۳۷۸ و ۳۸۱ نجی ماده لريله مواد سائرہ سی احکامنه توفیق معامله اولنسی مرجعه بیلدیرلش اولمغله مذ کور ۳۷۸ نجی ماده نك جمله احکامندن اولدینی وجهله اعلان کیفیته ابتدار قلندی .

بکقوزه تابع انجیر قریه سنده ساکن بالقجی آتش علی اغانك قریه مذ کورده ساکنه شا کره خاتم ذمتده برقطعه اعلام موجبجه الاجنی اولان مبالغ معلومه نك تأمین استیفاسی ضمنتده مدیونه مومی الیهانك عهده تصرفده اولوب تحت حجزه الديرلش اولان قریه مذ کورده سلطانیه موقعنده ۷۱ نومرولی چالیمقده یکرمی یدی حصه اعتباریه مزبوریه عائد چالیمقك ایکيوزاللی غروشدہ طابی عهده سنده تقرر ایدرك قرار داده موقعه سی کشیده قلنمش اولدیغندن یوزده بش ضمی ایچون اوتوزر کون ظرفنده بکقوز اجرا دائره سنه و یاخود اجرا منادیس بکقوزده ساکن کامل اغیه مراجعت اولنسی اعلان اولنور .

اردك یوقارو یابوجی قریه سنندن استاوری قیرچونك قریه مرقومه دن یناقو اوغلی واسیل ذمتده محکوم به الاجنی اولان معلوم المقدار مبالغك تأمین استیفاسی ضمنتده مدیون مرقومك حجز ایدیلرک موقع مزایده قونیلان قریه مذ کورک بلقیس موقعنده کائن معلوم الحدود بر بچق دونم باغ وزیتونلکی التیوز و قریه جوارنده ایکی اولك بغچه سی اوچيوز التمش و قریه نك قره قوش موقعنده کی طوتلغی یدیوز الی غروشدہ مشتریسی عهده سنده تقرر ایتش اولدیغندن یوزده بش ضمله زیاده به طالب اولانلرک اردك اجرا دائره سنه مراجعت ایلری اعلان اولنور .

نشان طاشنده بکجی زقاغنده کائن دیقران ، آغوب ، بحری خانه لردن آلت مخصوصه استعمالیه سرقت ایقاعنه تصدی ایلدکلری حالدہ اسباب مانعه خیلوتیله ماده سرقتی فعله چیقارمه دکلری ادعاسیله متهم بولنانلردن غلطده خفاقلر ایچریسنده طوغری یولده قبو ایچنده ایرانی نورینك قهوه خانه سننده بیتوت ایتکده ایکن

فرار ایدن و مقدا خورکارلقله مشغول اولوب اخیراً بوشده کز مکده اولان اورته بویلی سیاه صاچلی و بیقلی تراش چکللی قرق یدی یاشلرنده سالانیکلی خره لامبو ولد یانی حقدنه اصول محاکات جزائیة قانونك اوچيوز یتش یدنجی ماده سی موجبجه معامله مقتضیه ایفا و محاکمه غیابه سی بالاجرا نتیجه سنده مرقومك فعل مذ کوره جرأئی ثابت اوله رق قانون جزانك ایکيوز يكرمی ماده سی توفیقاً اوچ سنه مدته کورکه قولسنه و اوتوز برنجی ماده منطوقجه حقوق مدنيه دن اسقاطيله اموال محجوزه سنك اصولی دائره سنده اداره ايتديرلسنه محکمه جنایتده حکم اولنش و اصول محاکات جزائیة قانونك اوچيوز یتش یدی و اوچيوز یتش سکز و اوچيوز سکسان برنجی ماده لريله مواد سائرہ سی احکامنه توفیق معامله اولنسی مرجعه بیلدیرلش اولمغله مذ کور اوچيوز یتش سکزنجی ماده نك جمله احکامندن اولدینی اوزره اعلان کیفیته ابتدار قلندی .

مسکوکات اداره سنندن التون سرقت ایتکله مظنون علیه اولوب غیر موقوف بولنان یکی باغچه ده نقاش پاشا محله سنده همت زاده درکاه شریفی زقاغنده اون اوچ نومرولی عرب قادینك خانه سنده ساکن اشقودره لی عبده افندی بن آدمك اصول محاکات جزائیة قانونك مواد مخصوصه سی احکامنه توفیقاً درسعادت جنایت محکمه سنده محاکمه سی اجرا قلنمق اوزره قانون جزانك سکسان ایکنجی ماده سی موجبجه جنایتله اتهامه قرار ویرلدیکنندن مرقومك هر نرده کوریلور ایسه طوتیلوب محکمه مذ کوره توقیفخانه سنه تسلیمی لازمکله چکی بالجمله ضابطه عدلیه مأمورلرینك معلومی اولمق اوزره اشبو اخذ و گرفت مذ کوره سی درسعادت هیئت اتهامیه سنندن بالتنظیم اعطا قیلندی .

جون وافیادیسك اليوم اقامتکاهی مجهول صدر اسبق کامل پاشا مخدومی سعید افندیك ذمتده ایکنجی محکمه تجارتدن ویریلوب ۲۵ تشرین اول سنه ۳۲۶ تاریخده اعلاناً تبلیغی اجرا قلنمش اولان ۱۱ ایلول سنه ۳۲۶ تاریخ ۶۳۳ نومرولو اعلام غیابی موجبجه الهجنی اولان ایکی یوز طقسان بر بچق فرانك مع فایض و مصارف محاکمه و اجرائیه تسویه سنه دعوتی متضمن اولان برنجی اخبار نامه نك اعلاناً تبلیغی داین وکیلی طرفندن طلب واستدعا قلنمش اولمغله اشبو تشرین ثانی رومینك برنجی بازار ایرتسی کونندن اعتباراً طقسان برکونه قدر محکوم علیه مومی الیهك اثبات وجود ایدرك تسویه دین ایلمسی و یاخود قانوناً قبوله شایان برادعاسی اولدینی حالدہ تحریراً بیان ایتسی و عکس تقدیرده الاجقلو طرفندن واقع اوله جق طاب و تشبث اوزرینه معامله قانونیه نك اجرا اولنه جنی معلومی اولمق اوزره تنظیم قلنسان اشبو برنجی اخبار نامه اصول حقوقیه قانونك يكرمی التجی و اجرا قانونك يكرمی طقوزنجی ماده لرینه توفیقاً غائب مومی الیه سعید افندی به تبلیغ اولنش عد اولنمق اوزه محکمه تجارت اجرا دائره سی دیوانخانه سنه تعلیق اولدینی کی غزته لرله دخی اعلانه مبادرت قلندی .

غلطه ده حمام زقاغنده ساکن ایکن تجارت بحریه محکمه سندن افلاسنه حکم اولنش اولان کورجی قوری چایی اوغلی علی اغانک خصوصات افلاسیه سنک رؤیت و تسویه سی ضمننده دعوی وکیللرندن نشأت بک اصاله سنديک تعیین قلمش اولدقلرندن مفلس مرقوم ذمتنده آله جنی اولانلرک قانوننامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکرمی برکون ظرفنده سنداتی محکمه کاتبه تسلیم ایللری ومدت مذکوره ختامندن صکره اوچ کونده یعنی تشرین ثانی رومینک اوتوزنجی صالی وکانون اول رومینک برنجی چهارشنبه وایکنجی پنجشنبه کونلرنده تجارت بحریه محکمه سنک افلاس اوطه سنه کله رک سنديک افندیلر مواجهه سنده آله جقلرینی اثبات و قید و تصدیق ایتدیرملری ومدت مذکوره اثبات وجود ایدمه میان آله جقلولر حقنده قانون مذکورک ۲۱۰ نجی ماده سنه توفیقاً معامله اولنه جنی اعلان اولنور .

حزرا فطنت خانمک مهلهل بک علینه استحصال ایلدیکی متعدد اعلامات مصارف محاکمه سیله اجرا مصارفک تأمین استیفاسی ضمننده مديون مومی الهک عهده تصرفنده اولوب تحت حمزه آلان فریکوینده بیله زنجی وشاهین سوقاقلرنده کائن سلطان بازید خان وقفندن غیرمقرز برقطعه عرصه ده آلتش اوچ سهم اعتباریه اون اوچ سهم حصه شایعه سی تاریخ اعلاندن اعتباراً اون بش کون صکره بالمزایده فروخت اولنه جغندن طالب اولوب دهها زیاده معلومات الحق ایستیانلرک بک اوغلی اجرا دائره سنه مراجعت ایللری اعلان اولنور .

خلیل بک افندینک محمد شکری افندی زوجه سی خدیجه ملک خانم ذمتلرنده اسکدار بدایت محکمه سی حقوق دائره سی اعلامیه محکوم به آله جنی اولان مبالغک تأمین استیفاسی ضمننده تحت حمزه آلان مديون مومی الهمادن محمد افندینک متصرف اولدینی چنک قریه سنده ترلاباشی سوقاغنده مکرر یوز اوچ نومرولی برطرفی روم مزارلنی وبرطرفی مورالی جلال بک وارثلری عرصه سی وبرطرفی کوچه اوغلارینک باغچه سی و طرف رابی طریق عام ایله محدود دروننده صوخزینه سی مشتمل تخمیناً دوت بیک زراع حراب باغ محلی لدی المزیاده اون بش بیک غروش التون اچه بدل ایله طالبی عهده سنده تقرر ایدرک موقت قرار داده سی کشیده قلندیغندن تاریخ اعلاندن اعتباراً اوتوز برکون ظرفنده لاقل یوزده بش ضمیله طالب اولنلرک یوزده اون بش نسبتنده کی دیپوزیتو اچه لرینی مستصحباً اسکدار اجرا دائره سنه مراجعت ایللری ومدت مذکوره ختامنده یعنی شهر کانون اولک اوننجی جمعه کونی ساعت یدی راده لرنده صوک مزایده علنیه سی اجرا وقرار دادۀ قطعی کشیده قلمق اوزره مارالذکر املاک مذکوره پیشکاهنده مأموری مواجهه سنده حاضر بولنلری اسکدار اجرا دائره سندن اعلان اولنور

دیتمری پاپاس اوغلینک حمله جی مصطفی افندی ذمتنده ایکنجی تجارت اعلامیه محکوم به مطلوبی اولان مبالغ معلومه نک تأمین تسویه سیچون اسکدارده سلمان اغا محله سنده محکمه زوقاغنده واقع علی النخمینا وچیز

اللی زراع مقداری عرصه ده اخشاب اوله رق مینی وتختنده اوتوز اوچ نومرو وقرق غروش ایجاره متحمل مسدود برباب آخور و اوتوز اوچ نومرولو سکسان غروش ایجارلو حلاج و اوتوز بش نومرولو اللی غروش ایجار و مرانغوز دکالریخی و دروننده برصو قیوسی وبرمقدار بغچه یی مشتمل یدی اوطه ایکی صفه یی حاوی اوتوز یدی نومرولو صرف ملک بر باب خانه ده اوتوز الی حصه اعتباریه متوفای مومی الیه نامنه مقید اولوب ورثه سنه انتقالی لازم کلان الی حصه سی بوندن اقدم موقع مزایده یه قونیلهرق عثمانلی لیراسی یوز غروش حسابیه بشیک غروشه طالبی عهده سنده قالمش واشبو شهر تشرین ثانینک ۵ نجی جمعه کونلرندن اوتوز برکون صکره یعنی کله جک کانون اولک ۶ نجی بازار ایرتسی کونی ساعت سکزه قدر یوزده بش ضم قبول اولنسی مقرر بولنش اولدیغندن یوزده بش ضمیله حصه مذکوره یه طالب اولنلرک ودهها زیاده معلومات الحق ایستیانلرک بدل مزایده نک عشرینه مساوی پی اجه سیله برابر مدت مذکوره ظرفنده محکمه تجارت اجرا دائره سنه مراجعت ایللری ویوم ووقت مزبورده محلنده املاک مذکور پیشکاهنده مأموری مواجهه سنده وفرداسی کونی دخی دائره اجراده حاضر بولنلاری دائره مذکورندن اعلان اولنور .

بک اوغلنده ترلا باشنده چقور فرونده ساکن ایکن تجارت بحریه محکمه سندن افلاسنه حکم اولنش اولان اتمکچی خرستومقری ذمتنده آله جنی اثبات و یا موقتاً قبول وقید ایتدیرمش اولان آله جقلولرک قانوننامه تجارتک ۲۱۱ و آتی ولی ایدن ماده سی موجبجه مفلس طرفندن تکلیف اولنه جق قونقورداتونک مذاکره سی ایچون اشبو تشرین ثانینک اون سکزننجی پنجشنبه کوننده محکمه مذکوره نک افلاس اوطه سنه کللری اعلان اولنور .

بانق عثمانینک رایف اغا زاده حسین بک ذمتنده محکمه تجارت بحریه اعلامیه محکوم به مطلوبی اولان مبالغ معلومه نک تأمین تسویه سیچون قلم پاشاده جامع شریف محله سنده مدرسه زقاغنده ایکی نومرولو خانه وفوقنده کائن اونبر اوطه ومشمولات سائرہ یی حاوی دوت نومرولو کارگیر ابنیه وطقوز واون اونبر نومرولو عرصه لر ایله اون اوچ نومرولو قویو محلی وبری اون بش نومرولو ایکی کهنه اوطه یی و دیگر یی اون یدی نومرولو اوچ اوطه ومشمولات سائرہ یی حاوی ایکی باب اخشاب خانه ویکرمی طقوز نومرولو قادیلره مخصوص حمام قپوسنی مشتمل محل مذکوره یه نخیلر جاده سنده ۲۶ نومرولو حمام ملکیه دروننده مستقر کدکه مديون مومی الهک متصرف اولدینی ربع حصه لرله قاضی قریه سنده عثمان اغا محله سنده سکودلی چشمه جاده سنده مقدما مکرر طقسان اوچ نومرولو عرصه الیوم ۱۰۰ نومرو ایله مرقم ۲ سالون ۷ اوطه بر مطبخ وایکی کیلار بر صهرنج وبرقیو وبر مقدار باغچه وتختنده ۹۹ نومرولی بقال دکانی ومشمولات سائرہ یی حاوی شهری بش بحق لیرا ایجار کتورر کارگیر برباب خانه تمامی وینه مذکور محله حمام زقاغنده ۱۹ نومرو ایله مرقم اودنلق محلی ومشمولات سائرہ یی حاوی سکودلو چشمه جاده سنده ۴۲ نومرولو حمام

ملکیله دروننده متقرر کدکه نصف حصه لری بوندن اقدم موقع مزایده به قونیله رقی عثمانی لیرسی یوز غروش حسابیله قاسم پاشاده حمام و مشتملاتنک ربع حصه لری ۳۰۰۰۰ وینه محل مذکورده کارگیر قهوه خانه و او طه لری ربع حصه سی ۱۰۰۰۰ و قاضی قریه سنده حمام و مشتملاتی نصف حصه سی ۲۵۰۰۰ و مع دکان خاننک تمامی ۵۵۰۰۰ غروشده طالبی عهده سنده قالمش اشبو تشرین ثانیکن یکرمی ایکنجی بازار ایرتسی کونی قرار قطعینسک اعطاسی مقرر بولنش اولدینندن اشتراسنه طالب اولنلرک ودها زیاده معلومات المق استیانلرک بدل مزایده نک عشرینه مساوی پی اچیه سیله برابر یوم مذکورده ساعت یدی بچقندن اونه قدر محکمه تجارت اجراء دهره سینه مراجعت ایملری دائره مذکورده اعلان اولنور .

سلطان احمدده مکتب بغچه سی قارشوسنده بقال اصنافدن اسماعیل حق افندینک استانبولده باب عالی جاده سنده مسرت آپارتماننده مقیم ایکن چیقوب زریه کیتدیکی مجهول ایدوکی بوکره ایران دولتنک درسعادت قونسلاتوسنجه اعطا ایدیلان تقریرده بیان قلنان دولت مشار الیها تبعه سندن مدعی علیه حیدرخان علیهنه یکرمی بر عدد لیرای عثمانینک تحصیلنه دائر درسعادت بدایت محکمه سی ایکنجی حقوق دائره سندن فی ۲۳ حمادی اول سنه ۱۳۲۸ و فی ۲۰ مایس سنه ۱۳۲۶ تاریخ والی یوز سکسان سکیز عددیه استحصال ایلدیکی اعلام غیاینک بر قطعه صورت مصدقه سی مرقوم حیدر خانک اقامتکاهی مجهول اولسنه بناء اصول محاکمه حقوقیه قانوننک یوز قرق طقوزنجی ماده سنک فقره اخیرهنه توفیقاً محکمه دیوانخانه سینه تعلیق قلمش اولغله اعلاناً تبلیغ کیفیته ابتدار قلندی .

چارشو قبوسنده سبتجی خاننده مقیم خفایه تجارندن قارینک قوافیان افندینک استانبولده کدک پاشاده علی بک یوقوشنده دو قنور قصابیان افندینک خانه سی قارشوسنده واقع اون الی نومرولی خانه ده مقیم و خانه مذکورده به متصرف ایکن اخیراً غیوبته الیوم اقامتکاهی مجهول اولدینی خبر ویریلان ارتین اقایان افندی علیهنه تجارت بحریه محکمه سنده اقامه ایلدیکی امتعه تجاریه دن متولد طقسان عدد لیرای عثمانی الاجق دعواسی اشبو اوچوز یکرمی الی سنه سی تشرین ثانیسنک یکرمی اوچنجی صالی کونی بعد الزوال ساعت بر بچقده فصل ورؤیت اولنه جقندن مومی الیه ارتین اقایان افندینک یوم ووقت مذکورده محکمه ده حاضر بولنسی ویاخود مصدق بر وکیل کوندرمی لازم کلدیکی و شاید کز ویا وکیل کوندرمنسه حقنده معامله غیایه اجرا قلنه جنی معلوم اولق اوزره تنظیم اولنان دعوتیه اصول محاکمه حقوقیه قانوننک یکرمی التبیج ماده سی احکامنه توفیقاً محکمه دیوانخانه سینه تعلیق اولدینی کبی اوراق حوادثله دخی اعلاننه ابتدار قلندی .

بالوصایه مدعی علیه کوچک ایاصوفیه محله سنده چیقماز سوقاغنده بلانومرو خانه ده ساکن احمد افندی

زوجه سی امینه خانمک شمس الدین وصلاح الدین افندیلرله مقدما دفتر خاقانی محولات اداره سی دردنجی شعبه باشکابی ایکن الیوم اقامتکاهی مجهول بولنان عبداللطیف مظهر افندی ذمتلرنده بالوصایه الهجنی اولان بیک قرق درت غروشک تحصیلنه دائر درسعادت بدایت محکمه سی ایکنجی حقوق دائره سندن استحصال ایلدیکی ۳۰ تشرین اول سنه ۳۲۶ تاریخ وایکی بیک طقسان الی نومرولی اعلام غیاینک بر قطعه صورت مصدقه سی مومی الیه عبداللطیف مظهر افندینک اقامتکاهی مجهول اولسندن طولای اصول محاکمه حقوق قانوننک یوز قرق طقوزنجی ماده سنک فقره اخیرهنه توفیقاً محکمه دیوانخانه سینه تعلیق قلمش اولدینندن کیفیتک اعلاننه ابتدار قلندی .

صراف خرملبوس پایا دو بولوس افندینک روسیه دولتی تبعه سندن و تجارندن حاجی عبدالرحیم بن احمد افندی ذمتنده برنجی محکمه تجارت اعلامیه محکوم به مطلوبی اولان مبالغ معلومه نک بر موجب اعلام تأمین تسویه سیچون مدیون مومی الیه عهده تصرفنده اولوب محجوز و فروختی مقرر بولسان لاله لیده قیوچی بخشایش محله سنده یشیل طلومبه زقاغنده اون طقوز نومرو ودرت قات اوزرینه مبنی طقوز او طه وایکی سالون و مطبخ وفرنک طلومبه لی قیوی وایروجه تر قوس صوینی و مشتملات سائرینی حاوی حرم سلاملق الوریلی معلوم الحدود بر باب مع باغچه خانه اشبو شهر تشرین ثانیکن اوننجی چهارشنبه کوندن اعتباراً اون بش کون صکره موقع مزایده به وضع ایدیه جکندن اشتراسنه طالب اولنلرک ودها زیاده معلومات المق استیانلرک محکمه تجارت اجرا دائره سینه مراجعت ایملری دائره مذکورده اعلان اولنور .

مادام از مراغده بنت دیمترینک بک اوغلنده قیل بروننده مقیم اقامتکاهی مجهول طنش ولد یانی ذمتنده الهجنی اولان یوز یکرمی عدد لیرای عثمانینک مع فائض و مصارف محاکمه تأمین استیفاسی ضمتنده مدیون مرقومک عهده تصرفنده اولوب داینه مومی الیه نامنه وفاء مفروغ و فروختی با اعلام محکوم بولسان بک اوغلنده حسین افا محله سنده قیل برونی جاده سنده کائ ۱۸ نومرو ایله مرقم تخمیناً سکسان برزراعدن عبارت سرعسکر اسبق حسن رضا پاشا وقفندن توسیع انتقاللو بر قطعه عرصه لدی المزایده بش بیک غروش التون اچیه بدل ایله طالبی عهده سنده تقرر ایدرک موقت قراردادده سی کشیده قلمش اولدینندن تاریخ اعلاندن اعتباراً اوتوز بر کون ظرفنده لاقل یوزده بش ضمیمه طالب اولنلرک یوزده اون نسبتده کبی و دیپوزیت و اچیلرینی مستصحباً بک اوغلی اجرا دائره سینه مراجعت ایملری ومدت مذکورده ختامنه مصادف یعنی کانون اولک اون یدنجی پنجشنبه کونی ساعت طقوز راده لرنده محله صوک مزایده علیه اجرا و قراردادده قطعیسی کشیده قلمش اوزره سالف الیان عرصه پیشکاهنده اعزام قلنه جق مأموری مواجهه سنده حاضر بولنلری اعلان اولنور .

